


NENGËNZÈ CINYÌ NÈ YESÙ

UDIBÒ BÀBÌIKILA NÈ N'KILISTÒ?

 Mukalenge akubènèshè, Mwanèètù Vayle. Mwoyi wènú awu mu dindà emu, balundà bàànyì. Mèmè ntu misangu yònsò ànu pashìishe. Billy ùvwa ùngambila ne mvwa, mu dindà emu, ne ndi ne miyiiki yà bàbìdì yà pàà nkààyeetù mitwè ku makùmi àsàtù, ne ndi mwenzè ànu yibidì, pa nàнку, ngeela meeji ne nyìbidì anyì nyìsàtù. Pa nàнку ncyèna ànu mwà kwangata bantu bònsò to, nudi bamanyè's, bantu pààbò bindile, ne bindile pa dibèjì dyà mènà ngondo ne ngondo. Ne Mukalenge mwenzè bintu binène muntwamu. Kaa, Yèyè—Yèyè n'Nzambì wetù. Kì mmwòmò anyì?

² Mpindyewu ndi mutwishìibwe, mu dindà emu ne, tudì bònsò bamanyè dibungama dinènè dìdì divwilè ditùnga edi, bwà dijìmjia dyà Mfùmù wetù wa ditùnga, Mukalenge Kennedy. Nànsha mùmvwà mubèngàngàne nendè pa cidìidì cyèndè ne pa ntèdeleelu wendè amu, kàdi kèna ùkùmbanyina kufwà mùshindù awu nànsha. To. Ne kushiya bânà bakesè abu paanyimà, kabàyi ne papa. Ne maamù mwikàle. . . Mándàmù Kennedy, nànsha byòbì ne mvwa cyà bushùwà mufwànyine kubèngangana nendè, ne mishindù yèndè ne bikwàbò, pàmwàpa, kàdi, vùlukàayi ne, mmaamù. Mmufùme ku dijìmjia bânà bèndè, ne nyawù wàjìmjia bàyèndè. Wa bwalu bàyèndè mmudishindile ànu pa bibelu byèndè, ne mashi a bàyèndè mmamupòngòlòkèle pa bibelu. Aci's ncibi be.

³ Nukààvwakù beelè meeji. . . Mìngà misangu tutu twela meeji ne mukàjì awu ngutu uleja dikàsà bwà ditùngà edi, mu mishindù yà mvwàdilu ne bikwàbò. Bìdì mwà kwikala nàнку, bushùwà. Kàdi nuvwakù bamanyè ne, Mándàmù Kennedy kacya kàtukù mwanjì kuumvwa nànsha òmwè dyà ku Mayiisha àndì nyiisha pa bwalu abu aa anyì? Yèyè mwà kuumvwa òmwè dyà ku Mayiisha awu, nùнку mmufwànyine kwenza bishìilàngàne. Kàdi bàmwè bàà ku bânà bèètù bàà bakàjì bàdì bààtèleja, kàdi kabàyi ànu baswè kùkùmbanangana naawù to. Nwamònu anyì? Nwamònu anyì? Nwamònu anyì? Yèyè mbamukolèshe mu cyena-Kàtòlikè; kì cyèndè pèndè cyònsò cidìye mumanyè. Ncyèna naaci cilumbù to, nwamònu's. Yèyè. . . Aci's nndongolwelu. Ncyèna cilumbù ne bantu, beena Kàtòlikè to. Aci's nndongolwelu, ndongolwelu wa Kàtòlikè, ànu mùdì ba-Presbytériens, ba-Méthodistes, anyì bakwàbò abu amu, nwamònu's, anyì beena Mpenta, cyònsò cyà ku byòbì abi. Nndongolwelu, kì mbantu to.

⁴ Mukalenge Kennedy, ngeela meeji, mmwenzè mudimu mwimpè wà—wà diikala Mfùmù wa ditùnga. Mwoyi wànyì wùdi wùtàta be bwà mukàjèndè. Ne ndi ngumvwa dibungama dyà menemene bwà bwalu abu, bwà ne nànsha mene ditùngà dyètù ndifwànyine, bangòndàvì ne bakwàbò mu ditùngà dyètù edi, mbafwànyine kwenza cintu cyà mùshindù awu.

⁵ Pawikalà kùyi mwà kubèngangana ne muntu pa bidiye wàmba, cyà bushùwà, kàdi kwangata kaaba kèèbè sungasunga; aci kî nkabingilà bwà kushebeya muntu mukwàbò, ànu bwà bintu byà mùshindù awu nànsha. Ne bânà bakesè abu mbamanyè, bambè, mwânà mukesè kampànda kwambayè ne: “Mpindyewu ncyèna kàbidì ne muntu wa kunnàyishakù to. Papa wàyì.” Nwamònu anyi?

Pa nàнку ntu ànu ndyàmbidila misangu yònsò ne aci ncifwànyine kwikala wanyì ndekeelu, dîngà ditùkù. Cikaadi cyàmba kwenzeka misangu ne misangu, munùdì bamanyè amu, cyà kwashiibwa màzajì mu matùngà a ku baabèndè; pàvwàbì bikèngela bwà kushàalabò banjikè ne mibidi yàbò, bwà kundama, bwà kabàngaashidì cingoma pa bule to.

⁶ Nènku bu muntu mwà kufwà mùshindù awu... Kàdi, aci's mmushinga wùdi—wùdi ùfuciibwà, wùdi mulamàkàne ne butùmbi bwà bintu bishìilèshìilàngàne. Nwamònu anyi? Ngeela meeji ne twakùmbaji bu Mfùmù wa ditùnga mwìnàyi yònsò, umwe pa bànaayi, mmushipiibwe, ne mèmè ndi ndyùmva bibi be bwà bwalu abu. S'mbundù bwà kwikala ne muntu wa mùshindù awu mu Àmèrikè, wa mufwànyine kwenza cintu bu nàнку.

⁷ Nènku mpindyewu, nànsha nàнку, mûngàmbi, mèmè—mèmè mvwa mbèngangana ne cidìidì cyèndè. Ndi... Ncyèna, ncìvwa mpetangana ne mmwènenù yèndè yà cìvwàye ùteeta kwenza to. Kàdi, nudi numòna's, yèyè mmuntu mukwàbò pèndè. Ne ncìvwa mpetangana ne ndongolwelu wèndè wa ntèndeleele to. Ncyà bushùwà ne ncì—ncìvwa mpetangana ne cyòci aci to. Kàdi, nànsha nàнку, yèyè—yèyè mmukolesha mùshindù awu. Ki—ki cìvwàku ncyòci aci. Ànu mûngàmbi ne, pàmwàpa bu yèyèku muumvwè cintu kampànda cyà cishìilàngàne, nùнку mbishìilàngàne.

⁸ Tudi ne ci—cintu kampànda mwab'ewu citùtù twenza ne, dìbà dyònsò didì umwe wa ku bantu bèètù ùfwa, anyì cintu kampànda, nànsha byòbi ne mu... Ndi mèmè ngeela meeji ne twètù bu—bu èkèleeziyà wa beena Àmèrikè, bu mubidi wà beena Àmèrikè... .

Beena Àmèrikè mbàvwà beelèle Mukalenge Kennedy tukànda bu Mfùmù wa ditùnga. Ne cìvwa... Ki bwà cinyì tudi mungàlààta. Mèmè ncìvwa mwelèle Mukalenge Kennedy kakànda to. Mvwa mwelèle Mukalenge Nixon, bwalu mvwa mummanyè Mukalenge Nixon, byà sheemàsheemà. Ne mvwa—

mvwa mumuswè, ki mêmè—ki mêmè kumwèlela kakàndà, mêmè mwinè, bwalu mvwa mumuswè. Kàdi bantu bàà mu ditùnga edi, beena Àmèrikè, beena mwàbò naanyi bàà ditùnga edi, bôbò mbàvwà basungùle Mukalenge Kennedy. Kàdi mùshindù wùdìbo bacyènzè, èè, aci cidì pankaci pààbò ne Nzambi, kàdi ki mùdìbi nàнку.

9 Kàdi mêmè ndi ngeela meeji ne, bwà maamù ewu, yèyè bu muntu, mamwëndè wa bânà, Màndàmù Kennedy ewu, katwènakù mwà kajuukila kuulu katanci bwà kumwenzelakù disambila anyì?

10 Mukalenge Yesù, twètù bu bantu, tutu ne njiyà yà muntu ùmvwa bwà mukwëndè. Nènku tudi tunyingalala, Mukalenge, mùdì Mfùmwètù wa ditùnga mwashìbwe cingoma mùshindù wùdiye mwashìbwe awu, bamushebèye bu nyama. Nènku tudi banyingàlale bikolè be mùdì ditùnga dyètù dikafikè mu mùshindù ewu, mùdì bantu bàà mùshindù awu biikàle—biikàle mu ditùnga dyètù emu, bàdì bafwànyine kushipa muntu bu bàdì bàshipà nyama; mùvwàbo baasè mwanètù wa bafìike awu cingoma àbìdì àdì panshì aa amu, bamwasè mudishinde panshì ànu bu baasè nyama, bwà kànsungànsungà kàà makòbà. Nènku tudi tunyingalala bikolè be mùdì bantu bàà mùshindù awu biikàle munkaci mwètù, Mukalenge. Twètù, butekètè bwètù, mbùdì bukèbe cyôci eci.

11 Nènku tudi tulòmbakù bwà Màndàmù Kennedy, mukàji wa yèyè ewu, Mfùmù wa ditùnga ewu. Ne tudi bamanyè ne bânà bakesè abu bàdì bàtàngila ta—tatwàbò, uvwa mubàshiye matùkù makesè kumpàlà kwà cyôci aci awu, muntu wa disànka, uvwa welanganakù naabò bibùlà ne ùnàyakù naabò panshì apu. Patùdì twakulangana apa kabèèna ne taatù to. Ne bwà mukàji awu uvwa . . . mukàjèndè awu, udi bàyèndè sungasunga mudishindile pa bibelu byèndè, ne mashi a bayèndè mamumwangàlàkile pa nkanzu; mwikàle ùfùminakù ku dijiika mwanèndè wa mu dibòko.

12 Kàdi nànsha nàнку, Mukalenge, tudi bafwànyine kwitabuuja ne mukàji awu ùdi mu cilèma, bwà mù—mù—mùshindù wùdiye muleejè dikàsà mu ditùnga edi, dyà mvwàdilu wèndè ne bikwàbò; kàdi aci—aci ncifwànyine kwikala bwà beena Àmèrikè, mu kaabujimà ne, bôbò biinè, ki cidìbo baswè. Pa nàнку tudi—tudi tumusambidila, mu dindà emu ne, Wèwè ùmukwàcishèku. Nènku kwikalèku cikondo mu cinyongopelu cikolè eci ciikalàye mwà kupetà cidì Bulelèlè, Yesù Kilistò!ENZÀKU NÀNCU, Mukalenge, Yèyè Umwèpelè udi mwà kufila ditalala ne busàmbi mu dībà dyà lutàtù.

13 Nènku tükwàcishèku, Mukalenge, bwà kutùngunuka ne kwikala, ne myoyi yètù yònsò, bukènkè bùdì bùkenkà, bu mutùdì katùyì bamanyè ne ndìbà kaayì anyì mbwenzeji kaayì butùdì bafwànyine kwikala naabù pa muntu mukwàbò. Tùkenkeshèku

Bukênkè bwà Kilistò too ne pààlwàYe. Dìbà adi Mulami Munène wa cisumbù cyà mìkòòkò, Udi mumanyè bwakàne bwònsò awu, neàfile difutu ku mpèkaatù ne mpèkaatù yònsò. ne Yéyè ngwàmanya ànu menemene mwà kucyènza. Ne too ne ku diinè dìbà adi, tudi tudilàmbula twètù biinè mu byanza Byèbè, bwà dinanga Dyèbè ne luse kutùdi. Mu Dìnà dyà Yesù. Amen.

¹⁴ Èyowà, mèmè ncyèna ngeela meeji ne muntu nànsha umwe ùdi ùkùmbanyina kufwà mùshindù awu to. Mpindyewu, Mukalenge Lincoln kàvwa ùkùmbanyina kufwà mùshindù awu to. Mukalenge McKinley kàvwa ùkùmbanyina kufwà mùshindù awu to. Huey Long kàvwa ùkùmbanyina kufwà mùshindù awu to; nànsha umwe wa ku bantu abu. Ncitu mèmè ngiitabuujà byà nàнку awu abi to. Dishebeyangana, abi mbibi. Bàna bèètù bàà balùme balela kabààkalwangana mvità dyàmwàmwà dyà mbù bwà cintu cyà mùshindù awu to. Dìbèndelà dyètù kadyàkabàndishiibwa bwa cintu bu nàнку nànsha. Katwèna beena-mwàbò bàà Àmèrikè bwà cintu bu nàнку nànsha. To. Nànsha mùdibi ne, ditùnga dyètù ndikòbamija ne dikònyàngaja kùdi mpèkaatù, ki cidì—ki cidì cyènza bintu ebi. Ki mpèkaatù nyèyè awu.

¹⁵ Mpindyewu, leelù ewu tudi ne. . . Nèndongeshè mu kàlaasà kàà Dyàlumingu, ne ndambù wa bintu bìndi muswè kutèela kumpàlà kwà èkèleeziyà. Nènku aci, ki cintu cyà kumpàlà, ndi njinga bwà nùmfwilaayikù luse bwà dinùlama ntàntà buleyi mu maadyàlumingu mu dindà pàndi ne Mayiisha aa. Ne pashiishe bu Mukalenge mwà. . . Cìndi ngenzela cyòci eci, mbwalu ndi—ndi mwaba ewu munkaci mwà cisàmbà cyànyì ne ndi—ndi ndongesha malongesha a nshindameenu ne dikàndà ànu ne mwànyì mwònsò. Ncitu ndongesha malongesha aa mu myaba mikwàbò yà pàndi mpàtuka to. Ntu ngiimanyina ànu pa—pa bintu byà mushinga byà nshindameenu byà Èvànjeeliyò. Kàdi malongesha a makàndà aa, ncitu—ncitu ngàlongesha mu—mu myaba mikwàbò yà pàndi mpàtuka to. Nènku dìbà adi, kaaba aka, bidi bingangata dìbà dijimà, mîngà misangu, mèbà àbìdì anyi àsàtù, bwà kujikija Diyishi dyànyì. Nènku mîngà misangu ntu nnùlama kaaba aka, too ne pa dìbà dikùmi ne ibìdi ne citupà, anyi dìbà ùmwè jaajaaja. Kàdi nkantu kakesè be ku cìmvwà ngenza kale wàwa. Mwva nshààla bufùkù bujimà, pàmwàpa, mîngà misangu. Nkààdikù muyè, tuvwa tubanga, misangu yàbùngì, pa dìbà mwandamukùlù tulwa kwalukila kumbèlu dindà divwà dilondà pa dìbà ibìdì anyi isàtù, ncyà bushùwà, kuumukila ku masangisha.

¹⁶ Kàdi nê—nê—nèngiikalè mwà kuteeta, pàngàadisangishà neenù cyàkàbìdì, ne ciinè aci ànu—ànu kaadiyiisha kakesè cyanàànà. . . pamutù pàà dilongesha bùngì cyanàànà dyà byòbì ebi, ambà ànu mèmè munùmanyishe kumpàlà kwà dìbà ne neciikalè cintu kampànda. Bwalu, ndi ne Mpungi Mwandamutekète, ngeela meeji, yilwalwà ayi, yidi yiswikakanà

mu Citampì Ciisambòmbò. Pàakadilà Citampì Ciisambòmbò, Mpungi yònsò Mwandamutekète ayi yàkadila dyàkàmwè, nudi numòna's. Pa nàнку tуди. . . Ndi muswè kufikisha aci kùdì Èkèleeziyà kumpàlà kwà Dilwa Dyèndè, byòbì ne. . . anyi diya dyànyì, anyi cyònsò cidì cifwànyine kwikalakù aci, bu mèmè ne mùshindù.

¹⁷ Mpindyewu, twètù benzè nàнку, díbà adi netùnùmanyishè kumpàlà kwà díbà. Ne pàmwápa díbà adi, patùdì tumòna mu dindà emu ne, bibambalu mbyùle patapata, ne bimanu, ne mu nyùngulukilu, netùteetè. . . Kùdì mpindyewu mwaba wutùdì bafwànyine kwikala mwà kupeta kaaba aka. Mùdi myaba yà kusòmba bwà bantu bìipacila binunu bisàtù, ne ndibàlaasà dilenga be dyà cilongelu kumutù kwètù eku mene. Nènku Mpungi Mwandamutekète ayi, netùteetè kuyiyiishila kuntwaku mu cilongelu aci. Nènku aci necifilè myaba yà disòmba bùngì cyanàànà, nudi numòna's, bwà twamòna mwà kubwejamù bantu.

¹⁸ Tudi baswè kufila mulubù, ku New York, tуди bafùme ku dipicila mu cikondo cyà dicyònkómoka cilenga be. Dibàlaasà dyà Morris kuntwaku, bikaavwa bikèngela ànu bwà twètù kwikala twalua bantu, dilòlò ne dilòlò dyònsò. Bàvwa bùùlamù patapata. Midilu. . . Muntu uvwa mwena mwaba awu. . . Mutàngidi wa midimu yà dijimà dyà midilu ùvwa mufwànyine kukànga nzùbu awu bu twètù babàlekèle biimàne kuulu, bùlemù patapata mùshindù awu. Nènku díbà adi bivwa bikèngela bwà kwikala kubààluja. Nènku bantu pambèlu mu mùsèèsù, bàbànda bàpweka ne mùsèèsù, bàsambila bwà muntu wàdyùmvwakù ne wàcyòku ne wàjuukakù wàpàtuka, bwà bààmònakù mwà kubwela ne kupeta mwaba wà disòmba. Nwamònu anyi? Ànu muntu umwèpelè cyanàànà, bàvwa ànu bìndile pambèlu apu bwà muntu umwèpelè awu, bwà kubwelabò. Nènku ewu udi ulonda ewu udi ku ciibi awu, nènku díbà adi ùshùila mukwèndè mwaba mùshindù awu. Pàdì muntu ùjuuka wàpàtuka, biikàle bikèngela bwà àlukilè kumbèlu kumpàlà kwà díbà, èè, bàvwa bàbwela bàpetakù wabò ndambù. Nwamònu's, bàvwa bàlwa. Mmusùmbà wà bantu balenga bàà dikèma, mwìmpè be. Ne mèmè ndi ngiitabuuja bàà pa buloba, èkèleeziyà wa beena Kilistò, ùdi ne nzala yà Nzambì.

¹⁹ Mpindyewu ndi—ndi—ndi mutwìshìibwe ne. . . Twasàkidila, mwanèètù. Ndi—ndi mutwìshìibwe ne—ne Nzambì neàtùpèèshèku mpungà ewu, utùdiku mwà kudìsanga ne kupeta Mpungi Mwandamutekète ayi. Ndi muswè kwikala mulombòdìibwè bwà kwenza bintu abi, bwà nwamònakù mwà kumanya.

²⁰ Pashìishe ku didyà dyà dindà dyà Beena Kantu-ku-byanza. . . Pa ciibidilu, dyàpà dyàbò dyà kuntwaku, ngeela meeji ne bàakamba ne bàvwa ne bantu mwaba kanà wònsò kuumukila ku makùmi àtaanu too ne ku lukàmà ku didyà dyàbò

dyà dindà. Ne dindà adi mbasumbishe tiki cinunu ne nkàmà mwandamutekète, ne kushiya mwaba mukwàbò munda amu, bwà kuujabò mwaba awu tètè. Ne mu kajila ne kajila kònsò, ne ku myelelu yà bimanu, ne myaba yònsò pa bibàndilu apu, pàvwa ànu bantu biimàne kuulu. Ne bambi kampàndà bàà cipidi cibàndile, ne ndambù wa bansaserdòsè, ne—ne bakwàbò, bàvwamù bwà kuumvwa Mukenji. Nènku, mùndi muumvwè, ndi ngeela meeji ne ncyambùlwishekù ndambù. Ncifwànyine kwikala cyenzè ndambù—ndambù bipite apu, bimpè kutàmba ne mutùvwà bulelèlà twètù bafwànyine kwela meeji ne mmùvwàbi bifwànyine kwikala.

²¹ Mpindyewu, dîbà adi, dilòlò edi...Netwikalè ne... Diiyisha dyà dilòlò edi, bu Mukalenge mwà kwanyisha, pa—pa cyena-bwalu cyà—cyà mùshindù kaayi, pa ngiikàdilù webè ne Kilistò. Nènku mpindyewu aci neciikalè. . . Neciikalè cikòsò. Tudi baswè kubanga, ndi muswè kwikala pa cibumbà cyà ku cyambilu pa dîbà mwandamutekète ne tusunsa makùmi àsàtù. Bu. . . Pa ciibidilu mpa dîbà kaayi panùtù nubanga, pa dîbà mwandamutekète ne tusunsa makùmi àsàtù anyi? [Mwanèètù wa balùmè kampàndà ùdi wàmba ne: “Tutu tubanga pa dîbà mwandamutekète ne tusunsa makùmi àsàtù, kàdi netùbangè pa dîbà mwandamutekète.”—Muf.] Kaa, mwandamutekète, nènku nêngiikale pa cibumbà cyà ku cyambilu lwà pa dîbà mwandamutekète ne tusunsa makùmi àsàtù, ne bikèngela bwà ngùmukèpu pa dîbà mwandamukùlù ne citùpà, bu Mukalenge mwà kwanyisha, bwalu ndi—ndi ànu. . . nêngiikalè ànu mwà kuya lùkàsà ne mwànyì mwònsò, nènku nèmbangè kudiibidija.

²² Pashiishe cikwàbò cintu, ncyà ne, nkufwànyine kwikala beenyi bùmva bantu bàseka. Bwalu, ntu nteeta bwà kuumuka apa, kàdi nciyi mwà kucyenza to. Cidi ànu bu. . . Ndi ntèkemenà ne kacyéna cyùmvwika cyà cinyangakaja cijila to, kàdi mààmù ùvwa ne ciibidilu cyà kwamba ne, pàdi bantu bàdisangisha mùshindù awu, mbyenzè anu bu musàbù wà nsùkaadi wà mamvwa a tumbùyi's mu dindà dyà mashika. Nudi bamanyè's, mukwàtàkàne, ne wùdi wùlembuluka bitekètèbitekète. Ne pa nànu ki mùshindù wùdibi. Ndi nyà bitekètèbitekète mu Mayiisha aa, bwà nsù—nsùkaadi mutwè wa myenge ya Nzambi, nudi bamanyè's, wènza bu udi wutùkwàtakaja pàmwè. Nènku mèmè—mèmè—mèmè ncyèna, ncyèna mufwànyine kubìswa mungà mùshindù to. Ndi—ndi mubìswè ànu mùshindù awu. Mùvwà, ndi mvùluka ne kale wàwa tuvwa tujuukila kuulu twimba musambu awu ne:

Mwonji wùdi wùswikakajà myoyi yètù
 Mu dinanga dyà bwena Kilistò
 wùbeneshiibwè;
 Bwobùmwè bwètù bwà meeji a buuwetù
 Mbufwàràngàne ne bwà mu Dyulu. (Nwamònu
 anyi?)

Patùdi tutàpuluka,
 Bìdi bitùsaama ku mwoyi;
 Kàdi netwìkalè ànu baswìkàkàne mu myoyi,
 Ne batèkèmène ne nètùsangìlè cyàkàbìdi.

²³ Ne ndi—ndi mutwishìbwe ne aci ki cìikalà misangu yònsò kiipàcilà kèètù—kèètù mwaba ewu. Bààbùngì bàà ku bansantu bàà kale abu bàkaadi bayè mu tulù kàcya ànu piinè apu, kàdi twètù tucidi ànu baswìkàkaja mu myoyi. Nènku ndi ngeela meeji ku cikèènà—kumòna aci mu dindà adi, cyà kubàmòna mwàmwa aci, biikalè babènèshìibwe ne butùmbì bwà bunsongààlùmè ne bunsongààkàjì, bàcìkàle ànu ne mmwènekèlu uvwabi nendè pànwapa, pàvwàbo pànu pa buloba awu. Ngeela meeji ne bòbò mbindìle dilwa dyètù twètù. Dìngà ditùkù twadyàkufika kùdìbo, bu Nzambì mwà kwanyisha. Mpindyewu ndi—ndi. . .

²⁴ Nènku nùvulukàayi masangisha, dilombola dyà misambu nedìbangè pa dìbà mwandamutekète dilòòlò edi, pamutù pàà dìbà mwandamutekète ne tusunsa makùmi àsàtù.

Nènku pashìishe, lumingu lùlwalwà elu, nèngìikalè ku Shreveport, mu Louisiane, ne kwìnè aku nku Life Tabernacle ku Shreveport, mu Louisiane. Ne ndi ngeela meeji ne bàdi bàdìtácìsha bwà kupeta dibàlaasà didì dìnsambù dyà mùsèsèsù adi. Mwanèètù Moore mmubiikile makèèlèlè dilòòlò awu, wàmba ne bàvwa . . . Mmpungilu wa ku cidimu ne ku cidimu, ne mbatèkèmène musùmbà munènè wà bantu.

²⁵ Ndi muswè kufìlakù kaabujaadiki kakesè kumpalà kwà mèmè kubala Mifùndu. Inàbànzà ka—kampànda ùvwa musòmbe kaaba aka ditùkù adi, kùvwa . . . Bwà kunwàmbila cìdi bwenzeji bwà muntu mwìkàle ùsambidila mukwèndè. Mbyenzèke ànu ne pàngààpwekèshì mèsù mèmè kumòna inàbànzà mukwàbò ùndì ànu . . . Margie Cox, mukàjì wa Mwanèètù Rodney Cox musòmbe kaaba aka. Nènku lumingu lushààle elu, ngeela meeji ne mmwòmò, patùvwà kaaba aka, Nyumà Mwìmpè ùvwa wènza dijingulula mu bitanda mwònsò, nudi bamanye's, mùvwà bantu bàmba. Nènku yèyè ùvwa musòmbe . . . Mmusòmbe kaaba aka patùdi twakulangana apa. Kàdi ùvwa ànu dyàmwàmwa dyàdya mu mwaba kampànda. Ki mèmè—mèmè kutàngila, kùvwa inàbànzà kampànda uvwa—uvwa mubiikidìibwe, ùvwa ne disaamà dyà nsùkaadi. Ne Margie ùvwa . . . Ne mu cikèènà—kumòna amu ùvwa m' Margie. Ne Margie ùvwa mwimàne mwaba awu; kàdi nànsha nànkù mèmè kupwekesha mèsù, e kumumòna, ne civwa . . . Ki mèmè kudyàmbidìla . . . Ki mèmè kutàngila bwà mmonè mukàjì mukwàbò ewu, ne Margie ùvwa mu cikèènà—kumòna amu, kàdi Bukènkè abu bùvwa kumutù kwà mukàjì awu. Ki mèmè—mèmè kushààla mbandila.

²⁶ Ki mèmè kudyàmbidìla ne: “Èè, mèmè mubiikile Margie, nebàmbè ne: ‘Bushùwà, aci, bushùwà.’ Muntu kampànda udi mumumanyè, neàmbè ne: ‘Mòna's, yèyè—yèyè, bà—bàyendè's

ùdi ànu umwe wa ku balundà bèndè—bèndè bàà pa mwoyi. S'mbasòmbèle mwaba wùmwè, bàlààla mwaba wùmwè, bàya mu bulembi pàmwè, ne—ne bikwàbò byònsò. Bushùwà, s'mbwena kwamba ne, yèyè mmufwànyine kumanya aci.” Kàdi Margie kàvwa mumanyè aci to. Kàdi mèmè kubiikila inàbànzà mukwàbò awu, ùvwa. . .Ngeela meeji ne, ùvwa mmwanààbò wa bakàjì uvwa mufùme ku Chicago awu, mungààkamanya pashìshe.

²⁷ Kàdi kwenzekabi ne, mu wendè. . .mu cyapù amu, bàdi bènzamù mateeta a disaamà dyà nsùkaadi. Nènku—nènku yèyè ùvwa ne disaamà dyà nsùkaadi. Nènku ùvwa mu njila, dyàbwàbwa, ùya ku lùpitaadi bwà cyòci aci. Nènku—nènku pààkacitèèlaye, ki mèmè kumuvùlwija cyòci eci. Ki mèmè kwamba ne: “Lwàkù apa, Mwanèètù wa bakàjì Margie.” Ki mèmè kumwambila mùvwà byanza byèndè bikwàcìkèkwàcìke tukùlàkàjì, ne—ne mùvwàye ne njiyà mibi menemene ayi.

Inàbànzà mutekète awu ùdi ùkwàta mudimu muunya ne bufùku, bu nàнку awu's, kuntwaku, bwà. . .maamù mukesè awu, bwà kukwàcishakù bàyèndè bwà kufuta kwà nzùbu wabò udibò bàditàcisha bwà kwibaka. Nènku—nènku yèyè ne mwanààbò wa bakàjì mutekète, Nellie, ne Charlie, mmwanààbò wa balùme wa Rodney, mukàjèndè, ne bònsò bawàbò bàvwà bàkwàta naabò mudimu pàmwè ku byapù abi aku, ne mwàbò mwònsò. Ne bàtwàla bundù. Mbalekèle nsukì yàbò yileepa, ne bùumusha bilaabu byà kwìsù, ne bintu byà mùshindù awu, pàdìbo balwa beena Kilistò. Mèmè ntu mumanyè kutwà makùmbù mwaba wùdi mukùmbànyine makùmbù. Ne ndi cyà bushùwà ne kaaba kàà pabwàkù munda mwà mwoyi wànyì bwà bakàjì batekète bàbidì abu.

²⁸ Ki pashìshe mèmè kumukwàta ku cyanza ne kumusambidila. Nènku kuyayè kuntwaku, kàdi kabàyikù mwà kupeta mwaba nànsha wùmwè kamanyinu kàà disaamà dyà nsùkaadi nànsha kàmwè to. Ndiyè, nàнку awu.

Inàbànzà kampànda ùvwa musòmbè kaaba aka mwaba kampànda, ùvwa mubiikidiibwe, ne ùvwa mmwanèètù wa bakàjì dìnà dyèndè Bruce. Ncyèna mmumòna mu dindà emu to, kàdi ùvwa misangu yònsò. . .Mmukàjì muswè disambila ànu wa menemene. Nènku mukàjì ewu kubwelayè ne, ùvwa mmusangu wà ndekeelu wùmvwà mwaba ewu, ne kakùyi kufidiibwe twartà twà—twà disambila to, anyì cintu nànsha cimwè, pa nàнку kakùvwa kufwànyine kwikala muntu nànsha umwe to, mulongo wà babèèdi nànsha wùmwè, pa nàнку bàvwa ànu. . .Nyumà Mwimpè kubiikidila Yè ànu mu batèèleji amu.

²⁹ Ki Màndàmwàzelè Bruce mutekète ewu, yèyè ùkaavwakù—ùkaavwakù mwondòpiibwe musangu kampànda, yèyè mwinè, ku disaamà dyà kànsère. Nènku yèyè—nènku yèyè ùvwa misangu yònsò ànu ne bujitu pa mwoyi wèndè bwà muntu kampànda

mukwàbò, nènku ùvwa munkaci mwà kusambila. Nènku kùvwa inàbànzà kampànda wa mu Louisville, uvwa ùpunga ne lufù, ne kànsère pa muminu. Nènku pàvwàye ùsambila apu, Nyumà Mwímpè kuyaYè buludì kùdì mukàji awu, kumubiikila, ne cyònsò cyàkenzàYe aci, kumwambila ne yêyè ùvwa nganyi, kumwambila's wè, èyo, ne yêyè ùvwa nganyi, ne cìvwa lutàtù lwèndè, ne mùvwàye ne kànsère, ki kwamba ne yêyè, bìvwa mwà kwikala bímpè. Ki inàbànzà mukesè awu kwalukilayè kumbelu.

Ndambù wa matùkù paanyimà pàà cyòci aci, kubangayè ànu ùpanga mwà kweyela byà lufù, wàmba kufwà, muminu wèndè mùle ànu bikolè. Kutuutayè lukosò lukolè, ki kànsère kutùpika e kupàtukakù. Nènku yêyè ùdi tumatuma. Nwamònu anyi?

³⁰ Cìdì cyenzèke, nudi bumòna's, dipondo adi, dyòdi diinè, ncyùjà cyà kànsère cyà lufù ciikàle ne mwoyi munda mwàci amu. Nwamònu anyi? *Kànsère*, aci cìdì cìfùmuna ku—ku mwakù, wà ngaakwilù wa maalu a baamingàngà, wà ne “nkàlà,” cyùmvwija ne kàdi ne mapangu àbùngì, bu mùdì nkà—nkàla unùdi nukwàta mu mbù ne—ne mwikàle ùnùnwa mashi awu. Nènku cyùjà cyà kànsère cyà lufù eci pa muminu pèndè apu cìvwa ne, cìvwa, ki cìvwàci cyèenza ncyòci aci.

Mpindyewu, nwamònu's, ncyèna ndwisha cyùjà to. Ndi ndwisha mwoyi wùdì mu cyùjà aci. Nwamònu anyi? Mwoyi wùdì mu cyùjà aci ki wutùdì tulwisha. Nwamònu anyi? “Mu Dìna Dyànyi bòbò nebìpatè baadémòns.” Mwakù *démon* mbwena kwamba ne “mutàcishanganyi,” mùdì wa mubidi. Nènku eci cìvwa ndémon. Ne dìbà adi pààkapàtukà mwoyi mu cyùjà aci, mu bushùwà bwà bwalu, aci cyàkashìya cyùjà cìbanga kuulakana.

³¹ Ànu mùdì kabwà kakesè kàdìbo badyatè ku màshinyì mu mùsèèsù's, cintu bu nàнку awu, ùkàshiyè katèeka pa muunya pààpa munda mwà ndambù wa matùkù, pashìishe, kàdi kàdyundakana kàfika bunènè bwàkù abu misangu yìbìdì.

Èè, ki cìvwa cyenzè ne mukàji mukesè awu ikalè ànu wènda ùùmvwà bibì kupìta. Misangu yàbùngì nkàadi mucyùmvwijùmvwije. Wèwè mubangè kuumvwà bibì, ki cimanyinu mene cyà ne wondòpìlù aci, ùdi umòna's. Nènku bìvwa byènda bitàmbà kubiipa dìbà dyònsò, ne bimupàtakaja mweyelu, bwalu cìvwa cyènda cìdyunda. Nènku. . . Kàdi cìvwa cidilekèlèlè, ne mwoyi wùvwa mupàtùkemù. Ne dikòsola adi mùshindù awu, nudi numòna's, [Mwanèètù Branham ùdi ùkòsola—Muf.] nùnkù *ewu*, kàtùpika, cikàkòke ne kòkò kadilekèlèlè kuumùke ku musunya wèndè mukwàbò awu. Nènku cintu cìfwè aci, ciikàle ànu mubidi wà kawùyì ne mwoyi munda mwàwù to, kànsère aku kayè, kutùpikàci e kupàtùka, nwamònu's, kupònàci pambèlu.

³² Pa nàнку, ki cyòci aci, mubidi mmupàtùke dìbà adi. Awu kí ndémon uvwa mupàtùke awu to. Awu ùvwa nanzùbu uvwayè

musòmbèle. Ûwva mupàtùke bwà diitabuuja dyà mukàjì awu mu cìwvwa cimwambidiibwe aci, mumanyè ne Yesù Kìlistò ùdi umwèumwè awu makèlèlè, leelù, too ne kashidi, aci ncìwvwa cishipè kànsèrè aku, cipàtùle mwoyi awu.

Mpindyewu, yéyè ùwva mufwànyine kwikala mwalùkile kùdi ngàngàbukà, ne ngàngàbukà mwambè ne: “Macimbu, ci—ci—cintu aci cidimù ànu mùvwàci kwònsò aku amu.” Kàdi aci cìwvwa cyà bushùwà, cyùjà ncìwvamu, kàdi kí mmwoyi nànsa, wòwò awu kawùvwamù to. Nwamònu anyì?

³³ Mpindyewu, kàdi bu ne cìwvwa mwaba kampànda wùvwàci kaciyi cifwànyine kwikala—kwikala cipàtùke?

Ki fòtò nyéyè awu anyì? [Mwanèètù Neville ùdi wàmbila Mwanèètù Branham ne: “Awu mfòtò wa cyùjà cìdi cyumùke mu Màndàmù Baker, wa ku Springville, mu Indiana. Ne yéyè. . . Ewu mfòtò mudyundisha, wa cìwvwa mupàtùle, paanyimà pàà disambila.”—Muf.] Ewu mfòtò wa cyùjà cìdi cyumùke mu Màndàmù Baker, wa mu Springfield, mu Indiana, cìdi cyumùke, paanyimà pàà disambila. Kì fòtò wàci nyéyè awu. Nwamònu’s, kí mubidi wùvwà démon awu musòmbèle ngwòwò awu.

Ànu mùdi wèwè musòmbèle mu ewu mubidi wùdi musòmbèlemù awu; mmufwànyine kwikala mukesè, munène, wà nsuki mikùnzùbile, wà nsuki mifilke, cyònsò cìdiwu aci. Nwamònu anyì? Anyì dyabùlù ngudi musòmbèle mu mubidi ewu, anyì Kìlistò ngudi musòmbèle mu mubidi awu. Èè, díbà adi pàdi mwoyi wùpàtukamù, mubidi wèbè wùcìdi ànu pa buloba apa, wamònu’s, kadi mwoyi kawùcyenamù to.

Pàvwà mwoyi mupàtùke apu, mubidi wùcìwvwa ànupù. Kì pashìishe kulamuka ku mubidi wèndè ne kwipaciibwa, mubidi awu kupàtukawù.

Kàdi cyòci ciikàle mu mwaba kampànda wùdici kaciyi mwà kupàtuka to, díbà adi mwoyi wèbè bikèngela wùbakulè cintu cifwè aci ne wùkezulè mashi, musangu wònsò wùdiwu wùtuuta awu. Bìdi bìjuula mubidi-luuyà, ne bikwàbò byònsò, bwalu ndisaamà dyà kishì. Nudi numòna anyì? Ne bikèngela mwoyi wèbè. . . Ngeela meeji ne mwoyi wùdi wùkezula mashi pàdiwu àpita apu. Ncyà bushùwà anyì, Mwanèètù wa bakàjì Dauch? Ngeela meeji ne ncyà bushùwà. Mwoyi, pàdiwu wùtuuta apu, wùdi wùkezula. Mmungàngà mukàjì, nudi bamanyè’s, ne mukwàbò nyéyè ewu musòmbè kumpàlà kwèndè eku. Wùkezul-. . . wùbàkula. . . Nènku kí cìdi cìjuulà mubidi-luuyà ku disaamà dyà kishì. Wùdi wùbàkula disaamà dyà kishì adi nènku—nènku dìjuula mubidi-luuyà.

³⁴ Mpindyewu, bantu, nudi numòna’s, ndiitabuuja dyèbè. Kì nnjìyà yèbè to. Kì ncintu to, nànsa biikàle nànkù, cyanza cyànyì cyòci kaciyi cilulàme. Aci kaciyèna ne bwalu bwà dyenza naaci to. Ndiitabuuja dyànyì didì dyènta bwalu. Nwamònu anyì? Ànu kumpàlà kwètù mene, tudì tumòna cimfwànyì cyà muntu

mwondòpiibwe ànu menemene, ku diitabuuja. Ne pashiishe tuyààya ku cidya ne ku cidya too ne mutùdi tukabwela mu muntu awu, ne tutùngunuka ànu ne kwenda kuya naaci. Nwamònu anyi? S'ki bwalu mbwòbù abu. Nènku aci, ki cidi cicyenza, diitabuuja dyèbè; kî nnjiyà yèbè to. Diitabuuja dyèbè ndidi dicyenza. Twasàkidila ne butùmbi bìikalè kùdi Nzambi!

³⁵ Mpindyewu ànu katanci kakesè cyanààna kàà disambila, nènku tudi ne cyena-bwalu kaaba aka citùdi baswè kwangata ne mushinga, ne cikondo cikesè cidi Mukalenge mufwànyìnekù kukwàta neetù mudimu bilondèshile cyòci eci.

Nènku, mpindyewu, ne pashiishe piikalà bàmwè bàà kunùdi ne cyà kuya mu dindà emu, ne kabàyi mwà kwikala mu disangisha dyà dilòòlò edi, bu Mukalenge mwà kwanyisha, ndi—ndi muswè kwikala cyàkàbidi kaaba aka. Dìkù dyànyì nedyàlukilè mu lumingu lwà Noël. Ne pashiishe, mu dyàlumingu dyà paanyimà pàà Noël, bu Mukalenge mwà kwanyisha, ndi muswè kuyiisha Dyiisha dyànyì dyà Noël ku tabernacle eku; dyàlumingu dyà paanyimà pàà Noël. Bu Mukalenge mwà kwanyisha, dyàlon dà nedùikalè *Mulalakanyi Wa Mu Musèèsù*.

Nènku twinyikààyaaku mitù yètù mpindyewu bwà kulàmbula disambila kumpàlà kwà twètù kubala mifùndu.

³⁶ Mukalenge Yesù, ikàlàku Wèwè pabwipi neetù pa dībā edi. Ne tudi bamanyè ne mbikolè mu kaèkèleziyà kèetù kakesè aka, ne pàdi bààbùngì biimàne kuulu. Nènku—nènku tudi kaaba aka kî mbwà dicyankama dyà mwaba, wùdi wùtùpèèsha dicyankama dyà mu mubidi to, bwalu kawèna mucyankàme to. Ne katwèna kaaba aka bwà kutùmònabò nànsha. Kàdi tudi kaaba aka mbwalu tudi buumvwè Bwikadi Bwèbè. Ne tudi bamanyè ne Wèwè udi kaaba aka. Ne tudi apa mbwà kulongolodiibwa ku bilèma. Ne tudi kaaba aka, bamanyè ne tudi mu nzùbu wa Nzambi. Ne tudi tudyùmvwa bìmpè bwà kwikala kaaba aka, nànsha mudipu kapàyi pacyankàme emu, diimana dyà kuulu edi, ne—ne mutùdi basòmbe bapàte patapata emu, kàdi tudi kaaba aka mbwalu tudi—tudi tuumvwà ne Nzambi ùdi kaaba aka.

³⁷ Ne mùshindù wùmwèwùmwè wùvwà nsongàalùmè awu ne cyà kwikala mudyùmwè bufùku abu awu, pàakayisha Pòlò bufùkù bujimà apu, diyiisha buledi, pàmwàpa kuumukila ku dibwela dyà dībā too ne ku dipàtuka dyà dībā, mu dindà dyà pààkacyàbu. Nènku nsongàalùmè wa citende musòmbe kuulu menemene, kukùkùlukayè ne kwelabò meeji ne wàkafwà. Ki Pòlò kwadijaye mubidi wèndè pambidi pèndè, ne Nyumà wa Nzambi uvwa pa mùsànjeelà awu kwaluJaYè nyumà wa mwoyi mu mubidi wà nsongàalùmè awu. Ki kwambaye ne: “Neùmwè bìmpè,” ne nsongàalùmè awu wàkapingana ku mwoyi. Yèyè ùvwa musànkishiibwe kùdi cìvwà Pòlò wàmba.

³⁸ Nènku, Nzambi, tudi basànkishiibwe mu dindà emu kùdi bìdi Nyumà Mwimpè mufwànyìne kwambila mwoyi yètù. Nènku

tudi tulòmba bwà Wèwè kucibwilakù muntu ne muntu wa kutùdi Dyâmpà dyà Mwoyi, bwà patùumukà kaaba aka leelù ewu, katùumukukù mu citanda emu bantu bàà mwomùmwe mutùvwà patwàbwedi apu to. Swàku bwà beena Kilistò bàtambè kwikala pabwîpi Neebè. Swàku bwà bangenzâmpèkààtù bàkudimuke leelù ewu. Swàku bwà babèèdi bôndopiibwè. Ne swàku bwà Bukalenge bwà Nzambi bùlwe pabwîpi neetù, anyi mene bwikalè munda mwètù. Bwalu tudi tulòmba nùnkù mu Dîna dyà Yesù Kilistò, patùdi bindile Nyumà Wendè bwà kutùpèèsha Mèyi apa. Amen.

³⁹ Mpindyewu tùbalààyaaku ndambù wa Mifùndu, yìdi . . . Diyì dyà Nzambi ditu misangu yònsò ànu dibingè.

Nènku mpindyewu, ne muntu ne muntu, ndi mmòna ne nudi ne musàngèelu wàbùngi kùdi bàdi biimàne kuulu. Ndi mmòna muntu kampànda ùjuuka kuulu ne ùsòmba panshì, ne ùshìila muntu mukwàbò mwaba wà disòmba. Abi's mbilenga be. Ndi njinga bwà twìkalakù ne myaba yàbùngi, kàdi katwèna ànu naayi to, bwà pa díbà edi.

Buulùlaayi mu Maatàayi 27, nènku netùbalè kuumukila ku mvensà wa 11, ne pashìishe netwàkulè pa cyena-bwalu eci.

Nènku Yesù wàkiimana kumpàlà kwà nguuvènà; ne nguuvènà wàkamukonka, wàmba ne: Wèwè udi Mfùmù wa beena Yuda anyi? . . . Yesù wàkamwambila ne: S'nyawù ucyàmba.

Ne pààkamubandà baakwidi banène ne bakulù abu, yèyè kààkandamunakù cintu nànsha cimwè to.

Pashìishe Pilaatù kumwambilayè ne: Kwèna umvwa bùngi bwà maalù àdìbò bàkubanda naawù awu anyi?

Kàdi yèyè kààkamwandamunakù ku diyì nànsha dìmwè to, mu mùshindù wà ne nguuvènà wàkakèma bicolè.

Mpindyewu ku difestò adi nguu—nguuvènà . . . ne ciibidilu cyà kulekeleela bantu mwena bùlokò umwe, uwwabò bóbò baswè awu.

Nènku bàvwa díbà adi ne mwena bùlokò munène wa luumù, dîna dyèndè Baalàbààsà.

Pa nànkù pààkadìsangishàbo pàmwè, Pilaatù wàkabàmbila ne: Nganyi unùdi baswè bwà nnùlekèlèlè? Baalàbààsà, anyi Yesù udibò bàbiikila ne n'Kilistò?

Bwalu ùvwa mumanyè ne bwà lukùkà mbùvwàbò bamufidìle kùdiye.

Nènku yèyè ùvwa musòmbè pa nkwasà wa cilumbulwidi, mukàjèndè kumutùminayè mukenji, wàmba ne: Kwìkadikù . . . cintu nànsha cimwè ne muntu

mwakàne ewu to, bwalu ndi mukèngè bintu byàbúngì leelù ewu mu cilòotà bwà bwalu bwèndè.

Kàdi baakwidi banène ne bakùlù bàakaswishisha musùmbà wà bantu awu ne birwa bikèngela kulòmbabò Baalàbààsà, ne bàshebeyè Yesù.

Nguuvènà wàkandamuna ne wàkabàmbila ne: Nganyì wa ku bàbìdì aba unùdì baswè bwà nnùlekèlèlèlè? (Anjì elàayi pèènù meeji ku bwalu abu!) Kwambabò ne: Baalàbààsà.

Pilaatù wàkabàmbila ne: Nèngènzè cinyì dìbà adi ne Yesù udibò bàbìikila ne n'Kilistò? Nèngènzè cinyì dìbà adi ne Yesù udibò bàbìikila ne n'Kilistò? Nènku bònsò bàakamwambila ne: Àpoopediibwè pa nkùrusè.

Nènku nguuvènà wàkamba ne: . . mbubì kaayi bùdiye mwenzè? Kàdi bóbò bàakatàmba kwela mbilà mikolè, bàmba ne: Àpoopediibwè pa nkùrusè.

Dìbà adi Pilaatù kumònayè ne kàvwa ne cìvwàye mwà kupeta to, pa kuumusha ànu kujuula kwà ndululu, wàkangata màyi, ne wàkoowa byanza kumpàlà kwà musùmbà wà bantu awu, wàmba ne: Mèmè ncyèna ne bwalu bubì bwenza bwà mashi a muntu mwakàne ewu to, abu mbwalu bwènù.

Dìbà adi bantu bònsò bàakandamuna, ne bàakamba ne: Mashi Èndè ikalè pambidi pèètù, ne pàà bânà bèètù balela.

Dìbà adi yèyè wàkabàlekeleela Baalàbààsà; ne pàakamanàye kwela Yesù mfimbù, wàkamufila bwà kumupoopelabò pa nkùrusè.

⁴⁰ Cimfwànyì cyà dibungama kaayipu's we! Ndi ngiinyika cyena-bwalu cyà cyòci eci dìnà, panwikalà baswè kucifùnda mùshindù awu, anyì kuciinyika nàнку. Ne pàmwàpa mukàbà wà mèyi mmufwànyine kuswà kupèeshiibwa cyena-bwalu cyà ne: *Nèngènzè Cinyì Nè Yesù Udibò Bàbìikila Nè N'Kilistò?* Nènku cyena-bwalu cindi njinga kukwàta naaci mudimu, paanyimà pàà ciikàle mufùndu, ndi muswè kukwàta mudimu ne cyena-bwalu cyà ne: “Mwikàle Ne Yesù Pa Byanza Byèbè.” “Mwikàle Ne Yesù Pa Byanza Byèbè, Newènzè Cinyì?”

⁴¹ Cyalu cyètù cidi cibanga, mu dindà emu, mu cibambalu cinènè cyà cilumbulwidi, mùvwà Pilaatù, nguuvènà awu, mubiikidiibwe bwà kubwela mu cyalu, bwà—bwà kwenza cyenzi ne—ne kulumbulwishà. Pàvwa mpa bwebwebwe mu dindà, mutanci mukesè kumpàlà kwà kabundubundu, ne bàvwa bamunyangile tulù, ne—ne bamubiikile bwà yèyè kupàtuka bwà kutèeleja cilumbù cyà—cyà Muntu ewu.

⁴² Cìvwa ncikondo cyà dipoopediibwa dyà pa nkùrusè dyà Mukalenge ne Musungidi wetù, Yesù Kilistò. Yèyè kàvwakù—

kàvwakù ne cìvwàYe mwenzè to, cìvwàbo bafwànyinekù kusangana mu Yèyè, ne Yèyè ùvwa—Yèyè ùvwa mwandàmùne ku bintu byònsò. Cìvwa ànu ndìbà òvwa dikèngelà bwà kwikalabi mùshindù awu.

Kakwènakù cintu nànsha cìmwè cìdì mwà kwenzeka kakùyi cintu kampànda paanyimà pààci bwà kucyènzeja mùshindù awu to. Kùdi ne cyà kwikala kabingilà kampànda bwà byònsò bidì byènzekà ebi. Bwalu mbi—mbisàkiibwe, mu bushùwà bwà bwalu, kùdì—kùdì nyumà udi mu bintu, ne mu bantu, ne bikwàbò. Kùdi kabingilà kabingilà kàà cyòci aci, ne—ne kiipàcilà, ne kùdi ne cyà kwikala kenzèlè kampànda.

Ne cyòci aci, kabingilà kàvwà kenzè ne bwalu ebu bwènzekelè Muntu mutàmbe bunène uvwa kacya wikalakù ne mwoyi pa buloba ewu, anyi mwà kwikala ne mwoyi; kabingilà kàvwà kenzè ne byènzekè mùshindù ewu, mbwalu dìbà dyàkakùmbana bwà kwenzekaci. Nwamònu anyi? Bìvwa ne cyà kwikala nànkù, ne kakùvwakù mùshindù wà kucyèpuka to. Bìvwa—bìvwa ne cyà kwikala dìbà adi.

Ne Yesù ùvwa mulwè pa buloba ànu menemene mùvwà Dìyi dyà Nzambì didyànjlè kwamba ne Yèyè neàlwè amu. Wàkenza ànu menemene cìvwà Dìyi dyambè ne Yèyè neénzè. Yèyè ùvwa ne nsòmbelu, ànu menemene, ne Nzambì wàkamanyisha, anyi wàkamwènesha, Dimiinu dyà cikondo aci. Mpindyewu vùlukàayi ne, Nzambì . . .

⁴³ Bible ùdi ùbanga mu Genèsè ne ùya too ne ku Bwàkabuulwibwà. Mpindyewu dileesòna ndyedì dìndì—dìndì muswè bwà nwènù kuumvwa, ne . . . Nwamònu's, mu lukòngò lwònsò bàtu bambè, mu Bible, cintu kampànda cyenzèke mu lukòngò ne lukòngò lwònsò.

Mwàkamòna Danyèlè . . . muumvwije cilòòtà cyà Nebùkàndànèèsà; mùvwà makalenge à bàà Bisàmbà byà bendè mwà kubwela, ne mùvwàwu mwà kudìshinda, ne mùvwàwu mwà kushiya mwaba. Nènku cyònsò cyà ku bisàmbà abi mu bisà abi ne matùnga awu, makolè a bàà Bisàmbà byà bendè àdì àkòòkeshà awu, àtù makòòkèshèkòòkèshe buloba awu, mmenzè ànu menemene mùshindù wùvwà cikèènà-kumòna aci cyambè ne àvwa mwà kwenza.

⁴⁴ Nebùkàndènèèsà, mutù wà ngòlò awu, pààkangaciibwàye, pashiishe beena Meedàayi ne Peelààsà kubwelabò; ne ngiikàdìlù wabò, bilondèshìle ngii—ngiikàdìlù wa cyamù aci, ne bilondèshìle cìvwà mupròfetà mwambè, ànu menemene. Nebùkàndènèèsà, mutù wà ngòlò awu, ùdi mutàmbe bunène ne wà kumpàlà wa Bukalenge awu. Pashiishe Meedàayi ne Peelààsà bàvwa cyamù cyà argent. Ne pashiishe kupweka kwìnshi kubwela mu bibelu, bwà—bwà kwikala cyamù cyà mìtakù. Nènku cyamù ne cyamù cyònsò cìdì cyènda cikola ànu kukola; ngòlò ngudi mutàmbe kwikala munefùke. Ne cìdì

cikajika ne cyamù cifiike, cidi citàmbe kwikala cicolè ku byònsò abi, ncyamù cifiike.

Mpindyewu, bwònsò bwà ku makalenge awu bwàkapweka ànu menemene, bilondàngane ne ngiikàdilù, mùshindù wùvwà mupròfetà mwambè ne nebwènzè awu. Nènku cìvwàye wènza ncinyi? Ùvwa ùmyamina dimiinu bwà matùnga kutàbaleelawù, ne musangu wònsò wùvwà bukalenge abu bùlwa, bùvwa ne cyà kwenza bilondèshile cyàkambà Dìyi.

⁴⁵ Ne pashìshe bìvwa bikèngela bwà Maasiyà kumataYè mu cyalu. Ne pàakamatà Kilistò mu cyalu, Ùvwa ne cyà kukùmbanangana ne Mèyi a Nzambì àvwà ne cyà kuujiibwa, àvwà mupròfetà mwambè awu, cìvwàYe ne cyà kwenza aci.

Mòsà wàkamba ne: “Yèyè neikalè—Yèyè neikalè Mupròfetà mufwànàngane naanyi.” Ne bu nwènù mwà kwikala ne... twètù ne dìbà dyà kufwànyikija aci ne kuleeja ànu mùvwà mu cikondo cyà mikùükùku aci, cìvwà Izàlèèlà mu bupika kùdi Èjiipitù, mùvwà Mòsà mulediibwe mwànà wa wèndè mùshindù, wa pabwèndè amu; ne—ne mwàkajuukàye, ne mwàkakoleshiiwbàye, ne mwàkasokokiibwàye mu nkodì yà ku màyi; ne mwàkalwàye mulombodi, kuyayè ku mikùnà ne kupetayè mikenji, ne kutùùlukayè. Ne yèyè kàvwa ànu mulombodi cyanàànà to; kàdi ùvwa mwakwidi, ne mfùmù, ne nguuvènà. Bintu byònsò abi, ne mùvwà aci ciikàle ànu menemene cìfwànyikijilu cyà Kilistò. Ki Mòsà kwambayè ne: “Mukalenge Nzambì webè neàjuulè Mupròfetà mufwànàngane naanyi.” Nwamònu anyi?

⁴⁶ Mpindyewu, pàakalediibwà Kilistò, Izàlèèlà ùvwa cyàkàbidi mu bupika bwà Bukalenge bwalàbàle bwà Loomò. Ne Yèyè ùvwa cinyi? Mulela Mwànà wa pabwèndè, ne wa Wèndè mùshindù, mwàkakoleshiiwbàYe. MwàkabàndàYe ku mikùnà, ne kukùtùùluka e kwamba ne: “Nutu bumvwè bàmba, kùdi bàà bikondo byà kale abu ne: ‘Kwibi.’ Nutu bumvwè bàmba ne: ‘Kwèndi masandi,’ kàdi Mémè ndi ngamba ne, ewu yònsò ukàtàngidi mukàji bwà kumwalakana, wàmanyi kwenda masandi.” Mufidi wa Mikenji, nwamònu’s, ne Mfùmù, Mwakwidi, Mupròfetà, mufwànàngane ànu nendè menemene. Pa nànkù bìvwa bikèngela bwà bintu byònsò ebi kuulabi, ne pàvwà cipòòlò cìvwà mwaba awu bwà mwoyi wà Maasiya aci, pààkashindikiibwàci ànu menemene apu.

Mpindyewu, edi didi mwà kwikala dileesòna dileepa dyà ndekeelu dindì ndongesha bwà katanci. Ndi muswè bwà nùcyùmvwè ne ntèmà mpindyewu.

⁴⁷ Pàdi Dìyi dyakùdiibwe bwà lukòngò lusungùlùke elu, nekwikalè muntu kampànda wàjuuka mu cyalu wìkala mwà kuuja Dìyi adi, bwalu Nzambì mmuDyàkùle. Ndishindikiibwa dyà Dìyi dyakula. Nènku Yesù ùvwa mukùmbàje ngiikàdilù yònsò uvwa ukèngediibwa, ne ùvwa Dìyi, mushindika bu

Maasiyà, menemene. Kùdi kàbìdì Mèyì, màmba mu Bible, bwà ditùkù dyà ndekeelu. Bikèngela bwà Mèyì awu àngatè mwoyi.

⁴⁸ Nènku tudi tusangana kaaba aka ne, mu matùkù a Mukalenge wetù, èkèleeziyà ùkaavwa mumanè kuMubènga kumpàlà mene kwà kufikaYè mu cibambalu cyà cilumbulwidi cyà Pilaatù amu. Bàkaavwa baMubènge, kubangila ànu ku ditùkù mene dyàkabangà mudimu Wèndè wà bwambi kwamba cipròfetà ne ùbàmbila Bulelèlà bwà Dìyì. Dìbà adi, kabàvwa bafwànyine kuumvwa aci to, mùvwàYe, mwikàle Muntu, mwà kumanya bìvwà mu myoyi yà bantu. Kabàvwa batàmbe kumanya, ne, Dìyì òvwa Nzambì to! “Ne Dìyì,” mùdì Bible mwambè, “ndijinguludi dyà meeji ne mapàngadika a mu mwoyi.”

⁴⁹ Kàdi bàvwa baswè kuMubiikila ne nyumà mubi. Yèye kwamba ne: “Nènnùfwilè luse bwà aci. Kàdi pààlwà Nyumà Mwimpè bwà kwenza cintu cimwècimwè aci, kuMwamba dìyì dibì kakwàdyakufwidiibwakù luse to.”

Ne bintu byònsò byàkambàYe mu cipròfetà ne nebiikalèku mu ditùkù edi abi, bikèngela cintu kampànda cibifikishè ku mwoyi. Kàdi pàdìCi cifikishiibwa ku mwoyi, neCìikalè cishiilàngàne bikolè menemene ne mùdì bantu bàdyàmbidila ne mmùdìCi, mu mùshindù wà ne—ne ànu Basungula mbààCimònà. Misangu yònsò, ànu Basungula mbàtù cintu cimwèpelè cyàCimònà, bwalu nCisungula ne cilongolola bwà kuCimòna. Ki bwà cinyi, kabyèna mwà kwenzekakù to, bwà mùshindù mukwàbò nànsha wùmwè.

⁵⁰ Yesù wàkamba ne: “Kanwèna mwà kulwa kùNdì to. Muntu nànsha umwe kèna mwà kulwa to pàdì Taatù Wanyì kàyì mumukòke; ne bònsò bàdìYe muMpèeshe nebàlwe kùNdì.” Nwamònu anyì? Nwamònu anyì? Nènku kakùvwà mùshindù to. KwambaYè ne: “Nudi ne mèsù kàdi kanùyì mwà kumòna to; ne maci, kanùyì mwà kuumvwa to.” Yèye ne: “Yeshààyì wàkamba ànu bìmpè cipròfetà bwà bwalu bwènu.” Nwamònu anyì? Cipròfetà cyà Yeshààyì cijuuka, ciikàle cimwèneshiibwa.

Kanùpu aci mwoyi to, apa anyì mutèèleji wa mukàbà wà mèyì ne, Dìyì dyà Nzambì dìdì ne cyà kumwèneshiibwa. Nzambì mmwenzèjiiibwe bwà kwenza bwà Dimwèneshiibwè.

⁵¹ Ànu mùvwà Yone Mubàtiji mudyànjila kulongolola bwà kudyànjidilayè dilwa dyà Kilistò, kùvwa ne cyà kujjuuka muntu kampànda bwà kwangatayè kaaba aku. Bikèngela bwà Dìyì adi dyùlè.

⁵² Pashiishe pàakalwà Yesù bu Maasiyà mulaaba awu, ne kwenza ànu menemene civwà Dìyì dyà Nzambì dyambè ne Yèye neènzè; kàdi nànsha nànkù beena Yudà bàvwa bòbò bindile cintu kampànda cikwàbò, “Mfùmù wa ùlwa ne dikombo dyà cyamù mu cyanza Cyèndè,” civwà kule mu matùkù àcivwà àlwa. Kàdi Yèye wàkuuja Dìyì ne Dìyì dyònsò.

Dìngà ditùkù mu Kaapènumà mwàmwa, pàakangatàYe Mufundu e kubala, (nuvwakù bamòne anyi?) Yèyè wàkabala ànu katùpà kàà Mufundu awu. Ki pashiishe kutèèkaYe Mukàndà awu panshi, kwamba ne: “Ditùkù edi eci cyùlù.”

⁵³ PàvwàYe ne cyà kuyiisha cidimu cyà cyanga, mpindyewu, bwà cinyi Yèyè kàakabalakù bikwàbò byà ku Cyòci aci? Bwalu Cidi citàngila Dilwa Dyèndè dikwàbò. Kabìvwa bikèngela bwà kumanyabo aci to. Aci mbwà cikondo cyàlwàYe.

Kàdi cikondo cìvwàYe ùsanganyiibwa aci, ki bwà cinyi Yèyè ùvwa mwà kwamba ne: “Mufundu ewu wùlù leelù ewu nwènù badimwène. Mwaba ewu mene nudi baCimòne. ‘Kuyiisha cikondo cyà ngàsà, ne kuswika mpùtá yà bàdi ne myoyi micibùlùke, ne kwondopa babèedi.’” Ki cyàkalwilàYe ncyòci aci.

Cikwàbò cyàCì cìvwa—cìvwa mbwà kutwàla dilumbulwisha kùdi bàà Bisàmbà byà bendè, ne bikwàbò, pa nàнку aci cidi cìlwa pashiishe. Nwamònu’s, byàkakèngela bwà bàà Bisàmbà byà bendè bǎnji bàMubèngè, dyàmbedi.

⁵⁴ Mpindyewu, ku dipopediibwa dyà pa nkùrusè, kutùdi leelù ewu pa cyena-bwalu aci, cyà ne: “Yesù pa byanza byèbè.” Dìyi dyà Nzambì òvwa dishindikùbwe kantu ne kantu, òvwa dijaadikùbwe misangu ne misangu ne, Yèyè nguvwa dyandamuna ku Dìyi dyà Nzambì. Mwaba wùvwà bafundi . . .

⁵⁵ Nudi numòna’s, Nzambì ùkaadi mumanè kuCyàdija. Mudimu wà bwambi wùCìlongè. Kàdi, nudi numòna’s, bóbò bàdi bǎngata dìyi dyà muntu mukwàbò pa bìdi bìDitàngilá; kasùmbù kampànda kàà bantu. Mbafofomija bikolè ku Bulelèlè, mu mùshindù wà ne, pàdi Bulelèlè bùleejiibwa, bàdi bǎpanga kuBùmòna. Kàdi, nudi numòna’s, Nzambì mmwakàne, mMuCìfùndishemù. M’Mufunde, mu Mukàndà emu mene, cìikalà mwà kwenzeka leelù ewu, bwà kuulaCì. Kàdi bakwàbò bàdi kabàyi balongolola bwà kuCimòna abu, kabààkuCimònakù to, nwamònu’s, bàdi—bàdi bàCibwejakaja cyònsò.

⁵⁶ Nènku mùshindù awu ki wùvwàbo naaCì musangu awu. Kabàvwakù bamanyè ne Ùvwa n’Yèyè to. Ne ku bimanyinu byà ne Yèyè nguvwa Mùsànjeelà wa cikondo aci, muntu nànsha umwe kàvwakù mwà kucivila to. Mupròfètà Wendè wàkacyàmba; wàkamba ne: “Mémè, bìdi bikèngela bwà mémè mpwekè, ne Yèyè àbandè. Mémè ncyèna mukùmbànyine kusùlùlula nshinga yà bisàbaatà Byèndè to, kàdi Yèyè mmwimàne munkaci mwènù patùdi twakulangana apa,” mwàkambà Yone. “Ne Yèyè neàlwe. Ne cisuuyi nцитèekiibwe ku muji wà mucì; ne micì yìdi kayìyi yìkwàma mamuma neyùmushiibwè mu diitu, ne, anyi mu budimi bwà—bwà mvinyò, anyi—anyi mu lupangu lwà micì yà bimuma. Kayààkwikalàmù kàbìdi to.”

⁵⁷ Mpindyewu, tudi tusangana ne bintu abi mbyenzèke ànu menemene mwàkabyàmbàYe. Yèyè ùvwa mwà kujingulula

meeji àbò mu myoyi yàbò. Yèyè ùwva Mupròfeta. Byònsò byàkadyànjlàYe kwamba, byàkenzeka ànu menemene mwàkabyàmbàYe amu.

“Ndi nya ku Yelusàlemà. Nêmfidiibwèku mu byanza byà bantu babì. Ne bôbò nebàMukèngèshè bibi be, ne Yèyè nèàpoopediibwè pa nkùrusè. Kàdi mu ditùkù diisàtù neÀbiikè ku lufù.” Kàdi kwambaYè ne: “Nwàmanya bwà kanwikadi nwâlwa kwambila muntu nànsha umwe bwalu ebu.” Ne Yèyè wàkabàfomija ku Cyôci aci, bwà kabàCyùmvù to too ne pàvwàCi mwà kuula.

⁵⁸ Nwamònu’s, misangu yàbúngì yitùYe ùtùlekela twètù tulwa mpofò too ne dîbà ditùdì naaCì lukèngelu. Yèyè ngudi utùlekela tulwa mpofò ku bintu bitùdì tumòna leelù ewu ebi, bwalu dîbà ndyôdì edi ditùdì naaCì lukèngelu, bwà kushindika ditùkù ditùdì tusanganyiibwa. Nwamònu anyi? Baatatwètù kabàakamanya maalu aa to. Bible mmwambè ne bôbò kabàwma mwà kubimanya to. Yèyè nguvwa mubisokòke, kàdi mu—mu matùkù a ndekeelu Cìvwa mwà kubuuludiibwa kùdì bânà bàà Nzambì; anyi, kwenza ne, bôbò bààmòna mwà kumwèneshiibwa, bwà kubàleejabò butùmbì Bwendè ne disaamunyiibwa Dyèndè pa buloba.

⁵⁹ Ne byònsò byàkambà Danyèlè bwà matùkù a ndekeelu abi, ne mùvwàbi ne: “Aba bàdì bamanyè Nzambì wabò nebènzè byenzedi byà bulòbò.” Ne ànu Mifundu búngì cyanàànà yidì yinwàngana mu ditùkù ditùdì ne mwoyi edi! Bikondo bibi ne biseeswishanganyi ebi, mùshindù mwinè wùvwàbi mwà kwikala pa buloba’s wè! Ne ànu menemene bitùdì naabi mpindyewu biikàle bìCyùja’s.

Bôbò, bàà—bààkapèèshiibwakù mpùngà wa kuMumòna, ne, kàdi bààkabènga wabò Maasiyà mwinè.

Ne leelù ewu cidi cintu ànu cìmwècìmwè aci, cintu ànu cyôci cìmwècìmwè aci. Tudi bapèèshiibwe mpùngà awu, bwalu Nzambì kèna mwà kulumbulwishangana kàyi mwanjì kwikala ne. . . kulingishiibwa bwà cilumbulwidi Cyèndè to.

Mpindyewu, bu wèwè mwà kwambila muntu ka—kampàndà mwikàle ùpweka ne njila, ne lubilu lukolè; umwimanyika, wamba ne: “Kùdì cii—ciinà mu njila kwinshì aku. Wèwè mutungùnùke ne alu lubilu, neufwe.”

⁶⁰ Kàdi yèyè wàmba ne: “Macimbu’s wè, mèmè’s ndi mumanyè cìndì ngenza.” Dîbà adi, nudi numòna’s, mashi èndè kaènakù mwà kwikala pambidi pèèbè to, bwalu wèwè udi mumudimwije mu kantu ne kantu.

Èè, Nzambì ùdi wènza cintu cìmwècìmwè aci ku Dìyì Dyèndè. Ùdi ùdìmwija bantu mu kantu ne kantu ku cilumbulwidi cìlwalwà, ne ùleeja bimanyinu Byèndè ne maalu a

kukèma bìdi bidyànjlila kwamba mu Bible bwà cikondo aci. Ùdi ùbìleeja, kàdi bantu bàdi ànu bàCìdyatakaja ku makàsà.

Kî mbipeepèlè bwà muntu kuyayè mu ifèrnò to. Muntu ùdi ùlwangana mvità bwà kuyayè mu ifèrnò. Dishima dyà nzànzànzà dyùkaadiku mwambè adi, s'udi mumanyè ne bìvwa bibi. Muci wà mfwankà wà nzànzànzà wùtùku munwè awu, s'uvwa mumanyè ne bìvwa bibi. Bubi bwà nzànzànzà bùkaadiku mwenzè abu, s'uvwa mumanyè ne bìvwa bibi. Kàdi mu kondò kèèbè kàà mwoyi amu, s'nkakwambilekù ne bìvwa bibi, kàdi wèwè kutungunuka ne lubilu mu midilu mikünze amu, upita njila mijika ayi. Wèwè kwèna ucyùka myandà to. Udi muswè ànu kucyènza, nànsha nàнку, uleeja mùdi muntu munène kampànda. Nwamònu anyi? Kàdi, wavùluka ne, udi ulwangana mvità bwà kuya mu ifèrnò. Kî mbipeepèlè bwà kuyayè mu ifèrnò to. Bikèngela ùbengè Bulelèlà.

⁶¹ Kumpalà kwà wèwè kupeta njiwù, bikèngela ùpitè midilu mikünze. Kumpalà kwà wèwè kupeta njiwù, bikèngela ùpetè, mu njila amu, udi ne—udi ne madimwija àdi malamika. Kàdi, wèwè, udi ne wèbè mùshindù sungasunga wà dibyènza, ki mùdi naawù muntu leelù ewu. Ne yèyè mmumanyè kutàmba muntu mukwàbò kanà yònsò ewu, ne yèyè kààkutèelejakù bimanyinu ne—ne madimwija à Cilumbulwidi cilwalwà to, ne aba bàdi bàbènga Kilistò abu.

⁶² Mpindyewu mònayai, ne cidìbo biitàbe pamutù pàà Kilistò ewu. Mpindyewu elàayi meeji bwà èkèleeziyà wa ditùkù adi, bufofo bwàbò abu. Bàakabènga mushebeyanganyi mumanya kùdi bantu bònsò, Baalàbààsà. Muntu uvwa mujaadika ne mmushebeyanganyi, ne uvwa bulelèlà mwindile dilumbulwisha dyèndè awu. Ne yèyè—yèyè ùvwa mujaadika ne—ne mmushebeyanganyi, ne uvwa muntu mubi. Kàdi ànu bwà—bwà Mwoyi wà Yesù awu. . .

Bwalu, Yèyè—Yèyè wàkabèèla kadyòmbò. Wàkamba ne: “Nganyi wa kunùdi udikù mwà kuMbanda bwà mpèkaatù?” *Mpèkaatù* m’“bupidyà.” “Mémè ncìyi ngenza byenzi byà Taatù Wanyi to, díbà adi kanùNgiitábùùjì to, Mémè ncìyi munwàmbile Bulelèlà bwà Mifundu to, kàdi Mufundu mwakùle Bwanyi Mémè, Wòwò mwinè. Kenkètaayi Mifundu,” mwàkambàYe, “bwalu mu Yòyi amu mmunùdi nwela meeji ne nudi ne Mwoyi wà Cyendèlèlè, kàdi Yòyi ayi’s nYidi yìMfidila bujaadiki mu cikondo eci.”

⁶³ Kàdi bòbò bàakamba ne: “Yèyè ùdi ùDìvwija Nzambi. Ùdi ùDìvwija cintu kampànda.” Yèyè kàvwa wènza cintu nànsha cimwè. . . Nzambi ngwàkaMuvwija Nzambi; Yèyè ùvwa Nzambi. Yèyè ùvwa dyula dyà Mifundu. Yèyè kàvwakù muDìvwijè cintu nànsha cimwè to. Nzambi ngwàkaMuvwija civwàYe aci. Nènku, díbà adi, mbwalu divwa ndíbà divwà Díyi adi ne cyà kuula. Pa nàнку, kàdi bòbò kabàvwa mwà kuCimòna to, bwalu Civwa

cibèngangana ne yàbò mmwènenenu yà cyena-màngumba ayi, bikaavwàbo bôbò bakwàtàkàje pa bìdi bitàngilà Kilistò. Kàdi bìvwa bitàmbe kuvwijiibwa mpofo ku Dîyi.

⁶⁴ Mpindyewu, ne pa kuumusha aci, bwà kuumusha Muntu ewu, bìvwa bikèngela bìitabè mushebeyanganyi, kàbidì, mwìnè uvwa njiwù bwà bantu awu, cìvwa njiwù mu bantu, njiwù kùdìbò; mushebeyanganyi, bìvwa bikèngela bwà bìitabè cyôci aci, bwalu, bwà—bwà kubèngabò Kilistò.

Ne kumpàlà kwà mulùme anyi mukàjì kanà yònsò ewu kumònayè mwà kwitaba cibi, bìdi bikèngela àbèngè bulelèlà. Kùdi cintu kampànda pa bìdi bitàngilà bufùki, bùdi ne mukenji kampànda, wà ne bìdi bikèngela ùbèngè cintu cilelèlà kumpàlà kwà wèwè kwakidila cintu cyà mafi.

Ànu mûngăfumu ku dyamba, bwà—bwà kubènga bwà kwamba mashimi. . . Udi—udi mwambè mashimi ulwisha meeki èbè à matàmbe bwîmpè. Udi mwambè mashimi ulwisha kondò kèèbè kàà mwoyi. Udi mwambè mashimi ulwisha cidi mamwèbè anyi baledi bakulongèshe bwà kuwenza. Anyi, nànsha bufùki bwòbò bwinè's bùdi bùlongesha ne kabivwa bikèngela wèwè kucyènza. Pa nànkù, ki bwà cinyi, wèwè, bwà kubènga Bulelèlà, bikèngela wítabè ma—ma—mashimi, ne bikèngela ùbèngè Bulelèlà kumpàlà kwà wèwè kwitaba mashimi. Nwamònu anyi?

⁶⁵ Nènku mùshindù awu ngwàkenzà bakwètù aba, bàvwa babèngè Bulelèlà. Pèndè Yéyè's nguvwa Bulelèlà. “Mémè ndi Njila, Bulelèlà, ne Mwoyi.”

“Ku cibangidilu kwàkadi Dîyi, ne Dîyi dyàkadi ne Nzambi, ne Dîyi dyàkadi Nzambi. Ne Dîyi dyàkavwijiibwa mubidi ne dyàkamwèneshiibwa kumpàlà kwètù.” Mu Timòtè wa Kumpàlà 3.16: “Kakùyi dikòkangana to, bwalu-busokoka bwà difwàna dyà Nzambi mbunène, bwalu Nzambi wàkamwèneshiibwa mu mubidi, mulèngiibwe ne byanza byètù.” Nzambi, Yèhowàh! Bìdi—bìdi bikèmesha, mbyà bipapulungana, bwà kwela meeki ne Nzambi Wàkatèeka ndongolwelu wa—wa—wa dîbà ne mabùlùngà mu cibwàshìbwàshi awu, wàkenza mìtootò yidi minène kutàmbe buloba ebu misangu cinunu awu. . .

⁶⁶ Kàdi bu wùmwe wà ku mìtootò ayi mwà kwasa lwendu bwà kulwa pa buloba, mu lubilu lwà kilòmèetà binunu dikùmi ne bisambòmbò ku dîbà dimwè, mòna's, mbifwànyine kuwàngata bidimu miliyò lukàmà bwà kufikawù mwaba ewu; wùdi kule kwà dikèma. Ne tuumìtootò tukesè túbìdi tusòmbe, tùmweka bu tushiilàngàne ntàntà wa centimètre, kuumukila apa, ntushiilàngàne ntàntà mule mutàmbe wutùdi twètù bashiilàngàne naatù twòtù awu. Kàdi, nànsha nànkù, kakwèna nànsha wùmwe wàyì wùdi kawùyì wùluma mwaba wàwù to. Ne ndongolwelu munène wa mìtootò wàwa, kaa, ekelekèle, mupimbu ne bwalàbàlè bwà Nzambi Udi mufwànyine kwenza biinè bintu abi awu! Wònsò wùdi ne cyà kulama mukwàbò. Ki

bwà cinyì wùdi wùshààla mùshindù wùdìwu awu. Bu yôyi mwà kupàtuka kuya mu cincyòmpanyòmpa, ndongolwelu yònsò nkòòng's mmufwànyine kupòna.

⁶⁷ Ki cyàkenzekà mu Edènà. Pààkapàtukà Evà mu mèyi matùma à Nzambi kuya mu cincyòmpanyòmpa, bukwàbantu bwònsò nkòòng bwàkadishinda.

Ki lutàtù lùdiku leelù ewu ndwòlò alu. Kabivwa bikèngela bwà twètù kwikala bakòsòlòkàngàne mu malongolodi ne màngumba, ne bikwàbò nànsha. Bivwa bikèngela bwà twètù kwikala bânà bàà balùme ne bàà bakàji bàà Nzambi, balamé pàmwè ndongolwelu munène wa buloba.

⁶⁸ Mu New York, lumingu lwáshàadi elu, mwava ntèeleja mukenji kampànda mutèela, anyi mwamba kùdi Einstein, mwena maalu a mamanya munène awu, yêyè—yêyè utu ubiikidiibwa ne ki mutù wà meeji wà—wà cikondo eci awu. Nènku mwava...kuumvwa cyôci aci. Pashiishe mémé kuya katèeleja Norman Vincent Peale, pa dilonga dyènde dyà nsòmbelu mùvwàbi bikèngela bwà bantu kwikalabò bènza, anyi bènda, ne bàdyèla mu dilonga dyà nsòmbelu.

Pashiishe, bwà Einstein, yêyè ùvwa wàkula bwà ndongolwelu wa mitootò uvwa pankaci pàà ndongolwelu awu mwàmwa, pambèlù pàà mitootò. Ne bu muntu mwà kwenza lwendu mu lubilu, ngeela meeji ne yêyè wàkamba, lwà bukènkè, . . . Mpindyewu, ngeela meeji ne, ncinyi aci, . . . binunu makùmi mwandamukùlù ne bisambòmbò anyi? [Mwanètù Neville ùdi wàmba ne: “Lukàmà ne makùmi mwandamukùlù ne bisambòmbò.”—Muf.] Kilòmèetà binunu nkàmà, nkàmà yìbidi ne makùmi citèemà ne mwandamutekètè ne nkàmà yisambòmbò ku kasùnsukilà kàà kasunsa, bìdi bukènkè bwènza lwendu. Nènku mpindyewu abànyaayi abi ku tusunsa tutaanu, ntàntà wa miliyò ne miliyaalà yà kilòmèetà ùdi mufwànyine kwikala. Nènku bidimu byà—byà bukènkè miliyò lukàmà ne makùmi àbìdi bìdibi bifwànyine kukwàngata bwà kufika ku ndongolwelu wa mitootò awu. Ne pashiishe bidimu miliyò lukàmà ne makùmi àbìdi, anyi miliyò lukàmà ne makùmi àtaanu; miliyò lukàmà ne makùmi àtaanu yà diya, ne miliyò lukàmà ne makùmi àtaanu yà dyalukila.

⁶⁹ Ki kufikabò ku cintu kampànda cyàkabàpita mutù's. Nènku bòbò, paanyimà pàà wèwè mumanè kafika kwòkù aku ne mwalukile, mu bushùwà bwà bwalu mbifwànyine kukwàngata bidimu miliyò yisàtù bwà kwenza lwendu alu, bidimu miliyò nkàmà yisàtù. Bidimu miliyò nkàmà yisàtù bwà kwenza lwendu alu, nènku, paùdi walukila pa buloba, mu bushùwà bwà bwalu udi muyè ànu bidimu makùmi àtaanu cyanàànà. Udi ubwela mu Cyendèlèlè. KaCyèna ne ndekeelu to.

⁷⁰ Ne pa kwela meeji, ne, Nzambi Wàkatèèka biinè byònsò abi mu bulongàmè, ne mwambè bwà kwikalabi awu, wàkalwa

pa buloba ne kuvwijiibwa mubidi munkaci mwètù, bwà kutùpikula. Ne mufwànyine kutùtwakù mushinga ne Bwikadi Bwèndè bunène, bwà Wà—Wàmòna mwà kwimana pa buloba bwà bubì ebu mu matùkù a ndekeelu aa, ne kujaadika ne Dìyì Dyèndè didi nàнку, bwalu Yèyè mmuswikiibwe ku Dìyì adi. Amen. Budishikaminyi ne bwakànè bwà Munène Udi mukwàte bintu abi mu cyanza Cyèndè awu abu!

⁷¹ Mònaayi, matùngà. Bìkèngela bwà èkèleeziya ànjì kubènga Dìyì Dyèndè, dyàmbedi. Pashiishe, paanyimà pàà èkèleeziya mumanè kuDibènga, ne muMubiikile ne “Beelèzèbùlà, anyi nyumà mubi,” pashiishe Dyàkatwadiibwa kumpàlà kwà bukalenge, bwà cisà cijimà aci cyàmòna mwà kupiishiibwa. Mpindyewu tudi tusangana Yesù, mu dindà emu, kumpàlà kwà—kwà nguuvènà, Pilaatù, mwena Loomò, bwà àlumbuluushiibwè. Ne tudi tusangana ne èkèleeziya wàkaMubènga, dyàmbedi, bwalu kabààkiitabuuja Mukenji Wèndè to, bwalu kabàvwa bamanyè Dìyì to.

⁷² Yesù wàkabàmbila ne: “Bu ne nuvwa—nuvwa batèèlèje Mòsà, nùнку nùvwa mwà kwitabuuja Dìyì Dyànyì, bwalu yèyè ngwàkaakula bwànyì Mèmè.” Nwamònu anyi? S’ki Dìyì adi divwà mupròfetà. . . Bwalu, Mukalenge ùtu—ùtu ulwa kùdi mupròfetà, ne mupròfetà kwkula yè Dìyì bwà díbà divwà mwà kulwa. S’ki Dyòdi edi divwà dimanyishiibwe, dyàmba ne: “Nudi nwamba munùdi bamanyè Mòsà ne mùdiye mulombodi wenù. Kanwèna bamanyè Mòsà, anyi bamanyè Dìyì dyèndè to.” Mu ngaakwilù mukwàbò, Yèyè ùvwa wàmba ne: “Mèmè ndi Dìyì. Ndi Dìyì dyàkaamba Mòsà ne nedilwe adi dimanyishiibwe, kàdi nwènù nudi nuMpiisha.” Nwamònu anyi? Bwà bilèlè byàbò, nwamònu’s, èkèleeziya kumuMupiishaye.

⁷³ Mpindyewu, tudi tuMusangana mpindyewu kumpàlà kwà Pilaatù, ne kabidi, mwanishiibwe kàbidi, mu kantu ne kantu, mumanyishiibwe pa bìdi bitàngilà cikondo, anyi èkèleeziya, kùdi mùsànjeelà wa cikondo. Bààkapèeshiibwa mpùngà wa kumòna ne kwitabuuja, kàdi bòbò bààkaMubènga. BààkaCibènga bwà cinyi? Bààbùngì bàà kùdibo bààkaswà kuCìitabuuja; kàdi bilèlè byàbò, kì mbantu to, kàdi bilèlè byàbò!

⁷⁴ Mpindyewu, nudi numòna’s, ànu mwàkalwà Nikòdemè ciibufùku amu, ki yèyè ne: “Mulongeshi, tudi bamanyè ne Wèwè udi Mulongeshi mufùmìne kùdi Nzambì. Tudi bamanyè ne Wèwè udi mufùmìne kùdi Nzambì. Muntu nànsha umwe kèna mwà kwenza bintu byùdi Wèwè wenza ebi pàdi Nzambì kàyi nendè to. Twètù. . .” “Twètù” udiyè wàmba awu ki nganyi? Èkèleeziya, Bàfaalèsà, balombodi bàà ditùkù adi. “Twètù tudi bamanyè. Tudi batwishiiibwe mu kantu ne kantu ne Wèwè ki Muntu awu.” Kàdi bwa cinyi kabàvwa mwà kwitabuuja? Mbwalu, mbwà ndongolwelu wabò awu. Ndi muswè bwà aci cibwelè too ne mu ndòndò menemene, bwalu ku cyòci ki kùnyaaya. Nwamònu anyi? Ndongolwelu mùkaavwàbo bòbò biinè bamanè kadyèla,

ki kùvwàbo kabàyi mwà kutùùka. Nànsha mwàkamònàbo ne Ùvwa m'Maasiyà, kàdi ndongolwelu uvwabò baswikàkàne nendè kàvwakù mwà kubàlekela bàCìitaba to.

Nudi—nudi bumvwè anyì? Mpindyewu ndi muswè kukonka, mu batèèleji bàdi bàmwèka ne mèsù aba, m̀banganyi bàdi bumvwè cìndi ngamba aci? Elàayi byanza muulu. Èyo.

⁷⁵ Mpindyewu, ndongolwelu's! Bàvwa baCìtábùùje, ne bamanyè ne cìvwa nCyôci. Mùshindù mwinè wùndi njinga kwamba cintu cimwècimwè aci leelù ewu's wè! Tudi tumòna cìdi ne cyà kwikala apa leelù ewu, ne tudi tuCimòna, kàdi ndongolwelu kèna ùbàlekela bàCìitaba to. Bòbò mbapàya tètè ne ndongolwelu! Nwamònu's, kì mmuntu awu to, nndongolwelu.

Ànu m̀ngákùlù bwà Mfùmù wa ditùnga udibò bàfùma ku dishebeya ewu. Kì mmuntu awu to; bwà ku dyànyì dimanya, yèyè mmuntu mwìmpè, kàyikù mwenzè cintu cibi mùndi mèmè mumanyè to. Kàdi nndongolwelu. Kì mbantu abu to; nndongolwelu.

⁷⁶ Kabàvwa mbeena Yudà abu to; ùvwa nndongolwelu wabò. Ndongolwelu awu ngwàkaMupìisha, bwalu Cyôci aci kacìvwa cìtwàla ndongolwelu wabò awu to. Nudi bumvwè anyì? Mpindyewu, bintu bimwèbimwè abi mbìdi byènzekà patùdi twakulangana apa. Nènku bòbò bààkasungula mwena lukunà wa bantu bònsò ewu, mushipyanganyi.

Kàdi cilumbù mpindyewu ncikabwejè mbùlámàtadi mu bwalu. Pa nàнку bìdi bikèngela bwà mbùlámàtadi àkosè cilumbù eci, bwalu, bwà kushebeya muntu, cìdi ne cyà kufika kumpàlà kwà mbùlámàtadi. Kabàvwakù ne dyanyisha dyà kwenza nàнку to, mbwalu bàvwa ku—ku bulombodi bwà Loomò, ne bòbò kabàvwakù mwà kushebeya muntu to nànsha èkèleeziyà wabò mwambè ne: “Bìdi bikèngela tùcyènzè.” Mòna's, kabàvwakù mwà—kabàvwakù mwà kucyènza to kakùyi, dyàmbedi, Loomò mubàpèèshe dyanyisha dyà kucyènza. Pa nàнку, bìdi bikèngela bàlwe naaci kumpàlà kwà mbùlámàtadi. Mpindyewu ncikabwejè mbùlámàtadi mu bwalu abu.

Mpindyewu, aci cyôci kacìyi cimfwànyì cyà leelù ewu to, ncyèna mmòna ne ncinganyì to. Nwamònu's, ànu menemene's!

⁷⁷ Èkèleeziyà ùdi ùCibènga, mpindyewu mbùlámàtadi ngudibò bakabwejè mu bwalu. Dìbà kulwadì òvwà ditùngà, dyònsò, mu kaabujimà, diikàle ne cyà kulwa. Cilumbù cìkaavwakù. Diteetangana dyà makàndà òvwa pabwìpì. Ditùngà dijimà òvwa diMubènga, ne ditùlùle cìiji cìkolè cyà Nzambi pambidi pààbò. Ne kumpàlà kwà . . . Nànsha mène èkèleeziyà wàkaMubènge, aci cìvwa cìfwànyìne kutwàla cìiji cìkolè aci pa èkèleeziyà. Kàdi mpindyewu ditùngà nyewu dyàmubèngi, bwà kutwàla cìiji cìkolè aci pambidi pàà bònsò.

Nènku, leelù ewu, bàà pa buloba mbaMubèngè, bwà kutwàdila bàà pa buloba bujimà cilumbulwidi. Matungà ònsò àdi ne cyà kulumbulwishiibwa.

⁷⁸ Ne tùdi bamanyè ne aci cyàkenzeka mu cikondo cyà kalààlà kàà mäsàlaayi munène wa beena Loomò awu, Tiitò. Yèyè kucincimika Yèlusàlèmà, ne ndekeelu wa byònsò ànu. . . Bàakadyà bânà bààbò balela muntu ne mukwèndè; kudyàbo bizubu byà mici, ne bisoosa byà mu buloba. Ki—ki pashiishe Tiitò kubwelayèmu buludi ne kuupulayè ànu bimanu ne kwoshayè cimenga, ne mashi àkatuuta lubòlèèlà—lubòlèèlà mu misèèsù mùshindù awu, mùvwàye mubàshebèèle amu.

Ne ki civwà ne cyà kwenzeka. Kumpàlà kwà Nzambì mwakàne kulekelaYè cisàmbà, civwàYe musungùle aci, kupicilaci mu bwalu bu nàнку, kùvwa—kùvwa ne cyà kwikala kabingilà kajaalàme. Yèyè mmwakàne. Mikenji Yèndè—Yèndè yìdi yìlòmba bwakànè Bwèndè. Ne mukenji pààwù kawùyi ne cibawu kí mmukenji nànsha.

⁷⁹ Bu mémè mwà kwamba, kwenza mukenji mùneemu mu cimenga emu ne: “Kùdi cì—cì—cibawu bu muntu mwà kupita midilu mikùnze ne màshinyì,” ne pashiishe kakùyi cibawu bwà bwalu abu, s’nenùtungunukè ànu ne kupita midilu mikùnze ne màshinyì. Kàdi bikèngela kwikalè cibawu.

Nè cibawu cyà mikenji yà Nzambì, bwà dibèngà dyà ndongamu Wèndè, ndufù. Nènku bivwa bikèngela kwikalakù lufù, pa nàнку civwa ne cyà kupeta difutu.

⁸⁰ Tudi tusanganyiiibwa mu dilumbulula difwànàngàne mu dindà emu, buloba bujimà, dilumbulula’s. Màngumba ònsò àbèngi Dìyì. Ndi mumanyè ne eci cìdi cyùmvwika cyùme ncyoncyoncyo. Ne ndi muswè bwà bambì bàdi munkaci mwà kutèèleja, bàdi apa nùнку ne bàdi bàtèèleja mikabà yà mèyi, kàbidì, bàteetè kuumvwa cyòci eci mpindyewu, ne ndi nteeta bwà kucitòokèsha. Kàdi ndi mulamè kaabwalu kàànyi, anyi ntòokèsha kaabwalu kàànyi mwab’ewu, ne ngamba ne tudi tusanganyiiibwa, leelù ewu, mu cibambalu cikwàbò cyà cilumbulwidi cyà Pilaatù.

⁸¹ Wèwè udi wamba ne: “Bu ne mémè mvwa mwimàne mwaba awu, nùнку ndi mwakwile Yesù Kilistò ne dìyi dikolè.” Kàdi, èè, cyùdi wenza pa bwalu abu ncinyì mpindyewu? S’ki cintu ncyòci aci. Nwamònu anyi? “Nànsha mùvwà èkèleeziyà muMubènge amu, mémè mvwa mufwànyine kutwà ku Cyèndè.” Wèwè’s udi ne mpungà awu. Uh—huh. Nwamònu anyi? Bòbò, bààkaMubènga.

⁸² Mpindyewu ki kulumbulwishiibwaYè eku, leelù ewu, anyi mmufùme ku dilumbulwishiibwa, anyi, mu dilumbulwishiibwa, bwà ndongolwelu wa buloba kwangatayè mmwènekèlu, wa cìdìbo bàbiikila ne, nsangilu wa maèkèleeziyà, bwà—bwà—bwà ku—kudyènzayè Nsangilu wa maèkèleeziyà wa Buloba bujimà. Mpindyewu, kàdi cyènjìbo ncinyi? Bèdi tukàndà ne

kakùyì mpatà to nebàdisangè pàmwè bwà kwenzabò nsangilu maèkèleeziyà.

Nènku mu Nsangilu wa Maèkèleeziyà ewu, bwà ne maèkèleeziyà ónsò àdi ne cyà kwikala a mu nsangilu ewu, anyì, bóbò kabàyimù to, kanwèna nànsha ne dyanyisha dyà kuyiisha to, kanwèna nànsha ne dyanyisha dyà kusambidila babèedi to. Ne citanda cyènù aci bàdi mwà kwenza naaci cintu kànà cyònsò cidibo bóbò baswè kwenza aci. Bóbò baswè kuungwijilamù bishèetèshèètè, anyì màzaji, anyì cyònsò cidibo bóbò baswè kwenza aci, nwènù kanwènakù ne bukòntononyi bwàci to nànsha kakesè. Anyì nudi bàà mu Nsangilu wa Maèkèleeziyà awu anyì kanwèna bàà mwómò to nànsha kakesè.

Nènku ki ndongolwelu nyèyè awu udi munkaci mwà kwangata mmwènekeli muneemu mu États-Unis, udi uuja Mifundu, mu kantu ne kantu kònsò. Cidi cyùja cyàkangambilà Mukalenge mu cidimu cyà 1933, nwamònu's, ne tudi tusanganyiibwa pa dîbà adi mu dindà emu.

Ne Yesù Kilistò, Dîyi, didi ku dilumbulwishiibwa, leelù ewu, mwàkadibi pa dipoopediibwa dyà pa nkùrusè, ne patùdi twakulangana apa Yèyè's ùdi pa byanza byètù. Ùdi pa byanza byà bàà pa buloba. Dîyi ndimanyishiibwe bitòoke tòò, pa buloba bujimà, nwamònu's, ne Yèyè mmwimàne mu dilumbulwishiibwa. Màngumba ónsò mmaMubènge. Ne mpindyewu Yèyè ùkaadi ùlumbulwishiibwa bu . . . mu Nsangilu wa Maèkèleeziyà, ne bàdi bàMubènga cyàkàbìdi ne bàsungula mwàkasungulàbo musangu awu amu.

⁸³ Nudi numòna's, bufùki mu maalu-malonda bùdi bùdyènzulula, bwalu bufùki bùdi bùtùngunuka ànu mwàbù ne kale. Mici mmitùngùnùke ànu ne kutòloka, ne bisèkiseki bitòloka, ne bilòngò, ne buloba bùnyùnguluka ànu mùtùbu bùnyùnguluka misangu yònsò amu. Mbufùki's. Ne bufùki bwà cikondo ne cikondo cyònsò bùdi bùpàtula, cyàkàbìdi, ne bùvudijaa di—dileeja dyà civwà bu—bu—bufùki kumpàlà kwàbi. Nènku, leelù ewu, tudi tudìsangana cyàkàbìdi biimànyine pa mwinè mwaba wùm wèwùm wè awu.

Mpindyewu, Yesù ùvwa “Dîyi,” Yone Munsantu, nshapità 1. Twètù bònsò tudi twitabuuja Aci. Yèyè ùvwa Dîyi. Nènku bwalu Yèyè ùvwa Dîyi . . . Bu nwènù mwà kuswà nùm v wèku. Yèyè ùvwa Dîyi, ne bìvwa bikèngela bwà kubèngangana Yè ne ndongolwelu.

Kadi bóbò abu kabàà—kabààkaMubènga bwà bishimà Byèndè to. Kabivwa bwà aci to. Bàakamba . . . Yèyè wàkamba ne: “Nganyì udi mwà kuMpiisha?”

“Ne mbubi kaayi bùdiYe mwenzè?” mwàkambà inàbànza mukesè awu. “Mbubi kaayi bùdiYe mwenzè piikalàbi kabìyi ànu kwondopa kwà babèedi?”

⁸⁴ Bôbò ne: “Katwèna tuMupiisha bwà bintu ebi to.” Nwamònu anyi? “Tudi tuMupiisha bwalu Yèyè, mwikàle muntu, ùdi uDìvwija Nzambi.” Pààbi Mifùndù yàbò bôbò biinè’s yìvwa yàmba ne Yèyè ùvwa mwà kwikala Nzambi.

Mu Yeshàayi, mupròfeta munène wákafùnda Mikàndà makùmi àsambòmbò ne yisambòmbò yà Yeshàayi awu, ne yibanga ne... Wà kumpàla, bu cibangidilu; ne munkaci mwà Mukàndà mmwàkalwà Yone Mubàtiiji; ne wùdi wùkajikila mu Bukalenge bwà bidimu cinunu. Ne Mikàndà makùmi àsambòmbò ne yisambòmbò mu Bible, ànu mùdiku nshapità makùmi àsambòmbò ne yisambòmbò mu Yeshàayi. S’mbya pabwàbi mùdibi bikùmbanangana mùshindù awu. Yeshàayi 9.6 ewu, wákamba ne: “Bàtùleledi Mwàna, bàtùpèeshi Mwàna wa balùme; ne Dìna Dyèndè nedibiikidiibwè ne: ‘Mubedyanganyi, Mfùmu wa Ditalala, Nzambi wa Bukolè, Taatù wa kashidi, Mubàkèmeshi.’”

⁸⁵ Kàdi bilèlè bifofò, anyi ndongolwelu ayi, kabìvwakù mwà kumòna ne Awu ùvwa n’Nzambi to; kùdi mupròfeta wabò mwinè, uvwa Dîyi dilwa kùdiye, wákamba ne Yèyè ùvwa mwà kwikala Nzambi awu. Ndongolwelu mifofò! Pa nàнку bôbò bààkabènga Dîyi, ne kujingabò mushebeyanganyi pamutù pààDi, Baalàbààsà awu.

⁸⁶ Nènkù, leelù ewu, Dîyi, diikàle ditòòke tòò bwà ditùkù edi, ndishìndikiiibwe. Ndivwijiiibwè dyà cyà bushùwà. Ndileejiiibwe ne didi Bulelèlè. “Ne ku matùkù a ndekeelu,” bu mwàkambà Yesù, “ànu mwàkadibi mu matùkù a Sodoma,” ne bikwàbò, “ki mwikalàbi kàbidì ku dilwa dyà Mwàna wa muntu.” Nzambi mwinè, Yèyè mwinè, Uvwa Dîyi awu, wàkadyànjila kwamba bwà cikondo cyà nshiiikidilu ne civwà mwà kwenzeka aci; ne Makènkè àvwa mwà kubwayika ku ibaamulòòlò; ne mùvwàbi ne, Maalàki 4, Yèyè ùvwa mwà kutùma bintu ebi ne kubijaadika.

⁸⁷ Ne mbikafikè pa mwaba wà dipàngadika, ne maèkèleeziya àCibèngi. Kàdi cidi èkèleeziya mijingè ncinyi? Mushebeyi wa Dîyi, udi wangata ndongolwelu awu. Ndongolwelu yèyè ùbèngangana ne Dîyi, dìbà adi yèyè ki mushebeyi wa Dîyi. Ne bôbò bààjingì bilèlè byà dingumba, pamutù pàà Dîyi dilelèlè munkaci mwà kumwèneshiibwa ne kujaadikiibwa ne Didi Nzambi munkaci mwà bantu; ku maalu a mamanya, ku maafótò, Bukènkè, Mwanjèlo umwèumwè wa Mukalenge awu, Dikunji dyà Kapyà adi.

Yèyè umwèumwè uvwa ne mwoyi pa buloba mu—mu mubidi wà Yesù Kilistò awu, mmulwè pambidi pàà bantu Bèndè mu matùkù a ndekeelu, mùdi maalu a mamanya maCìkwàte fòtò. Èkèleeziya wàmònu byenzedi byàCi. N’Cimanyishiiibwe kantu ne kantu, ku mikàbà yà mèyi ne byònsò, mu nyùngulukilu wa buloba bujimà, ne ciiyishiiibwe kùdi muntu ne muntu.

Kàdi nànsha nàнку, mu biine byònsò abi, ndongolwelu yàbò yìdi yijinga ànu Nsangilu wa Maèkèleeziyà bwà àpiishè Bulelèlà. Bàdi bàjinga mushebeyanganyi udikù mufwànyìne kukànga, anyì kwimanyika, anyì kukàndika. Nènku, neàcyènzè, bóbò nebìimanyikè Cintu cyà mùshindù awu. Nènku Nsangilu wa Maèkèleeziyà awu ki wíkala ne cyà kucyènza. Ki cimanyinu cyà nyama wa lwonji ncyôci aci; mufwilakanyi ne Kilistò, ùbengangana ne Dîyì, didi Kilistò. Kàdi kî mmikàndà yà dijaadikiibw- . . .

⁸⁸ Bàdi bèela meeji ne mbilèlè. Bàdi bèela meeji ne bilèlè byàbò abi mbyà kùdi Nzambì. Nwamònu anyì? Kàdi kabàyakukùmbanangana ne Dîyì to, anyì Nzambì pèndè kààkubishindikakù ne mbilèlèlà to. Yesù wàkiimana ne Dîyì, kàdi kî nnè nsangilu wabò awu to; kàdi nnè Dîyì. Ne Dîyì dyàkajaadika ne Yèyè ùvwa Nzambì.

Ne Dyôdi ndidì dijaadikà leelù ewu ne Didi Nzambì, bwalu Didi ne Mwoyi wùm wèwùm wè awu, Didi dyènza cintu cimwècimwè aci munkaci mwètù cyàkenzàDi kale wàwa, ne didyànjlè kwamba.

⁸⁹ Pa nàнку cìdibo bóbò bènza ncinyì? Bàdi bìitaba cintu kampàndà cìdì. . . Bàkaadi bamanè kwitabuuja, kujikè, ndongolwelu mwinè wàpoopela Cyôci aci pa nkùrusè awu. Ne dipoopediibwa dyà pa nkùrusè dyà cìdì cidishikàmìne kacyi cìsungulujangana bilondèshile màngumba didi pabwìpi. Ncyà bushùwà.

⁹⁰ Mpindyewu, aci kacyèna cibèngàngàne ne Mifundu to. N' Cìkùmbànàngàne ne Mifundu. “Ne bààkenza cimfwànyì cyà nyama wa lwonji.” Bàsangisha màngumba a pa buloba mu òmwèpelè dyà cyena-Mishònyì, bènza cimanyinu cyà nyama wa lwonji, cimfwànyì cyà nyama wa lwonji, bilondèshile Bwàkabuulwibwà 13.8. “Ne bààkenza cimfwànyì cyà nyama wa lwonji.”

Nyama awu ùdi “Loomò.” Tudi bònsò bamanyè nàнку. Kàdi misangu yònsò cìtu ànu Loomò, bònsò. . . Mmunyì mùdiye mwà kwikala—mmunyì mùdiye mwà kwikala Russie, pàdi Bible wàmba ne n' Loomò? Nwamònu's, bantu bàdi ànu bàpeta didifwikakajila dibì. Nwamònu anyì? Mmunyì mùdiye mwà kwikala cìngà cintu, pàdìbi bidyànjlè kwamba ne ùdi ne cyà kupàtukila mu Loomò?

⁹¹ Alùkilaayi cyàkàbidì ku Danyèlè, cyamù cifiike ne diima ku makàsà; cyamù cifiike kacyàkiimanakù to, kubangila mu binù too ne ku ndekeelu. Ne muntu kanà yònsò ewu mmumanyè ne Russie kàvwakù nànsha mumanya mwinè musangu awu to. Ùvwa n' Loomò. Dragon mukùnze awu ùvwa n' Loomò. Ùdi misangu yònsò ànu Loomò. Ne kacya cyamù cifiike kacitu cishintùlùke cilwè cintu kampànda cikwàbò to, cyumùke ku

diikala Loomò cilwè cintu kampànda cikwàbò; cyàkashààla ànu Loomò. Ne nyama wa lwonji awu n'Loomò!

⁹² Ne Loomò nguwwa ne ndongolwelu wa ntèdeleelu uvwa ne mutù wà lufù. . . anyì mpùtá wa lufù mumushebèye mu mutù wèndè, kàdi wàkavwijiiibwa cyàkàbìdi ne mwoyi, muumùke ku Loomò wa cimpàngaanù muyè ku Loomò wa ciipaapà. Nènku mpindyewu bàdi ne cyà kumwenzela cimfwànyì, bàcyènzela pa nyama ùdi upàtuka mu Bwàkabuulwibwà 13 awu.

Nukààvwakù bamòne anyì? Nombà udi ditùngà edi dipèeshiibwe ùdi dikùmi ne isàtù, ne dìdi dimwènèka. . . Ncyèna ngamba ne eci cidì. . . Mbyà—mbyà bikèmesha's, nànsha nàнку, mùdìbi bifwànyìne kwenzeka ku dyenza dyà makùmi ne, ma- . . . bilondàngàne ànu menemene ne Mifùndu. Dìdi disanganyiiibwa mu nshapitá wa 13 wa Bwàkabuulwibwà, ditùnga edi.

⁹³ Nyama mikwàbò yònsò yàkapàtukila mu màyi, cidì ciikàle dyungwila ne misumbà yà bantu, mùdi Bible mwambè; kàdi nyama mukèsè ewu yèyè mmupàtùkile mu buloba, mwaba wùvwà kawùyi bantu to. Kàdi, yèyè ùvwa mwànà wa mùkòòkò, budishikaminyi bwà ntèdeleelu; pashiishe kwakulayè bu dragon, ne kudisangayè ne bukolè abu ne kwenzayè byònsò bìvwà dragon mwenzè kumpàlà kwèndè abi. Menemene's. Pa nàнку's ki bwalu mbwòbù abu. Bìdi—bìdi ne cyà kwikala ànu mùshindù awu. Kakwènàkù mùngà mùshindu wà kucicinguluka to.

⁹⁴ Nènku's ki twètù aba, leelù ewu, munkaci mwà kwenza ndongolwelu kampànda. Ndongolwelu's! Katwènàkù mwà kwindila too ne pàdi bàmwè. . . Tudi bateetè kwenza ne bantu bònsò bàlwe ba—ba-Luthériens; kàdi katùyi bafwànyìne kucyènzà to. Kuteeta bwà kubàfikisha bònsò ku dilwa ba-Baptistes; katùyi bafwànyìne kucyènzà to. Bwà bònsò balwè ba-Méthodistes, anyì bònsò beena Mpenta; kabàyikù mwà kulwa nàнку to. Pa nàнку, bwà kutùma díyi bwà kwenza cyòci eci, díbà ndikesè be, mbenzè nsangilu, mutù, cimfwànyì cyenzela nyama wa lwonji awu. Ki cyòci aci menemene cidìbo benzè. Nènku ncinyì ciinè aci? Dipoopela dyà Dìyi pa nkuruse, cyàkàbìdi, dikaadi pabwìpi. Dikaadi ku dilumbulwishiibwa ne nediteekiibwè mu cyalu àbìdi àdì panshì aa.

⁹⁵ Mònaayi, Dìyi dimwènèshiibwe adi, dishiilàngàne ne òngumba, dìdi dimwènèsha, Dìyi ndishiilàngàne ne òngumba.

Ndongolwelu ewu ncinyì, ewu ncinyì? S'ndyàpà dyà Loomò. Bible mmwambèku ne ki ciwàye mwà kwikala anyì? Èyowà's, mukalenge! Bwàkabuulwibwà 17, bààkamòna Loomò ùdibàndisha mu ndongolwelu wa bukwàntèdeleelu, wa muntu mukàji. Mukàji, èkèleeziyà ùtu misangu yònsò ànu muleejiiibwe kùdi mukàji.

Bwalu, Mukàji-musèla wa Kilistò mmukàji. Evà ngwàkadishinda; yéyè ng'Udi ne cyà kupikudiibwa. Ne Èkèleeziyà (ncinyi?) mmukàji udi mupikùdiibwe.

⁹⁶ Kàdi ewu mukàji ùvwa yéyè musòmbe pa nyama wa lwonji udi ne mitù mwandamutekète. Ne tudi bamanyè pa bìdi bitàngilà tukùnà mwandamutekète, ne bikwàbò, mùdi Bible mwambè ne civwa mwà kwenzeka amu. Kakwènakù ntùpàkànyì to. Kakwènakù mpungà bwà ntùpàkànyì to. Nwamònu anyi?

Nènku mònaayi dibà adi, tudi tusangana ne, yéyè ùvwa “MAMWÈNDÈ WA BANDUMBÀ.” Nwamònu anyi? Ne maamù ne mwanèndè wa bakàji bàdi bàdisanga cyàkàbidi mu bulundà. Bidi ne, musangu kampànda, mwànà wa bakàji awu wàkanyeema mamwèndè, bwà wàteetakù kwikala ne nsòmbelu wa kaneemu, bu mùvwàbi ne mamwèndè ùvwa wa ciipanshì be ne mukooyike mu mùshindù wà ne nsongàakàji awu wàkuumuka kumbèlu. Uh-huh. Kàdi mpindyewu, kacya ànu wàbanga kutàntamanakù ndambù, yéyè awu, ne wènza bintu bibi byàbùngì, yéyè mwinè; ùmòna mamwèndè, wèla meeji ne mamwèndè ùvwa mubingè, nènku ùkaadi ùdyènzela wèndè ndongolwelu wa sungasunga. Nwamònu anyi? Menemene.

⁹⁷ Kusanga kwà cyena-màngumba, cyena-Mishònyì, cidi cyùja ànu menemene cidi Mufùndu mwambè wà Bwàkabuulwibwà 17 awu. “Bònsò, beena ménà àvwa kaayi mafùnda mu Mukàndà wà Mwoyi wà Mwànà wà mùkòòkò abu, bàvwa bèndè yéyè.” Ewu anyi ewu, anyi nyama wa lwonji anyi cimfwànyì cyà nyama wa lwonji. Ki cidi Bible mwambè.

Ne Yesù wàkamba cyòci eci, kaciyi communisme to. Kàdi mu Maatàayi nshapità wa 24, kubangila ku mvensà wa 21 too ne ku wa 26, Wàkadyànjila kwamba ne nyumà mu ndongolwelu ewu neikalè mufwànàngàne ànu menemene ne cintu cilelèlè mu mùshindù wà bifwànyine kuseswisha ne Basungula mene bu ne bivwa mwà kwenzeka; Basungula, beena Ménà àdi mafùnda mu Mukàndà wà Mwoyi wà Mwànà wà mùkòòkò kumpalà kwà difùkà dyà dyulu ne buloba. Nènku, bwà kwamba menemene, ncibàswikàkàje bikolè, mu mùshindù wà ne Yéyè wàkamba ne bu Yéyè kàyi mwipidije mudimu awu to, bwà bwalu bwàbò, musunya nànsha wùmwe kawùvwa mufwànyine kusùngidiibwa pa buloba to. Ne tudi ànu ne . . .

⁹⁸ Eci cidi—eci ncidimu cyà 64, kî mmwòmò anyi? Ne ndi ngeela meeji ne bàdi bàmba ne bidimu bitwè ku dikùmi ne mwandamutekète mbyumushakù, nànkù, bilondèshile kabalamatùkù. Nènku tudi mu cidimu cyà 64, 1964, ciikalà mwà kwenza ne (ncinyi aci?) nkushàale bidimu makùmi àsàtù ne bisambòmbò, too ne ku cicyà cyà makùmi àbidi ne cimwè.

Nènku bidimu binunu bibidi byònsò, buloba bùdi bùfika ku ndekeelu wa ndongolwelu wabù, ndongolwelu wa ntèndeleelelu, too ne ku ndekeelu wa ndongolwelu yònsò, nènku bivwa

bikèngela bwà Nzambì àbwelè mu cyalu. Wàkabwela mu cyalu mu matùkù a Noà; bidimu binunu bibìdi byà kumpàla. Bidimu binunu bibìdi biibìdi, ndongolwelu awu wàkaalukila mwaba wùdì mufùndù wètù wùbiikidiibwa, mu dindà emu, ne kutùmaYè cyàkàbìdi Dìyì Dyèndè. Wàkatùma Dìyì Dyèndè ne mupròfetà, mu cikondo cyà Noà, mupròfetà Noà; kàdi bantu kuDibèngabò, bwà ndongolwelu wabò bôbò. KutùmaYè cyàkàbìdi Dìyì Dyènde mu cikondo cyà Yesù, Dìyì dimwèneshiibwe mu kaabujimà; bantu kuDibèngabò. Nènkù mpindyewu tudi mu cidimu cyà 1964, biikàle tushiyà bidimu makùmi àsàtù ne bisambòmbò too ne ku bikwàbò bidimu binunu bibìdi abi; ne Dìyì nditwàdiibwe, kàdi ndongolwelu mmuDibènge.

⁹⁹ Tukàadi pabwìpì pàà bishi? Dìbà didi mwà kwikala dimanè kuya kupìta mutùdi twètù twela meeji, nwamònu's, byà díbà kanà dyònsò cifwànyine kwenzeka. Pàmwàpa cikaadi cyenzèke, bwà cyònsò citùdiku bamanyè, mùmvwà mwambè dyàlumingu dishààle pàmvwà mwab'ewu. Dìna dyà ndekeelu ndifwànyine kwikala dimana kufùnda mu Mukàndà awu; pààfundiibwàdi, kakwèna kàbìdi dibwela to. Buloba nebùtungunukè ànu ne kwikala bu mwàkadibu, kàdi Èkèleeziyà mmutwibwe citampi. Mònaayi mpindyewu patùdi tutùngunuka ne kuya apa. Mènà àbò, mpindyewu, yéyè kàakuseeswishakù aba beena mènà àdi mafùnda abu to.

¹⁰⁰ Ncinyi aci? Bikèngela cìikàlè ndongolwelu kampànda. Nwamònu anyi? Nènkù anjì elàayi ànu meeji, bwà kwikala wa ku dīgumba adi mu ndongolwelu awu, cyùdi wenza díbà adi ncinyi? Udi mucyènzèle penyi? Udi mutwibwe citampi, wamònu's, kule ne Dìyì, mu ndongolwelu mushebeyanganyi udi umushila awu ne: “Biikàle ne cimwènekèlu cyà difwànà dyà Nzambì, kàdi bàvila Bukolè bwàdi.” Ncimanyinu cyà nyama wa lwonji. Menemene. Nwamònu anyi?

¹⁰¹ Nnyama wa lwonji kuntwaku, cyàkènzàye aci; ne cimfwànyì ncyòci eci, cintu cimwècimwè aci. Ne nyama wa lwonji awu ùvwa munène bikolè, wàkènzà èkèleeziyà munène wa buloba bujimà awu ku Nicée, nwamònu's, mu mùshindù wà ne bààkenzeja bàà pa buloba bujimà—bujimà bwà kulwabò ku cyòci aci, ku ndongolwelu umwèpelè awu. Ne bàvwa bèèla meeji ne ùvwa munène wa menemene: “Muntu nànsha umwe kàvwakù mwà kubàlwisha mvità to,” mùdi Bible mwambè, mu mùshindù wà ne bààkenza cimfwànyì cyà nyama wa lwonji, ne kufikisha beena Mishòònyì bònso ku dibwela mu Nsangilu wa Maèkèleeziyà amu; cyàkènzà ndongolwelu, mu mùshindù wà ne kabàvwa mene bèèla meeji ne wèwè udikù mwena Kilistò anyi ní ncinyi cikwàbò to paùvwà kùyì wa mu ndongolwelu awu.

¹⁰² Ki dishiilangana ndyòdi adi pankacì pàà cimanyinu cyà nyama wa lwonji ne ditwibwà dyà Citampi cyà Nzambì. Nzambì

ùdi ùtwàngana citampì ku Dìyì Dyèndè. Nudi nwitabuuja ne n'Dìyì anyi?

Mpindyewu wêwè udi wamba ne: “Ncyà bushùwà anyi, Mwanèètù Branham?” Èyowà's, mukalenge.

¹⁰³ Mpindyewu, ndi mumanyè ne nwènù beena Nsabatu, anyi ba-Adventistes du Septième jour, nudi nwamba ne: “Dineemekela dyà ditùkù dyà Nsabatu.” Kàdi kî ng'aci to. Kî mbwà kwikala neenù ne lwonji to, kàdi kakùyi mpatà to aci kî ncyà mu Mifùndu nànsha.

Efèsò 4.30, udi wamba ne: “Kanùbungamiji Nyumà Mwímpè wa Nzambi to, unwàkatwibwà nendè citampì too ne ku ditùkù dyà bupikudi bwènù.” Nwamònu anyi?

¹⁰⁴ Mpindyewu, Nyumà Mwímpè n'Dìyì. Nzambi kàtu isàtù to. Yèyè ùdi Nzambi umwèumwè awu mu bipungu bisàtù, midimu yisàtù. Nzambi, Taatù, mu mikenji; Nzambi, Mwànà, mu ngàsà; ne Nzambi, Nyumà Mwímpè, munùdi nuCibiikila, Nzambi umwèumwè awu mu cipungu cyà Nyumà Mwímpè. Nzambi, Taatù, ùvwa Dìyì; Nzambi, Mwànà, ùvwa Dìyì; ne Nzambi, Nyumà Mwímpè, udi Dìyì. Nwamònu's, yidi ànu mmidimu yisàtù cyanàànà. Nènku bwà ku- . . . Ne Nyumà Mwímpè ùdi ùkutwà citampì, ki bwà cinyi wêwè udi mutwibwe citampì kùdi Dìyì.

Mpindyewu wêwè udi wamba ne: “Èè, mèmè's ndi mutwibwe citampì kùdi . . .”

¹⁰⁵ Èè, dībà adi, cidi cyòci ciinè cidimanyisha. Nwamònu anyi? Cidi cijaadika. Kwèna mwà kwikala wa mu ndongolwelu kampànda to, kàdi kwikala mutwibwe citampì pàmwè ne ndongolwelu awu ne Dìyì, wamònu's, bwalu mbibèngàngàne, eci ne eci. Kwèna mwa kucyènza to. Èyo.

Mpindyewu tudi tusangana, ne, byamù bilamakaja byà cishinyishinyi cinène menemene abi, byamù bilamakaja byà màshinyi manène awu, mbwà . . .

Cishinyishinyi aci, cidi ne . . . kàdyèndelandelà aku, kàdi ne pistons, nshibàshibà, ne kàbùlààteelà, ne bikwàbò. Ki—ki byamù bilamakaja mbyòbi abi.

¹⁰⁶ Ndi njinga kwambikalù Èkèleeziyà cintu kampànda kaaba aka mene, cidi cimvwilè mu meeji, nwamònu's, ki cidi, ndi ngeela meeji ne tukàadi pabwípì menemene ne nshìikidilu, nê—nèngàmbè cintu kampànda mpindyewu, nwamònu's, nwamònu's, mu—mùshindù wà dyenza, kùdi bantu bàabúngi bàdi bàteeta kuumvwija mùshindù wà dyenza pàdibo kabàyi bacimanyè to. Nwamònu anyi? Cintu cimwèpelè cyùdi . . . Nènku, udi mumanyè's, bikengela wêwè kubimanya. Mùshindù wùdici cyènza mmumanyike. Mpindyewu anjì ambàayi tǔng bu ne Mòsà . . .

Ambàayi tǔng bu ne muntu kampànda ùvwa mwambè ne: “Noà, ndi muswè bwà ùmvwijè mu—mùshindù wùdici cyènza

wà mùdi bwátù mwà kulèlema. Bìdi bìshi?” Kàvwa mufwànyine kucyùmvwija to.

Kabyèna bikèngela bwà wèwè kumanya mùshindù wùdici cyènta to; ànu Bukolè bwendeshi bwàCì. Nwamònu’s, Bukolè bwendeshi mbùdi ukèngela kumanya.

“Mmunyi?” Èè, bu muntu mulwè mu Izalèlèlè, mwambè ne: “Amba túng, Mòsà, ndi muswè kuumvwa. Mmunyi mùdi mufwànyine kufuka nyama ku díyi dyèbè wèwè mwinè?”

¹⁰⁷ Yèyè kwamba—yèyè kwamba ne: “Ki ndíyi dyànyì mèmè to. N’Díyi dyà Nzambi. Yèyè ngudi mungambìle bwà kucyènta.” Nwamònu anyi?

¹⁰⁸ “Ndi—ndi—ndi... Anjibi kungambila, ngumvwijèku mùdi mwenzè ne njiji ylwe pa buloba apa, pàvwàku kakúyi lùmwè, anyi njiji búngì nàнку pa buloba.” Nwamònu anyi? Mòsà kàvwa mufwànyine kucyùmvwija to, yèyè mwinè. Kabyèna bikèngela bwà wèwè kucyùmvwija to. “Mmunyi mùdiku mufwànyine kwenza bwà cipeepèlè cyà ku esètè kutuutaci ne kwenzaci njila mu Mbù Mukúnze, ne twètù bònsò tukulonda pa buloba búme. Umvwijàku mùshindù wùdibi byènzeka awu. Ndongolwelu kaayi—kaayi—kaayi údiku mwe—mwenzè, Mòsà? Ncinyi? Ngambilèku bukèbikebi bwà maalu a mamanya bwà kapwishipwishi kaùdi mulekèlèle.” Nwamònu anyi? Nwamònu anyi?

¹⁰⁹ Kàvwa mucimanyè to. Yèyè, èè, kàvwa mumanyè mùshindù wùdici cyènta to; ùvwa yèyè mumanyè ànu bukolè bwendeshi. Nènku—nènku ki mùshindù ngwòwò awu.

Mèmè ncyèna mwà kukwambila mùndi ne mwoyi to. Ncyèna mwà kukwambila mùdi ne mwoyi to, kàdi’s udi ne mwoyi. Ncyèna mwà kukwambila mùdi mwoyi wèbè, ne byàkudyà byèbè bìyamù ne byènta mashi to. Nènku byànganta di—dikàndà dyà ku byàkudyà abi, ne—ne dikabwela mu cimanu ciisàtù cyà njila wa mala awu ne dìbyàluja ku mwoyi wà mashi, ne dìbyàlujila mu wèwè. Ncyè—ncyèna mwà kuumvwija aci to, kàdi’s bìdi byènzeka. Nwamònu’s, cìdi cyènta nàнку. Ncyè—ncèna mwà kucyùmvwija to. Ncyèna mumanyè mùshindù wùdici cyènta to. Mbukolè bwendeshi.

¹¹⁰ Mpindyewu, Mòsà ùvwa mufwànyine kwikala mumanyè mùshindù wà dyènta, kàdi kacìvwa bwà muntu mukwàbò nànsha umwe kucyùmvwayè to ànu Mòsà. Bàvwa bamanyè ne cìvwa cìkwàta mudimu, ne aci cìdi cìsànkisha. Bwà cinyi bantu kabàyikù mwà kusànkishiibwa mùshindù awu leelù ewu? Nwamònu anyi? Muntu yònsò kàvwa mufwànyine kwikala Mòsà to. Kùvwa Mòsà ànu umwèpelè. Bàvwa bamanyè ànu ne cìvwa cyà kùdi Nzambi. Bààkamòna ne cìvwa cyà kùdi Nzambi.

Ne bààkatùngunuka ne kulonda ne bààkenza bìmpè too ne pààkabangàbo kucyèla mpatà, baswè kajuula muntu mukwàbò

bwa kwenzayè cintu cimwècimwè aci, Koolà, Daatànà. Nènku pàakapetàbo muntu kampàndà bwà kubwejayè ditentula kampàndà dyà mu musunya, ki ndekeelu wa byònsò Nzambi kwambaYè ne: “Tàpulukà. Kùbwedikù mu ndongolwelu wa cyena-bulongolodi awu to. Wamònu’s, pàtukàmu! MÈmè nènciminè.” Ki kukàngulaYè buloba ne kucimina. Nwamònu anyi?

¹¹¹ Wèwè kwèna mumanyè to, kabyèna bikèngela ùmanyè mùshindù wùdici cyènza to. Manyà wèwè ànu bukolè bwendeshi, cintu cidì cìbitùtuja, cibivwija bilelèlà aci, kàdi ùmone ní cidì cìkalenga cintu ciludikila cìvwà Bible mlayè ne cìvwa mwà kulenga mu ditùkù edi. Nwamònu’s, n’Dìyi cyàkàbìdì, cyalùkile ku Dìyi.

¹¹² Mpindyewu, cishinyishinyi cinène aci cidì munkaci mwà kwimanakana mpindyewu, ne pabwìpì ne kwasa lwendu. Byamù bilamakaja bikaadikù. Bàkaadi ne ndongolwelu wa byamù bilamakaja wìkala mwà kutwàla, pa buloba, “ditalala kampànda,” mùdìbo bòbò bàmba. Bàdi ne... bu mùdì O.N.U. kampànda.

Matùnga mmasanga pàmwè. Neikondo cyà didisanga. Ndi mufùme ku diyiihàpù, àbìdì àdì panshì aa. Kùdì... Bàdi munkaci mwà kudisanga, bwà kutwàlabò cinyi? Ditalala dyà pa buloba. Bààkenza cyòcì aci mu Nsangilu wa Matùnga. Bàkaadi misangu yònsò ànu bacyènzènze, kàdi kabìtu ànu bikùmbana to. Kabyènakù mwà kukùmbana to. O.N.U. kì ncìngà cintu to ànu ndundu munène udibò bàtùma eku ne eku kùdì cipeepèlè cyònsò cyà dilongesha cyà ditùnga ne ditùnga. Neàtaayikè ne neàtubukilè ku cintu cyònsò nakà. Kacyèna mwà kukùmbanakù to.

Nànsha Nsangilu wa Maèkèleeziyà pèndè kènàku mwà kukùmbana nànsha. Mbulongolodi bwà bantu, bubèngàngàne ne ndongolwelu... anyi ne ndongolwelu wabò udi mubèngàngàne ne Dìyi dyà Nzambi awu, nèku kabwèna mwà kukùmbanakù to. “Mmunyi mùdì bantu bàbìdì mwà kwendela pàmwè pàdìbo kabàyi bumvwàngàne?” Kanwèna mwà kucyènzakù to. Ne mmunyi mùdikù èkèleeziyà wa beena Kilistò mwà, mwàkèngelàbi bwà... .

¹¹³ Beena—beena Mpenta, beena Assemblées de Dieu, ne—ne èkèleeziyà mikwàbò minènè yà—yà bukwà-Mpenta ayi, ne yà beena Èvànjeeliyò mu Kaabujimà ayi, mmunyi mùdìbo mwà kujìmija malongesha àbò à butangadiki, mèyi—makùlù miinè àtùbo batwè nyama ku mikòlò awu? Ne kùvwàyi mijuudiibwe aku, bwà kupàtuka mu malongolodi awu ne kucipùisha; ne bikèngela bwà bàlèkelelè dilongesha dyàbò dyà butangadiki adi, bwà kwendelabò pàmwè ne bantu bàdi bàbènga kwitaba mèyi—makùlù a Bible, ne Dyondopa dyà kùdì Nzambi, ne Bukolè bwà

Nzambì, ne Yesù Kilistò. “Mmunyi mùdì bantu bàbìdì mwà kwendela pàmwè pàdìbò kabàyi bumvwàngàne?”

¹¹⁴ Ki bwalu mbwòbù abu’s, ki dìbà ndyòdì adi ditwàfiki, ne ki cishinyishinyi cinène cikaadi ciimakanyija ncyòci aci. Mpindyewu bàkaadi ne byamù bilamakaja. Cintu cimwèpelè cìdì cìkèngela bwà kwikalabò naaci n’Sàtaanà muntwamu, mwikàle ne bukolè bwendeshi, bwà kutwisha ku bukolè cimanyinu cyà nyama wa lwonji. Pàatwishiihwàci ku bukolè, ki pàakwatà bukolè bwendeshi mudimu. Byamù bilamakaja bìdiku. Bàkaadi bamanè kubìpeta.

¹¹⁵ Ngǎnji ngǎmbèku kàbìdì cintu kampànda; cikondo cyà didisanga eci, bwà kumòna èkèleeziyà yìdisanga, matùnga àdisanga. Cìdì kàbìdì cikondo cyà didisanga cyà Nzambì ne Mukàj’Èndè-musèla. Ne ndi ngamba cyòci eci ne ditwà dyà musinga ne kaneemu. Ndi ngiitabuuja ne Mukàjì-musèla wa Kilistò mmubiikidiibwe. Ndi ngiitabuuja ne mMutwibwe citampì mu Bukalenge bwà Nzambì. Ndi ngiitabuuja ne byamù bilamakaja bikaadikù. Mbindile Bukolè bwendeshi bwàMuumushà pa buloba, kuMubweja mu Butùmbi, mu Dyambwibwa. Ndi nciitabuuja ne mwoyi wanyi wònsò. Èyowà’s, mukalenge. Katwèna bamanyè mwàcyènzàYe to, kàdi Yèye nèacyènzè.

Yèye ki Bukolè bwendeshi abu. Twètù tudì tulwa ànu bidimba byà màshinyi awu, byà Mubidi Wèndè, biikàle tudìvwija mu cimfwanyi Cyèndè, ne tuMumòna ùDisanga neetù, mu byenzedi Byèndè, ne mapà Èndè a dinanga, pàdiYe utùpèeshawù pabwipi menemene ne Didya dyà Dibanji. Nènku tudì bindile, batàbàle bwà kumòna cyòci aci.

Bikèngela bwà èkèleeziyà wabò munène awu àdisangè.

¹¹⁶ Bukolè bwendeshi bwà Èkèleeziyà ewu neciikalè dyùjiibwa dyà cyàkàbìdì dyà Nyumà Mwimpè ditùdì bakwàte naadi mudimu mu cipiminu cikesè pàcìdì Dìbwe dyà mùsongà munkaci mwà kupweka bwà kudisanga ne Mubidi apu. Kàdi pàdì ànu Mutù awu ne Mubidi bìdisanga, bukolè mu kaabujimà bwà Nyumà Mwimpè nebwikalè mwà kuMutùntumuna ànu menemene mùshindù awu; nànsha bafwè mene, bàdì bafwè mu Kilistò abu, kùkaadi nkàmà yà bidimu, nebàbiikè mu bulenga bwà cijila Cyèndè, ne nebàbuukè bàye mu maulu. Bukolè bwendeshi n’Nyumà Mwimpè.

¹¹⁷ Nènku mpindyewu bukolè bwendeshi bwà bulongolodi bunène bùdìbò biibàkishe ebu, cishinyishinyi cinènaanènààlè eci necikwatè mudimu dīngà ditùkù mu nsangilu musanga wa Nsangilu wa Maèkèleeziyà wa Buloba bujimà, wikalà mwà kwenzejangana maalu ku bukolè, yèye pèndè. Vùlukàày-. . .kàdi vùlukàayi. . .

Wèwè udi wamba ne: “Aci pènzekàci. . .” Apu dìbà’s nediiikalè dimanè kupita bwèbè wèwè. Ukàadi mumanè

kwikalàmù. Nànsha wèwè muswè kwikalàmù, anyi kùyi muswè, ukàadi mumanè kwikalàmù. Nwamònu anyi? Mònaayi, ukàadi bamane kupeta nyumà awu pambidi pèèbè.

¹¹⁸ Mu matùkù àdì mpee—mpeepèlè yà—yà Nyumà yitootà yifumà ku esètè, ku nord, ku wesètè, ne ku sud, yìswìshisha bantu bwà kupàtukamù, ne yileeja bantu!

Ki bwà cinyi mèmè ntu mbèngangana ne ndongolwelu awu. Mvwa mumòne ne kùvwa cintu kampànda muntwamu, mîdimà. Pàngàakamònà bakàjì abu mùshindù wùvwàbo badìlaabè bintu abi kwìsù, ngánwàmbìdì mu dyàlumingu dishàale, mvwa mumanye ne kùvwa kùlwa cintu kampànda.

¹¹⁹ Mvwa misangu yònsò ànu mbèngangana ne bintu byà mùshindù awu bwà cinyi? Ncìvwa mucimanyè to; ngàcìmanyi mpindyewu. Mvwa misangu yònsò ànu mbèngangana ne ntèndeleele mudìlongolwela bwà cinyi? Mbwalu (Ndi ncimòna mpindyewu) ncìmanyinu cyà nyama wa lwonji. Nwamònu anyi? Ncìvwakù mwambè aci to ànu too ne mbingu yìbìdì mishàale eyi. Nwamònu anyi?

Mpindyewu, paanyimà pàà cidiidi cyà èkèleeziyà, díbà adi cidi cyènzekà ncinyi? paanyimà pàà Díyi dimanè kushindikiibwa bulelèlè? Mpindyewu, tàngilàayi, ndekeelu wa byònsò byàlu mu mùshindù wà ne bìkaadi bìkèngela bwà kwikalakù dyoya kampànda. Nkwaka wabò uvwa mpindyewu ulonda ùvwa . . .

¹²⁰ Nkwaka uvwa ulonda wa beena Yudà paanyimà pàà èkèleeziyà mumanè kuCibènga ùvwa cinyi? Èkèleeziyà wàkabènga Díyi. Kabàvwakù baswè kwikala naaDì bwalu to. “Cìvwa nnyumà mubi.” Dívwa dimanyè meeji àvwà mu myoyi yàbò. “Cìvwa cìbì.” Kàdi pààbì's, Cìvwa n'Díyi. Byenzedi bìvwàYe wènzà, bìvwa bìMufidila bujaadiki, bìshìndika ne Yèyè ùvwa Nganyi. Kabàvwa baswè kwikala naaDì bwalu nànsha kakesè to.

Pashìishe, cintu cidi cilondà, cidi cikafika kùdì mbùlámàtadi. Kàdi ewu mmbùlámàtadi wa èkèleeziyà, mbakabwejè ditùngà dijimà mu bwalu. Kùvwa ditùngà dyà bampàngaanù diikàle dikòntonona ditùngà dyà batèndeleeedi. Mpindyewu, cidi, cintu cyònsò nntèndeleele, pa nàнку cidi ne cyà kufika ku ntèndeleele wa buloba bujimà.

Kaa, ekèlekèle, muntu mpofò's mmufwànyine kumòna aci! Kàdi mpofò ùdì wàmba cinyi pàdiye umòna eci? Pààcìmònàye, yèyè neàpatukè mu bufòfo bwèndè abu.

¹²¹ Mònaayi mwaba awu pàdì nsangilu wa buloba bujimà ewu ùdisanga: “Netwènzè cinyi ne Yesù udibò bàbìikila ne n'Kilistò ewu?” Ncyà bushùwà ne bòbò kí mbaswè kwikala naaCì bwalu nànsha bùmwe to. Pa nàнку kùdì cintu cyà dyenza ànu cimwèpelè, díbà adi, ànu cyàkenzàbo musangu awu menemene, nebàDipoopèlè pa nkùrusè, cyà bushùwà,

kuDìbwikidija mukana. “Kacyèna mwà kwikalakù kàbìdì to. KabààkuCyànyishila bwà kucyènza to.” Bukolè bwà ntèndeleeleu wa matùnga kabwàkubàlekela bàcyènza kàbìdì to. Mudimu wà bwambi wùdì wènzekà mwab’ewu ewu, ne bintu byà mùshindù awu abi, kakùyì mpatà to nebikangiibwe. Kwèna mwà kwenza cintu kakùyì dyanyisha dyà kùdì ciimamwèndè wa bukalenge to, mutù wà èkèleeziyà, nwamònu’s, cimfwànyì cyà nyama wa lwonji. Kaa! Tukààdipù, kwàjìkì. Twâ—twâ—twâmanyì kufika.

Ne cishindikìibwè cyà bushùwà; nkwaka udi ulonda nkuMupoopela pa nkùrusè.

¹²² Byà mwomùmwè ne mpindyewu, bènzeja ne bònsò bàdì kabàyi bakashàale bàà kùdìbo abu ne, bàkangiibwè ne kabàanyishiibu bwà kuyiishabò to, nudi numòna’s. Aci cìdì, cyàkàbìdì, cìpoopela Dìyì dyà mulayi dishindikìibwe pa nkùrusè. Cìciimanyika ne: “Kanwènakù kàbìdì baanyishiibwe bwà kwikala naaci to. Kakwikadi kàbìdì masangisha a dyondopa to. Kakwikadi kàbìdì disambila bwà babèèdì nànsha. To, mukalenge! Kwèna mwà kubyènzakù to. To, nànsha cìmwè cyà ku byòbì ebi. To, mukalenge! Anyì nudi nupìcila mu Nsangilu wa Maèkèleeziyà anyì kanwèna nubyènzakù to nànsha kakesè.”

¹²³ Mpindyewu nudi mwà kumòna bwà cinyì mèmè ndi mbèngàngana ne ntèndeleeleu wa cyena-màngumba, bwalu ncimanyinu cyà nyama wa lwonji. Loomò ki mutù wà cyòcì aci, wa kumpàlà. Ncyà bushùwà menemene. Nènku yèyè ùdì ùfikisha bònsò ku dicyàngata mu kuya kashàala bàà ku bânà bèndè bàà bakàjì, ki cimfwànyì ncyòcì aci. Mamwàcì wàkenza cintu cìmwècìmwè aci. Loomò wàkadyènza musangu wà kumpàla bulongolodi penyì? Nntèndeleeleu kaayi uvwa mudyènzè bulongolodi wa kumpàla pa buloba? Kàtòlikè wa ku Loomò. Muntu kanà yònsò udi ne dìyì dyàmba ne kabyèna nànkù to, àdyàmbè ndyùmfwè. Kacyènakù to. Bulongolodi bwà kumpàla, èkèleeziyà wa nzànzànzà uvwakù mudìvwijè bulongolodi, kùvwa nku Nicée, Loomò. Èyowà’s, mukalenge. Ne cyòcì aci menemene ki cyàkenzàbo.

¹²⁴ Kàdì Luther wàkenza cinyì paanyimà pàà lufù lwèndè? S’bààkenza cintu cìmwècìmwè cyàkenzàbo ku Nicée, Loomò. Ncinyì cyàkenzàbo paanyimà pàà Wesley? Ncinyì cyàkenzàbo paanyimà pàà nkwaka minène yònsò yitù mijuukèjùuke eyi? S’bààkenza cintu cìmwècìmwè aci, bavwijìibwe bânà bàà bakàjì bàà ndumbà awu, bipwàngàne ànu menemene. Mutùdì, ku cintu cìmwècìmwè aci, tusangana kaaba aka . . .

¹²⁵ Mvwa ne KaaMufùndù kakesè kafùnda mwaba ewu. Pàmwàpa mbìmpè ncìshiyè ku luseke. Kàdì, mònaayi, bàvwa . . .

Divwija dyà èkèleeziyà bulongolodi ndisangè ndongolwelu umwèumwè awu leelù ewu. Cintu cìmwèpèlè cìdì cìbàkèngèlè mbukolè bwàcì bwendeshi, ànu cintu kampàndà bwà kucipèèsha

bukolè. Nènku bikaadi bikafika ku diteetangana dyà makàndà, dyàkàmwè.

¹²⁶ Èkèleeziyà wa Kàtòlikè ne èkèleeziyà yà Mishòònyì neyilwe balundà. Nkàadi munwàmbileci kacya—kacya ànu kwònsò aku, munda mwà bidimu makùmi àsàtù ne byà mu njila bishààle ebi. Nebàdisangè. Nènku nudi numòna ànu menemene cidìbo munkaci mwà kwenza mpindyewu eci. Beena—beena Mishòònyì kabàakushàalakù beena Kàtòlikè to, kàdi nebìikalè bwànà bwètù busanga, cimanyinu cyà nyama wa lwonji, cifwànyikija ne nyama wa lwonji.

¹²⁷ Byenzè mùdì ku cintu cimwècimwè aci cyùmvwija ne maamù, Evà awu, wàkanyanga buloba bujimà ku lufù lwà mubidi. Maamù awu, Evà! Tèelejàayi. Maamù Evà wàkanyanga bukwàbantu bwònsò nkòong, ku lufu lwà mubidi, (bìshi nànkù?) mu kubèngà kwà Dìyì ne kwitaba kwà cintu kampàndà ciikàle ciibwìpì naaDì. Yèyè ngwàkakèba lufù lwònsò lwà mubidi bwalu wàkashìya Dìyì dilelèlè, ne wàkiitabuujà Dìyì dilelèlè dyònsò pa kuumusha ànu kantu kakesèè. Dibèngangana dikesè ne Dìyì dya Nzambì mu kaabujimà ndyàkakèbà disaamà dyònsò dyà mwoyi, lufù lwònsò ne byònsò bikaadiku pa buloba ebi. Evà ngwàkabyèenza, mamwèndè wa lufù awu. Mpindyewu nudi numòna kutùyaaya kafika anyi? Mamwèndè wa lufù, mònaayi, wàkabèngà ànu kwitabuujà Dìyì cyanàana.

Yèyè wàkamba ne: “Nzambì mmwambè . . .”

Sàtaanà kwambayè ne: “Ncyà bushùwà.”

“Nzambì mmwambè . . .”

“Ncyà bushùwà.”

“Nzambì mmwambè . . .”

“Ncyà bushùwà.”

“Nzambì mmwambè . . .”

¹²⁸ “Èyo, aci, mmwòmò. Mu—mu mùshindù kampànda, ncyà bushùwà, kàdi, wamònu’s, aci—aci—aci kî nCyònsò to. Wamònu’s, neù—neùtabalè mèsù, neùtabalè . . .”

Kàdi Nzambì mmwambè, ne aci ncikòse bwalu, Dìyì! Nwamònu’s, cyàkabanga ànu ne dyumvwija dikesè dibì dyà Dìyì, nènku, cintu cimwècimwè aci, cìdì cìjika mùshindù wùm wèwùm wè awu.

¹²⁹ Mònaayi, mwànà wa bakàjì ncintu cyà ku maamù ne taatù, ku disangila. Mpindyewu cintu kampàndà cyà cipapulungana ncyòci eci. Kàdi lufù, mu mubidi ewu, lufù lwà mu mubidi ewu ndisangila dyà maamù Evà ne Sàtaanà, pàmwè, ku dibèngà kwitabuujà Dìyì dyà Nzambì. Bàakasangila ne kubweja ci—cintu cyà lufù. Yèyè, kùdì . . . Lufù ncintu cyà ku disangila dyà Sàtaanà ne Evà, pàmwè.

¹³⁰ Evà ùvwà ne Díyì. Sàtaanà ùdi yéyè ùbèngangana ne Díyì. Nènku, tàngilàayi, pàmwè ne byà pa lukàmà makùmì citèèma ne citèèma ne tusùnsudi makùmì citèèma ne citèèma byàCi, Sàtaanà wàkiitabuuja ne bìvwa bilelèlà. “Bifwànàngàne bikolè,” mùdì Bible mwambè, “mu matùkù a ndekeelu, mufwànyine kuseeswisha ne Basungula mene bu ne bìvwa mwà kwenzeka.” Nudi numòna mùdìci cibwela, mùtùci misangu yònsò, mwàjikàci anyi? Mùshindù wùmwèwùmwè awu, basanga mu bupidyà mu Díyì dyònsò mu kaabujimà dyà Nzambi. Nwacyùmvù anyi? Ki cyàkatwàlà lufù ncyòci aci, nkusanga bupidyà ne Díyì. Bupidyà, ànu katùpà kakesè, kakesè menemene kààbù; kantu kakesè, kakesè menemene, kancii, cyà pa lukàmà cimwè cyà pa lukàmà. Kàdi’s Cìdi ne cyà kwikala lukàmà pa lukàmà! Kwàjiki.

¹³¹ Mònaayi, mwànà wa bakàjì wa Nzambi, Èkèleeziyà, Mukàjì-musèla, ùdi pèndè cipeta, cyà kùdì Nzambi ne Díyì Dyèndè, bìsangila. Nyumà Mwîmpè ùdisanga mu mubidi wà musunya, Wàkapàtula Mwànà wa Nzambi, cintu cyangata ku bwakànè bwà Nzambi. Nènku ku ditùkù dyà ndekeelu, mutùdì bayiilè ne, “ànu mwàkadibi mu matùkù a Sodoma,” Mukàjì-musèla neikalè mudisangè ku Díyì dyà Nzambi dimwènèshiiibu mu mubidi, Nyumà Mwîmpè ùbàtwa citampì ùbàbweja munda mwà Nzambi, kàdi ùtwila bupidyà citampì pambèlu, pambèlu apu.

¹³² Múngàmbì ne, bu ne mwoyi wà Beethoven wùvwà munda mwèbè, nùnkù udi ne nsòmbelu mufwànàngàne ne wa Beethoven; bu ne mwoyi wà Hitler wùvwà munda mwèbè, nùnkù udi ne nsòmbelu mufwànàngàne ne wa Hitler. Nènku pàdì Mwoyi wà Kilistò munda mwèbè, newikalè ne nsòmbelu mufwànàngàne ne wa Kilistò, ne udi wenza byenzedi byà Kilistò. Nènku ki ciikalàci. Piikalàbi ne Kilistò ùdi ne mwoyi leelù ewu, s’mMufwànyine kwenza ànu menemene cìvwà Díyì dyambè ne Neénzè leelù ewu aci. Ne Díyì ndyambè ne: “Yéyè ùdi umwèumwè awu makèlèlèlà, leelù, too ne kashidi.” Bwà cinyi batèndeledi bampofo aba kabèènakù mwà kumòna cikondo cìdìbo ne mwoyi? Nwamònu anyi?

¹³³ Evà ngwàkakèba lufù lwònsò lwà mubidi elu, pa kuteeta kwela ngiitabùùjilù mipàmbwishi yà Sàtaanà mu Díyì. Ne cintu cìmwècimwè aci ncidì cyenzèkèlè èkèleeziyà, ku Nicée, Loomò, pa kwangata mèyi maswika pamutù pàà Díyì. Ncintu cìmwècimwè aci mu ba-Méthodistes, ba-Baptistes, ba-Presbytériens, pàdì Bukènkè bùpàtuka mu cikondo ne cikondo cyònsò ne bòbò bàBùbènga.

Ki bwà cinyi ba-Luthériens bàakafwà pàakajuukà Wesley. Cìvwa mmu cikondo cikwàbò. Díyì òvwà dipàtuka, ne bìvwa bikèngela bwà bòbò kuDiitaba anyi kufwà. Kì bwà cinyi beena Mpenta bàdi munkàci mwà kufwà mpindyewu, mbwalu cikondo cyàkùmbanyi. Díyì dyàmwèneshiiibu, cikondo cyà mukankù, cikondo cyà Díyì kwalukilaDì, “bwà kwalujulula Diitabuuja dyà baataatù, kudyalujila bànà.” Ne bòbò mbadisangè menemene,

mu mùshindù wà ne bàdi bàDibènga, ne kabèèna cingà cintu to ànu lufù lwà mu nyumà. Misangu yònsò. . .

134 Mubidi wà Nzambi, mudisangè bu Mukàj'Èndè-musèla, mwikàle Umwe; Yèyè ne Kilistò, pàmwè, n'Nyumà udi ukwàcila mudimu mu mubidi wà Èkèleeziyà mùvwàYe ukwàcila mudimu mu mubidi wà Yesù Kilistò amu, bwalu nciitùpà cyà Mubidi Wèndè. Kabàyi bàbìdi to; kàdi Umwe! Bàdi Umwe. Mulùmè ne mukàjèndè kabàcyèna bàbìdi to, kàdi umwe. Ne Kilistò ne Mubidi Wèndè bàdi Umwe. Ne Nyumà umwèumwè uvwa munda mwà Kilistò awu ngudi mu Mukàj'Èndè musèla, mu Mubidi Wèndè, udi uBàsanga pàmwè ne Díyi dyònsò. Nènku Nzambi musòmbèlemù, Yèyè mwinè, ùcimwènesha.

135 Ne mufwilakanyi ne Kilistò, ùdi ne cyà kwamba ne: “Kaa, ndi ngiitabuuja Kilistò, ndi ngiitabuuja Èvànjeeliyò, ndi ngiitabuuja Bintu ebi, kàdi, nudi bamanyè's. . .” Ki bwalu mbwòbù abu's. “Kadi, nudi bamanyè's, matùkù a bishìma àkaadi mamananè kupita. Cintu bu nàнку kacitukù to, nwamònu's.” S'ki bwalu mbwòbù abu. “Kaa, mèmè ncyèna ngiitabuuja ne bìdi bìkèngela bwà wèwè kubàtìijìibwa mu Dìna dyà Yesù Kilistò to.”

136 Kàdi Bible's mmwambè ne ki mùdìbì bìkèngela. Ndi muswè mpindyewu bwà mwena tèòlòjì àbènganganèku ne aci. Nwamònu anyi? Nwamònu anyi? Ki cidì ne cyà kwikala. Wèwè udi wamba ne: “Èè, dibàtiiza kadyèna ne cidìdi dishintulula to.” Èè, dìbà adi, cyàkafùndiibwa bwà cinyi? Cìvwa cìfila dishìilangana kùdi Pòlò bwà cinyi? Cìvwa cìfila dishìilangana kùdi bakwàbò bònsò abu bwà cinyi? Anyi udi mubàtìijìibwe. . .

Bible mmwambè ne: “Udi ne dìnà dyà ne udi ne mwoyi, kàdi pèèbè mufwè,” bwalu kakwèna dìngà dìnà dipèèshìibwe mwinshì mwà Dyulu to.

Bwà cinyi bùdì muswè kuyiisha mu Dyòdi, kusambila mu Dyòdi, ne bikwàbò byònsò, kàdi, paùdi ufika ku ciinà cyà màyi, uDibènga? Uh-huh. Nwamònu anyi?

Ngàkambila muntu kampànda ditùkù adi, kwamba ne: “Kàdi bu muntu mwà. . .”

Yèyè ne: “Kabyèna ne dishìilangana to.”

137 Mèmè ne: “Muntu yèyè mulwe kùdi, ne pashìishe kwambayè ne mmubàtìijìibwe mu dìnà dya 'Rose wa Shalòna, Mbata wa mu Cibanda, ne Mùtootò wa mu Dinda,' udikù mufwànyìne kwamba ne mmubingè anyi?”

Yèyè ne: “To, mukalenge.”

Mèmè ne: “Udikù mufwànyìne kumubàtiiza cyàkàbìdi anyi?”

“Eyowa.”

Mèmè ne: “Udi mufwànyìne kubàtiiza bìshi?”

Yèyè ne: “Mu dìnà dyà 'Taatu, Mwàna, ne Nyumà Mwimpè.'”

¹³⁸ Mémè ne: “Èyo, mpindyewu udi mwenzè mu cyôci, udi mutèèke. . . Pawikalà ubiikila abi ne ‘mmènà,’ s’udi mwenzè cintu cimwècimwè civwàye mwenzè pàvwàye mwambè ne, ‘Rose wa Shalònà, Mbata wa mu Cibanda, ne Mùtootò wà mu Dìndà’ aci, bwalu aci mmwânzù, ne ‘Taatù, Mwànà, ne Nyumà Mwímpè’ mmwânzù.” Nwamònu anyi?

Yèye ne: “Kàdi Yesu’s mmwambè bwà kubàtiiza, ‘mu Dìnà.’”

¹³⁹ Mémè ne: “Aci’s ki civwàYe muswè kwamba menemene bwà kwenza. Kàdi civwà, kî—kî, Yèye kàakamba ne, ‘Nùteelè myakù eyi’ to. ‘Nùbàtìizè mu *Dìnà*,’ Dìnà!” Kaa, ekèlekèlè! Mémè ne: “‘Taatù, Mwànà, ne Nyumà Mwímpè’ mmyânzù. ‘Dìnà dyà Taatù, Mwànà. . . Dìnà dyà Taatù, Mwànà, ne Nyumà Mwímpè.’ Nwamònu anyi?” Mémè ne: “Peetèlò wàkamba ne Dìvwa ncinyi? Bakwàbò abu bàakamba ne Dìvwa ncinyi? Wamònu anyi? Dìdi ncinyi? Uh-huh. ‘Mukalenge Yesù Kilistò’ ki Dìnà adi dyà ‘Taatù, Mwànà, ne Nyumà Mwímpè.’” Yèye’s ùdi ne beena kalaba batwè ku binunu makùmi àsàtù byàkèngelà bwà yèye kubàtiiza cyàkàbìdì mpindyewu. Nwamònu anyi? Èyo. Kàdi’s ncyà bushùwà. Pòlò wàkamba ne: “Mwanjèlo wa mu Dyulu. . .”

¹⁴⁰ Pòlò wàkambila bantu bàvwa kabàyi babàtìijìbwe mu Dìnà dyà Yesù Kilistò abu, mu Byenzedi 19.5, ne, bwà kupetabò Nyumà Mwímpè, bìvwa bikèngela kulwabò. Nànsha mùvwàbò bèela mbilà ne bàtùmbisha Nzambì, ne bènza bintu binène amu, yèye wàkamba ne bìvwa bikèngela kwalukilabò ne kubàtìijìbwbò, cyàkàbìdì, mu Dìnà dyà Yesù Kilistò. Paanyimà pàà Yone Mubàtìiji mumanè kubàbàtiiza, byàkakèngela bwà kwalukilabò ne kubàtìijìbwbò cyàkàbìdì.

Ne yèye wàkamba, mu Galàtiyà 1.8 ne: “Bu Mwanjèlo wa mu Dyulu mwà kulongesha cingà cintu cishilàngàne ne cìndi mémè munùlongeshe, èdiibwè mulawu.” Èyowà’s, mukalenge. Pa nànkù bikèngela tùshaalè ànu ne Dìyi adi, Dìyi dyàDì dyònsò. Nwamònu anyi?

¹⁴¹ Mònaayi. Kaa, kwikadi ne bilèmà nànsha bikesè to; ikàlà mutwishìibwè kakùyi mpatà to. Kwòkò cintu cyèla mpatà mu meeji èbè, mbímpè ùcìlongòlòlè mpindyewu. Kwindidi too ne dìbà adi to, dìbà nedìikalè dimanè kupìta. Kwindidi too ne paùdì wangata cimanyinu too ne mu ndòndò mu mùshindù wà kùciyikù mwà kuCimòna kàbìdì to, neùlwe mpofo.

Yèye wàkafofomija Izalèlèlè, bwà Wàmòna mwà kumwènesha Dìyi Dyèndè. Ùdi munkaci mwà kwenzela bàà Bisàmbà byà Bendè cintu cimwècimwè aci, bwalu’s kî—s’ki bòbò aba bàbwelamù ànu mùshindù wùm wèwùm wè wàkènzàbò musangu awu.

¹⁴² Mònaayi, Evà wàkabènga ne wàkajìmija makenji èndè. Paanyimà pàà yèye mumòne Dìyi dishindika kùdì Nzambì, cyàkènzàYe aci, wàkaDìbènga ne wàkajìmija makenji èndè. Cintu cimwècimwè cyàkènzàbò ku Nicée, Loomò aci. Nènku

ncintu cimwècimwè cidibo bènza mpindyewu ku Nsangilu wa Maèkèleeziyà, ànu menemene's. Bânà bèètù, s'ki cyôci aci, kuumukila ku Genèsè too ne ku Bwàkabuulwibwà, cintu cimwècimwè aci. Kì cyàkenzà Izalèlèlà. Kì cyàkenzà Pilaatù. Kì citù cintu cyônsò mu kaabujimà cyenzè, misangu yônsò, kuumukila ku Evà too ne ku mpindyewu, cintu cimwècimwè aci. Bàdi bàbènga Dîyi dishindika ne bàngata dîyi diswika, pamutù pàadi. Aci cidi cyènza lufù, lufù lwà mu nyumà.

Mufwè! Dîyi dïcidi ànu diyishiibwa kùdi bafwè abu. Menemene's! Mpindyewu, kabààkwikala mu Bukalenge bwà bidimu cinunu to, nwamònu's. Bàkaadi—bàkaadi, bàkaadi bamanè kubàyiisha. Bàdi mwà kwikala bàyiishiibwaDi mpindyewu mene. Nwamònu anyi?

¹⁴³ Bânà bàà balùmè bàà Kaayinà, bàvwà cipeta cyà ku bupidyà ku Dîyi dyà Nzambi abu, bânà bàà balùmè bàà Kaayinà bààkaseka mukenji wà mupròfeta Noà. Nudi numòna aci anyi? Ku Dîyi dyà Nzambi yèyè kutwàla ku—kudyànjlila kwamba dinyooka, ne ùvwa ne bimanyinu bitòòke tòò, bimanyinu bishindika byà ne cikondo cikaavwa pabwipi, kàdi bânà bàà balùmè bàà Kaayinà bààkaCiseka.

Kì mùdibo bènza mpindyewu. Nènku, aci, bààkacyènza mu ditùkù dyà Yesù. Kì mwàkacyènzàbo mu bikondo byônsò nànkù. Kì mùtùbi misangu yônsò. Bàdi bàseka ne bàCyèlulwila. Yèyè mmwambè ne: “Mu matùkù a ndekeelu nekùlwe baseki, bàmba ne: ‘Kakwèna dishiilangana nànsha dikesè ne cikondo eci to, kacya ànu baatatwètù bàalàala tulù.’” Nudi numòna anyi?

¹⁴⁴ Kì mwàkenzà kàbidi bânà bàà balùmè bàà dyabùlù, ku ndongolwelu wa ntèndeleelelu, bàseka Dîyi dimwènèshiiibwe mu cikondo cyà Yesù Kilistò. Tàngilàayi, ndongolwelu ya ntèndeleelelu yà beena Yudà, (Mwanèètù wa bakàji Rose), beena Yudà biinè bàvwà ne cyà kwikala bamanyè cìvwà cimpè abu, kàdi ndongolwelu wabò wàkabàfikisha ku dibènga ne diseka Dîyi dyà Nzambi (divwàbo bàlàka mukana bàmba ne ndivwàbo biitabùuje adi) dimwènèshiiibwe, kakùyi Dîyi nànsha dimwè dipàtùke mu njila to. Bààkenza cintu cimwècimwè aci.

¹⁴⁵ Byà mwomùmwe ne mùdibo bènza leelù ewu emu. Ndongolwelu wa ntèndeleelelu mu cishinyishinyi cinène cidibo biimànyike mpindyewu eci, kakùyi mpatà to, ncibènge milayi ku cikondo cyà nshiiikidilu; ne Mukenji wà cikondo cyà nshiiikidilu, ne cimanyinu cyà cikondo cyà nshiiikidilu, byônsò byà cikondo cyà nshiiikidilu bidì ne cyà kwikalakù abi, mwàkadyànjlilà Nzambi kucyàmba, ku Dîyi ne ku Dîyi.

Bidi pa mikàbà yà mèyi. Bu—bu bôbò mwà kungaasa cingoma, anyi cyônsò cidibo bafwànyine kwenza aci, kabààkwimanyikakù Mukenji awu to! Nwamònu anyi? Nànsha nànkù neWütungunukè ànu ne kuya. Nwamònu anyi? Wùkaadi mupàtùke. Mmukwàta pa mikàbà yà mèyi. Mmuyè.

Nwamònu anyì? Kí mbafwànyìnekù. . . Wùdi—Wùdi n’Díyì dyà ku ndekeelu, mpindyewu mene. Munt-. . . Mushindikìibwe ne mujaadikìibwe kantu ne kantu, misangu ne misangu ne misangu, ku bimanyinu, maalu a kukèma, ku byamù bilamakaja, ku—ku—ku Bukolè bwendeshi, ku—ku maalu a mamanya, ku èkèleeziyà, ku Nzambi Yèyè mwìnè, mujaadike ne ki díbà adi mene; ne ku Díyì, ne ku bimanyinu ne maalu a kukèma.

¹⁴⁶ Mukenji mwanyisha kùdì Nzambi munkaci mwènù, ku bimanyinu ne maalu a kukèma byà díbà edi. Mukenji wà ne Yesù Kilstò kî mmufwè to, kàdi ùdi ne mwoyi ànu mùvwàYe kwònsò eku amu, ne ùtùma. Nènku cidi cyùja ànu menemene Maalàkì 4 ne Mifùndù mikwàbò yònsò yìvwà Yesù mwambè ne neyìikalèku mu matùkù a ndekeelu ayi, mmyùle ànu menemene, byònsò ku maalu a mamanya, kùdì bàà pa buloba. Ne bikàndàkàndà mbipàtùle fòtò minènè yà bijèngù byà Bukènkè, bìvwà bidyànjlila kwamba kaaba aka abi. Banjèlò bàà Nzambi, bàdi batùùlùke, bàdìbo kabàyi bamanyè kantu nànsha kàmwè pa bwalu bwàbò abu. Ne kwònsòkwònsò, myaba yònsò, mbijaadikìibwe, buloba bujimà!

¹⁴⁷ Cidi cìlondà ndipoopediibwa dyà pa nkùrusè, ne tudi bakùngàmàngàne nendè. Mwàkambà Yesù musangu awu ne: “Nèngàmbè cinyi ne: ‘Nsùngilèku, Taatù, ku díbà edi’ anyì? Kàdi, to. Diswa Dyèbè dyènzekè, wamònu’s, pa buloba, bu mudidi dyènzeka mu Dyulu.”

¹⁴⁸ Ki cidi Èkèleeziyà wàmba, leelù ewu, mu mwoyi wèndè ne: “Bwà nya kashààla wa ku cintu kampànda. . . anyì? To, Mukalenge, to. Diswa Dyèbè dyènzekè, bu mùdìdi dyènzeka mu Dyulu.”

¹⁴⁹ Mònaayi, paanyimà pàà Díyì dilaya bwà cikondo dyàkashindikìibwà adi, bóbò kuDìibènga. Mbenzè cintu cimwècimwè aci leelù ewu. Nènku mpindyewu nkàadi mpweka mutàngile ku dyoya mpindyewu. Ne ànu mwàkalwàYe musangu awu mwikàle ùDimanyisha ne Yèyè ùvwà Díyì, ne kulwaci ku diteetangana dyà makàndà kùvwàbò ne cyà kusungula Díyì anyì kwangata ndongolwelu awu; nyewù byàfikì ku cintu cimwècimwè aci leelù ewu, bàdi ne cyà kusungula Díyì anyì kwangata ndongolwelu awu. Kàdi nyewù bǎngàcì ndongolwelu’s. Mpindyewu aci cidi cyènza cinyi? Tukaàdi tujikija. Yèyè ùdi pa byanza byà bàà pa buloba. Cyà bushùwà.

¹⁵⁰ Mpindyewu, cyena-bwalu cyànyì. Awu’s mmùshindù mule be wà kutèeka nshindameenu, kàdi mpindyewu ndi mfùma ku dibanga’s, nudi numòna’s. Kanùjuuku to, mvwa ànu nnùyòbola pàanyi cyànaàna. Tàngilàayi, cyena-bwalu cyànyì ncyòcì eci. Tudi bamanyè aci. Nkutèeka kwà nshindameenu. Twacitèeki mu mwaba wùmwè kaaba aka mpindyewu. Twǎnjì tucitòòkèshaayibi bwà tùmònè ne cidi cimwèka bu cinyi, kucitèeka mwinshì mwà lumwènù’s.

151 Yesù ùdi pa byanza byà bantu. Ùdi pa byanza byà èkèleeziyà. Newënzè cinyi ne Yesù udibò bàbìikila ne n'Diyi dilaaba ewu? *Kilistò* mbwena kwamba ne “Diyi dilaaba.” Nwamònu anyi?

“Newënzè cinyi ne Yesù ewu?” mwàkambà Pilaatù. “Nëngënzè naaDì cinyi? Nkwaka wanyi ùdi cinyi, cinyi? Ncinyi cindi mwà kwenza ne Yesù udibò bàbìikila ne n'Kilistò ewu?”

152 Cyàkalòmbà bàà pa buloba ncinyi? Cyàkalòmbà èkèleeziyà ncinyi? “Dipoopèlè pa nkùrusé! Dìmànyiké! Katwèna naaDì kàbìdì bwalu nànsa.”

153 Nènnùkonkèku cintu kampànda. Nudikù mwà kudifwànyikijila dipiila pa byanza byà Oswald, mu dindà emu, yèyè udi mushebèye Mfùmù wa ditùnga awu anyi? Nudikù mwà kudifwànyikijila cìikalà dinyooka dyèndè bu byòbì mwà kujaadikiibwa ne yèyè ngudi mucyënzè anyi? Nudikù—nudikù bafwànyine kudifwànyikijila ne nkumushààdilekù luse kampànda anyi? Mashi a Mfùmù wa ditùnga dyà Ètats-Unis's àdi pa byanza byèndè. Nudikù nwela meeji ne Tubàdì twà Cinsangànsàngà. . . Nànsa yèyè musengèlèlàngàne bishi ne: “Ncivwa ne meeji a kucyenza to,” aci kacயákwalakù kabingilà to nànsa kakesè bwèndè yèyè. Neàfwe. Bwà cinyi? Ùdi ne mashi a Mfùmù wa ditùnga pa byanza byèndè. Nudikù mwà kudifwànyikijila njiyà yèndè anyi? Nudikù nwènù mwà kuswà aci pa byanza byènù anyi? [Disangisha didi dyàmba ne: “Bwàlà.”—Muf.]

154 Èè, kàdi ambààyaaku tǔng Mashi a Yesù Kilistò dìbà adi? Udi wela meeji ne nebàkulekèlè, paanyimà pàà Ówò mamane kushìndikiibwa kantu ne kantu anyi? NeùKùpàndùkè munyi? Mashi Èndè àdi pa byanza byèbè, mupiile! Ngènzàmpèkàatù, kuwàya nkwèpì paumukà kaaba aka? Cìwènzà ncinyi paanyimà pàà disangisha edi mu dindà emu?

155 Udikù wela meeji, udi wamba ne: “Èè, mwawa ne meeji. . . Ncivwa ne meeji a kwikala mubì to.” Oswald's mmufwànyine kwamba cintu cyòcì cimwècimwè aci.

Banzuji bàà Tubàdì twètù Tutùmbùke bòbò baswè kulonda ànu bwakàne, s'nebàbulondè. Twòtù ntùdì—ntùdì cyètù. . . Twòtù ntùdì cyeyemenu cyà ditùnga. Ditùnga dijimà's ndiswikila ku Tubàdì Tutùmbùke atu, ne kawèna mwà kwikala cintu nànsa cimwè cishàale to. Yèyè mmwenzè bwenzàvi abu. Yèyè ùdi ne cyà kuyooaba bwà bwalu abu. Nànsa byòbì ne kàvwa ne meeji awu bishi, mùvwà meeji èndè, anyi nì ncinyi pa bwalu abu; yèyè neàyoobè, nànsa bishi.

Tubàdì twètù Tutùmbùke ne bwakàne bwàtù twòtù tulòmbè difutu, ambààku tǔng muwàdisanganà wèwè mwinè bitàmbidile apu ku Cibàsà cyà Cilumbulwidi cyà Nzambì, pawàlwà ne Mashi a Yesù Kilistò pa byanza byèbè apu? “Nëngënzè cinyi ne Yesù udibò bàbìikila ne n'Diyi dilaaba ewu?” Wèwè's waDitèeleji.

S'wámányi ne Dìdi Bulelèlà. Dyôdi's ndishindikiiibwe mu kantu ne kantu.

¹⁵⁶ Mushebeyanganyi? Udikù mufwànyine kujinga mushebeyi wa Dìyi wa cyena-màngumba, pamutù pàà Kilistò udi kàyi mwenzè bubì awu anyi? Udikù mufwànyine kupoopela pa nkùrusè anyi? Udikù—udikù mufwànyine kudidìnga kwangata Baalàbààsà anyi? Udikù mufwànyine kulòmba Baalàbààsà anyi? Mmunyi mùdiku muntu kanà yònsò ewu mwà kudidìnga kwenza nànkù, kulòmba Baalàbààsà, mushebeyi wa Dìyi, pamutù pàà kwangata Dìyi, Dyôdi diinè, dìdi Mwoyi adi! Ne Dyôdi's dìdi pa byanza byèbè.

¹⁵⁷ Pàngūmvù bwalu bwà dishebeya dyà Mfùmù wa ditungà Kennedy, Dìyiisha edi kumvwiladi pa mwoyi wànyì. Mémè kwela meeji ne, awu muntu cyènzàye ncinyi? Kakwèna mùshindù wà dikùpànduka mpindyewu to. Mmufwànyine kwikala mutàbùlùke pa dîbà edi ne mujingùlùle cìdì cimwindile kumpàla.

¹⁵⁸ Ne wèwè neùtabulukèku dîbà kampànda. Mwab'ewu, anyi ku mukàbà wà mèyi, kwònsò kùdì usanganyiibwa aku, neùtabulukèku dîbà kampànda, ngènzàmpèkààtù, ne neùjingululè ne kùdì Mashi pa cyanza cyèbè, miinè awu Mashi a Mwànà wa Nzambì, ne wèwè mupiiile bwà diMushebeya. Mpèkaatù webè ngudi muMushebèye. Bupidyà bwèbè mu Dìyi Dyèndè, dipanga dyèbè bwà kumòna dimanyishiibwa Dyèndè, mbibungàmije Nyumà Mwimpè. Ne cyùdi mwà kwenza ncinyi pa kuumusha kwimana ku Cilumbulwidi cyà Nzambì, mumanyè cùikalà mwà kukwenzekela! Èyowà, mashi a John Kennedy pa byanza byà Oswald's neciikalè cintu cishàadile, kutàmba Mashi a Yesù Kilistò pa byanza byèbè pawìmanà kumpàlà kwà Nzambì.

¹⁵⁹ “Nèngènzè cinyi ne Yesù udibò bàbiiikila ne n'Kilistò ewu?” mwàkambà Pilaatu. Ùvwa mutèèkiibwe pa byanza byèndè.

Ne Mashi a Yesù Kilistò mmatèèkiibwe cyàkàbìdì pa byanza byà disangisha edi. Mmatèèkiibwe pa byanza byà ditungà edi, ne buloba bujimà ebu, mùdì mikàbà yà mèyi eyi myediibwe, ne bintu bikaadi bishindikiiibwe ne bijaadika kùdì Nzambì.

Mpindyewu netwènzè cinyi ne Yesù udibò bàbiiikila ne, “Umwèumwè awu makèlèlèlè, leelù, too ne kashidi” ewu? Netwènzè cinyi ne Yesù ewu? Udi mudìlongòlòle bwà kwangata kaaba kèèbè ku luseke Lwèndè anyi?

¹⁶⁰ Pilaatù, ne ku cintu cimwècimwè cyàkenzà Pilaatù aci, nkukushàadile bintu bisàtù byùdì wèwè mwà kwenza Nèndè. Pilaatù wàkateeta byònsò bisàtù abi, kàdì kucipangilayè. Màyelè àsàtù aùdì wèwè mufwànyine kuteeta bwà kwenza, kàdì kabyàkukùmbanàkù to. Pilaatù wàkateeta bwà kuMuumusha pa byanza byèndè. Kàdì pàdiCi ànu ne cyàtèèkibu pa byanza

byèbè, Cidi pa byanza byèbè. Pilaatù wàkateeta mishindù yisàtù mishiiàngàne, kàdi wàkapangila.

161 Tudi ne cyà kukungamangana ne bulelèlà bwà ne Yéyè mmutèekiibwe pa byanza byètù. Twètù twàMumònu mu Dìyì Dyèndè. Tudi tuMumòna Ùdishindika Yéyè mwinè. Tudi bamanyè ne Yéyè ùdi umwèumwè awu makèèlèlà, leelù, too ne kashidi. Ncyà bushùwà anyi?

Dibà adi, ncyèna ngambila ànu disangisha edi nkààyaadi mu dindà emu to, bwalu ndi ngaakula ànu ne bantu nkàmà yisambòmbò, nkàmà mwandamutekète, pàmwàpa, kàdi ndi ngambila miliyò ne miliyò mu mukàbà wà mēyi ewu wikalà mwà kuya pa buloba bujimà. Nwamònu anyi? Yéyè udi pa byanza byèbè, mu citupà cyà buloba cidi mikàbà yà mēyi yifika amu, mwaba wònsò wúdi awu. Wèwè's udi mumanyè ne Cidi Bulelèlà. Wèwè kùyi mumanyè to, nàнку udi mpofo; kwèna mwà kumòna Dìyì, anyi kwèna mwà kumòna Nzambì mu Dìyì to. Ne Yéyè ùdi pa byanza byèbè. Mpindyewu ciwènzà Nendè ncinyi?

162 Pilaatù wàkateeta bwà kuMuumusha, kàdi twètù bìdi bikèngela tükungamanganè ne bwalu abu. Bivwa bikèngela bwà Pilaatù àkungamanganè naaCi. Ùvwa mumanyè. Ùvwa muumvwè.

Èè, múdi wamba “mémè ncitu mwanji kumònakù kantu nànsha kàmwè kààci to.” S'waCyùmvù, nànsha bìshi. Ùdi munkaci mwà kuCyùmvwa mpindyewu. Nwamònu anyi?

Yéyè ùvwa muswè bwà Yesù ènzè cishimà, anyi diyelè kampànda, bwèndè yéyè. Kàdi Yéyè kàvwa wènzà bikàsà to; Yéyè ùvwa wènzà ànu mùvwà Nzambi muMwambile bwà kwenza.

163 S'nyawu umvù. “Diitabuuja didi difùma ku dyumvwa.” Wèwè udi ne diitabuuja, nènku umukakù. . .bwà kuumusha cyòci eci pa byanza byèbè. Kàdi bùdiye naabù mbwà kukungamangana ne bulelèlà, nànsha bìshi. Yéyè wàkacyènzà, ne bikèngela bwà tükungamanganè pèètù ne bulelèlà. Yéyè mmumanyishiibwe ànu menemene. Anji elàayibi meeji, ne Mashi a Muntu pa byanza byèbè!

164 Bikèngela bwà muntu àtangilè bimpè pàdiye ne mashi a muntu mukwàbò pa byanza byèndè. Tàngilàayi ndèkè. Mwendeshi wa ndèkè pàdiye pambèlù pàà ndèkè awu, pàdiye ùpàtula ndèkè awu, ùdi ùkenketa kaamù ne kaamù. Bwà cinyi? Ùdi ne mashi a muntu kampànda pa byanza byèndè. Kaamù kakesè kònsò kàdi mwà kukenkeciibwa aku, yéyè ùdi ùkàkenketa. Pàdiye ùpàtuka ne wànji kunyunguluka ne ndèkè awu, ùdi—ùdi—ùdi ùnyungulula mo—mo—moteur lùkàsàlùkàsà, moteur awu, bwà kumòna ní mmukwàte mudilu mukumbàne. Ne ùdi ùdyata pa accélérateur too ne mu ndekeelu, bwà kumòna dikùbakùbà ní diikala—diikala . . . ní dyakumbana mwà—mwà—mwà kwenzeja, anyi kusàka, dyòdi pààdi, ní diikala ne lupeepèlè lukumbàne bwà kujuula ndèkè panshi.

Nukààdikù biimàne, bààbùngì bàà kunùdi, mu ndèkè, anyi basòmbemù, ne ndèkè mujimà awu ùnyùkuka, wamba kunyùkusha buloba. Mwendeshi awu ùdi ùteeta ne mwèndè mwònsò, bwà kumòna ní kùdi kantu kapampàlámùkemù. Kòkò kiikàlekù, nekàtudikè ne ndèkè neányangukè. Kàdi ùdi ùkenketa cyàkàbìdi, piikalàbi bikèngela bwà kwanjiyè kushààla musòmbè muntwamu katanci, too ne pààkenketàyè cyàkàbìdi. Ne bu byòbi mwà kwanji kumwangatakù dîbà ndambù, ùdi ùcikenketa cyàkàbìdi.

¹⁶⁵ Mùshindù mwinè wùvwàbi bikèngela bwà Èkèleeziyà kwikalayè ùkenketa cyàkàbìdi, ne cyàkàbìdi, ne cyàkàbìdi, ne cyàkàbìdi's wè! Tudi bindile Dilwa Dyèndè. Tudi munkaci mwà kuciùsha, tudi bindile dijuuka dyà panshi. Mbîmpè twikalè tucikenketa ne Dìyi, kí nnè cidi muntu kampànda mwambè to. Ikàlà mutwishiiibwe ne udi mumanyè, wèwè mwinè, bu dilabula dyà nkààyeèbè ne Kilisto. Dikenketè cyàkàbìdi, ne cyàkàbìdi, ne cyàkàbìdi.

Bwà cinyi? Yèyè ùdi ne mashi a muntu pa byanza byèndè. Mbîmpè bwà àkenketè.

¹⁶⁶ Twàmbè bishi bwà ngàngàbukà, kumpàlà kwà dipandangana? Tudi ne ndambù wa bangàngàbukà basòmbè kaaba aka mu dindà emu. Mònaayi ne, ngàngàbukà, cyènzàye kumpàlà kwà kuyayè mu cibambalu cyà dipandangana. Ùdi dijinga ne cyamù cyà midimà. Ùdi dijinga ne kukenketa mashi. Ùdi dijinga ne kukenketa mwoyi. Ùdi dijinga ne kukenketa kumòna wèwè ní udi ne cimpumpu, kumpàlà kwà kutwà bwanga bwà dilààdikangana tulù. Ùdi ùkenketa kaamù ne kaamù kònsò; ùdi ùsàbisha twamù twònsò atu pékù, kantu ne kantu, bwà kumòna ní katwèna ne twìshì pambidi apu. Ùdi wènta byònsò abi. Ùdi ùkenketa ùkenketulula, ùkenketulula, ùkenketulula, ùkenketulula, cyàkàbìdi. Bwà cinyi? Ùdi ne mashi a muntu pa cyanza cyèndè. Mmuswè kwikala mutwishiiibwe ànu menemene ne byònsò bìdi ànu mu byòbi menemene.

¹⁶⁷ Kàdi bishi wèwè? Kàdi bishi wèwè, ngènzàmpèkààtù, wadyùmvùku bishi pa bwalu abu?

Kwikala ne mashi a muntu pa cyanza cyèbè, mwambùle bujitu bu bwà mwendeshi wa ndèkè, yèyè ùdi ùkenketa; ngàngàbukà, eku ùkenketa; ne bikwàbò byònsò, byà maalu a mamanya bùngì cyanààna; paùdi ne mashi a muntu pa byanza byèbè, ciwènzà aci's!

Pàdi nzuji wamba kukòsa cilumbù, tàngilàayi nùmonè mùdiye ùbala mikàndà ayi, ùbala ùbalulula ùbalulula ùbalulula ùbalulula ùbalulula, bwà kantu kakesè kònsò kàdiye mwà kumòna aku, kumpàlà kwà kukòsayè cilumbù. Bwalu, ùdi ne mashi a muntu kampànda pa byanza byèndè, kùdi ne cya kwikala cintu kampànda mwab'ewu bwà kumbingisha dipàngadika adì. Nwamònu anyi?

168 Kàdi bishi bwètù twètù, patùdi tuCimòna cimanyishìibwe kantu ne kantu, ne: “Yèyè ùdi umwèumwè awu makèèlèlè, leelù, too ne kashidi?” Yèyè ùdi mwab'ewu. Ùdi pa byanza byètù. Ùdi pa byanza byètù. Ùdi pa byanza byèbè! Ciwikalà mwà kwenza Nendè ncinyi? “NengĚnzè cinyi ne Yesù udi Kilistò mullaaba ewu?”

“Ncinyi cidìCi cyènza's? Mmuniyì mùdi umanya ne N'Yèyè?”

Mulayi wà ditùkù edi, ditùkù ditùdi ne mwoyi edi, kùdi Mifùndù yàbùngì yìdi yàmba, centimètres yàYì bùngì kampànda yìdi ne cyà kwikala myùle, centimètres yà ndekeelu yà ditùkù dyà ndekeelu edi. Kùdi bintu kampànda bitèeka *apa* bidi ne cya kwenzeka, kàdi s'mbyôbi ebi. Ncinyi aci? Kilistò mullaaba umwèumwè awu, Dìyi dilaaba adi! NewĚnzè naaDì cinyi? NeùDisùmbishè kùdi dngumba anyi?

169 Mpindyewu Pilaatù wàkenza cinyi? Pilaatù wàkateeta bwà kuMuumusha ku dyowa dyà màyi ku byanza, mu kwamba kwà ne. . . Cintu cyà kumpalà cyàkenzà Pilaatù ciwva nkuteeta bwà kuMuumusha ku dyowa dyà màyi ku byanza, mu kwamba kwà ne: “Kaa, Yèyè's ùdi bìmpè. Ùdi bìmpè.” Nwamònu anyi?

170 Wèwè udi wamba ne: “Kaa, Pilaatù mulùme neebè.” Pilaatù, bantu bààbùngì bàtu bàmubingisha? To, to, to! Yèyè's ùwva pa byanza byèndè. Ùkaavwa muumvwè Mukenji, ùkaavwa mumòne Dìyi, ne Yèyè ùwva pa byanza byèndè. Ki mùdiYe kàbìdi pa byanza byèbè wèwè apu. Ncyà bushùwà.

Cyàkenzàye ncinyi? Wàkateeta kwamba ne: “Kaa, èè, Yèyè's m'Muntu mwìmpè. Mèmè ncyèna mpeta cilèma mu Yèyè to.”

171 Aci cyòci kaciyi dyandamuna dyà—dyà—dyà bààbùngì leelù ewu to! “Kaa, kakwèna bwalu bubì nànsha bùmwe mu Dìyi to. Ndi ngeela meeji ne mbìmpè. Bible ùdi ànu bìmpè, kàdi twètù tudi twitabuuja èkèleeziyà. Dngumba dyètù kadyèna dipetangana naaCi to.” Nwamònu anyi? Nwamònu anyi? Kùdi kasùmbù kàmwèpelè kàà bantu bàdi bàteeta kuMuumusha pa cyanza mu kwowa kwà màyi.

“Ncyèna mpeta cilèma nànsha cimwe mu Dìyi to. Bivwa bikùmbàne bwà bàpostòlò mu ditùkù dyàbò, kàdi twètù tudi ne mwoyi mu dikwàbò ditùkù. Katwèna ne mwoyi mu ditùkù dyà bàpostòlò to, ki bwà cinyi kabyèna bikèngela bwà mèmè kwenza mùvwà bàpostòlò bènza amu to. Kabyèna bikèngela bwà mbàtijiibwè mwàkabàtijiibwàbo bòbò amu to; mèmè ndi ne mwoyi mu ditùkù dikwàbò. Kabyèna bikèngela bwà ngùikalè ne bintu bìvwàbo bòbò naabi abi to; mèmè ndi ne mwoyi mu ditùkù dikwàbò. Nyumà Mwìmpè wàkafidiibwa ànu bwà kasùmbu aku.”

172 Ebèlù 13.8 ùdi ùMwaluja kàbìdi pa byanza byèbè. Kakwèna pàà kupàndukila to! Yèyè mmushindika kantu ne kantu ne: “Yèyè ùdi umwèumwè awu makèèlèlè, leelù, too ne kashidi.”

Kwêna ne pàà kupàndukila to. Kwêna mwà kuMufila kùdi cikwàbò cikondo kampànda to. Ebèlù 13.8 ùdi ùpiisha meeji èbè awu, ne ùMwaluja cyàkàbìdì buludì pa byanza byèbè apu. Pa nàнку Yesù ùdi pa byanza byèbè, ànu mùvwàbì pa byà Pilaatù amu.

Tàngilà. Wêwè udi wamba ne: “Kàdi mémè ncyèna mumanyè to.” Èè, cyùdì utèèlejila ncinyì?

¹⁷³ Pilaatù ùvwa mumpàngaanù. Mukàjèndè ùvwa mumpàngaanù. Kàdi Nzambi, bwà kucivwija cyakàne, wàkatùma mukàjì awu mwómò amu ne kwambayè ne: “Kùbwelakanyikù ne Muntu mwakàne ewu to.” Mukàjì awu kwambayè ne: “Ndi mukènge ditùkù edi.” Mu bushùwà bwà bwalu, mùvwa mu dindà, bùvwa mbufùkù, ne mèbà makùmi àbìdì ne ànaayi àdi àngaciibwa bu ditùkù òmwè. “Ndi mukènge mu bilòtò bufùkù ebu, bwà Muntu mwakàne awu. Kùbwelakanyikù naaCì to.”

¹⁷⁴ Mpindyewu kwambayè ne: “Èè, díbà adi, pìikalàbì nàнку awu, nèmMuumùshè ànu pa byanza byànyì mu kwowa kwà màyi.” Kàdi kàvwa mwà kucyènza to.

Nànsha wêwè pèèbè. Paùdì ànu utèèleja Bulelèlà musangu wùmwè, bùdì naabù mbwà kuBwitaba anyì kuBùbènga. Kakwèna mùshindù. . . Èyowà’s, mukalenge, bikèngela ùcyènzè. Mmadimwija a Mukalenge!

¹⁷⁵ Beena Yudà bààkeela lubilà lukolè ne: “Mashi Èndè ikalè pambidi pèètù; bwalu twètù tudi baswè kwitabuuja baakwidi bèètù, ndongolwelu wetù wa cyena-màngumba, kumpàlà kwà kuMwitabuuja Yèyè.”

Ki bwalu mbwòbù abu’s. Nudi numòna tusumbù atu leelù ewu anyì? Kàdi twònsò atu tùdi ne cya kukùngamangana ne cilumbù cyà Nzambi. Nwènù bònsò nudi ne cyà kucyènza, nànsha bishi, wikalè mumpàngaanù anyì cyònsò cyùdì mufwànyine kwikala aci. Mwena bupidyà, Méthodiste, Baptiste, Presbytérien, wa civùmvù, mukwàte mashikà, ne luuyà lukolè, ne cyònsò cyùdì mufwànyine kwikala aci, udi ne cyà kukùngamangana ànu mene ne cilumbù eci. Nànsha wêwè muswè, anyì kùyì muswè, Cìdi pa byanza byèbè. Ncyà bushùwà menemene.

¹⁷⁶ Díbà adi kùdi aba bàdì bàteeta diyelè dikwàbò dyà Pilaatù dyà kwepele cilumbù adi, kuMufila kùdi Kaayisà mukwàbò. Nwamònu anyì?

Pilaatù wàkamba ne: “Mpindyewu anjì indilaayi kakesè. Ncyèna—ncyèna—ncyèna—ncyèna muswè kubwelakana naaCì to. Ndi—ndi—ndi—ndi. . . Yèyè m’Muntu mwakàne. Ncyèna—ncyèna muswè kubwelakana Nendè to. Kaa, ndi—ndi ngiitabuuja cingàtèèleji aci. Kacya ncitukù mwanjì kuMumòna mwenzè cishimà to, kàdi kùdi majaadiki bùngì cyanààna

Bwèndè Yéyè. Ndi—ndi—ndi ngiitabuuja ne Yéyè mMuntu mwakàne. M'Muntu mwímpè, nwamònu's, kàdi—kàdi ncyèna—ncyèna muswè kubwelakana naaCi to, mèmè mwinè. Ndi—ndi—ndi ànu. . . Mèmè nèmMuumùshè ànu cyanààna ku dyowa dyà byanza. Ntwàdilaayi màyi apu. Nwènù bònsò nwikalàayi bantèmù bàanyi mwab'ewu." Èyowà. Kàdi, Nzambì ùvwa pèndè ntèmù's. Yéyè's ùvwa pa byanza byèndè.

¹⁷⁷ Ki mùdiYe kàbidì pa byanza byèbè. Wamònu's, wèwè, udi mumanyè cìndì ngamba aci. Wamònu anyi? Kí ng'ànu wèwè to, kàdi mukàbà wà mèyi ewu. Yéyè ùdi pa byanza byèbè. Newènzè Nèndè cinyi, Yesù udibò bàbìikila ne n'Kilistò ewu? Kilistò n'Dìyi Dilaaba. Wamònu anyi? Newikalè mwà kwenza naaDì cinyi? Dyòdì m'Mukenji wa díbà edi. Ditùkù dikaadi apa, dijaadikiibwe kantu ne kantu kùdi Bible ne kùdi Nzambì. Newikalè mwà kwenza naaDì cinyi? Newikalè mwà kwepela cilumbù eci bìshi mpindyewu? Newikalè mwà kubènga kunyookiibwa bìshi? Yéyè's ùdi pa byanza byèbè! Ne bwalu bwà Oswald abu's nebwikalè kaabwalu kakesè, ku bwèbè wèwè, nànsha wèwè mwambi anyi nì nganyi yònsò ùdi mwà kwikala awu.

¹⁷⁸ Beena Yudà abu's bàvwa baakwidi, ne baalaabì, balongeshi, bantu bàà cijila; kàdi Yéyè's ùvwa pa byanza byàbò ànu mùshindù wùmèwùmè ewu. Yéyè ùvwa Dìyi, dipàtukila dyà pambèlù dyà Nzambì bwà ditùkù adi, kàdi kupangilabò bwà kuCimòna. Ànu basungula mbààkaCimòna, aba bààkaCìitabuuja abu.

¹⁷⁹ Mpindyewu bònsò bàdi ne cyà kukùngamangana ne cilumbù aci. Ki mùvwàbì mu cikondo cyònsò, musangu wònsò. Mu cikondo cya Evà ne Adàmà, too ne ku cikondo cyà Noà, too ne mu cikondo cyà Danyèlè ne Beltèshàsà ne Nebùkàndànèèsà, too ne mu cikondo cyà Kilistò, too ne mu díbà mene citùdì twètù ne mwoyi edi, mbyà mwomùmwè, dipàtuka dyà Dìyi dyanzèkènzèke. Kí ntwitabàayi wabò awu, anyi kí ndingumba to, kí ndiyi diswika to, kàdi, dilwa dyà Dìyi edi's ditu ànu dibèngangana ne bintu abi. Pa nànkù, mpindyewu, Didi pa byanza byèbè mpindyewu's.

¹⁸⁰ Pashiishe aba bàdi bàteetà dikwàbò dìyelè dyà Pilaatù adi abu, bwà kuMuumusha, mu kuMufila kùdi muntu kampànda mukwàbò. Pilaatù wàkamba ne: "Mpindyewu, nudi bamanyè mùdi bwalu anyi? Mèmè nèmMuumùshè ànu pa cyanza cyànyi. NèmMuumùshè pa byanza byànyi ku dyowa dyà màyi aa. Pa nànkù nèngèikalè ànu. . . Bikèngela ngènzè Nèndè cintu kampànda. Pa nànkù nèngènzè cinyi? NèmMutùmè ku cìimamwèndè wa bukalenge, kùdi mwèpiskòpò aku." Uh-huh. Èyowà's.

Ki cìdìbò bàteeta kwenza leelù ewu. Nwamònu anyi? BààkaMutùma kùdi Kaayisà. Aci kacayàkaMuumusha pa byanza

byà Pilaatù to, kacyèna ciMuumusha pa byanza byà muntu nànsa umwe to. Cyàkenza cinyi? Cyàkamukùdimukila. Cìdi cyàlukidila buludì kùdì mwenaci.

¹⁸¹ Wèwè udi wamba ne: “Èè, mèmè ndi muswè, ndi muswè kucyènta. Ndi muswè kuCìitabuujà bu dīgumba dyànyi mwà kuCìitaba.”

Dīgumba dyènu adì dikaadi mu Nsangilu wa Maèkèleeziyà, dipiishiiḅwe! NebàCyàkidilè munyi? Cìdi cikwalukidila, cyàlukila buludì kùdì. Kì ncìdì dīgumba dyènu dyàm̄ba to; cìdi, udi wèwè wamba cinyi? Bòbò mbaCibènge; mpindyewu newikalè mwà kwenza naaCì cinyi? Kì cintu cìdì cìlondà ncyòci aci. Nwamònu anyi? Aci kacyèna ciMuumusha pa byanza byèbè to.

Yèyè mmushindikiḅwe kantu ne kantu. Mmumanyishiḅwe kantu ne kantu, Dìyi dyà dībà edi, mulayi wà dībà edi. Kì mmulayi wà dībà dyà Luther to; cìvwa nCyòci musangu awu, cìvwa n’Dìyi mu cikondo cyà balongolodi. Bu mùdibi ne, nwènu bònsò bàdì bumvwè *Bitampì Mwandamutekète* abu, pàakajikà cikondo cyà balongolodi, Nyama uvwa ne mpàla mufwànàngane ne muntu awu (bulongolodi) wàkapàtuka; kàdi ewu mmpàla wa mukankù, Nyama wàkaya bwà kuumusha kadyòmbò kàà leelù ewu awu.

¹⁸² Nèku nganyi udi mufwànyine kudìdinga kwamba ne kacivwa Dìyi dyà Nzambi disonsola, pàakadyànji làYe kuDyàm̄ba kaaba aka, ne kuntùma mwàm̄wà mu Arizona ne kuCyàluja buludì, nànsa mene maalu a mamanya ne bikwàbò byònsò, bijaadika ne Cìdi nànkù! Mukàndà ewu wùkaadi mumana kukàngula, ncyà bushùwà, mwindile ànu bwà Citampì cyà Mwandamutekète cimanyishiḅwè bu Dilwa dyà Kilistò.

¹⁸³ Èyo, Yèyè ùdi pa byanza byèbè. Bikengela wènzè Nendè cintu kampànda. KùMuumùshì to. Èyowà’s, mukalenge. Mu aka kasùmbù kàà bantu, ndi muswè kwamba ne, “kuMukùpila muntu mukwàbò.”

“Bu dīgumba dyànyi mwà kuCìitaba, Mwanèètù Branham, ndi—mufwànyine—ndi mufwànyine kuCìitaba. Kàdi, udi umòna’s, mààmù ùvwa wa mu èkèleeziyà ewu.” Yèyè ùvwa ne mwoyi mu cyèndè cikondo; awu kì ngwèwè nànsa. Wèwè mmpindyewu. Tàngilà ùmonè cyàkakèngelàye bwà kupàtuka, bwà kwikala civwàye aci. Kàdi wèwè? Èyo.

¹⁸⁴ Tàngilà. Wèwè udi wamba ne: “Wanyi mààmù ùvwa mwena Mpenta. Wàkenza *bikampànda*. Wàkapàtuka mu bulongolodi.” Kàdi ùndì nteeta bwà kwakula nendè’s ngwèwè mpindyewu. Kadi bishi bwèbè wèwè? Nwamònu anyi?

Mu aka kasùmbù kàà bantu, tudi tusangana bààbùngì bàdì balongè tulaasà. Mpindyewu, ndi mumanyè ne nèntapanganè ku myoyi kaaba aka, kàdi ncyèna ncyènta ku bukolè to. Mèmè

ngenza nàнку, díbà adi bìvwa bikèngela ngì—ngìikalè ku cyoshelu, nyingalala. Ndi ngamba eci mu dinanga dyà cijila.

¹⁸⁵ Yesù, pààkiimanàYe mwaba awu, ne Bàfaalesa abu, byàkakèngela àmbè ne: “Nudi bàà tatwènu, dyabùlu; byenzedi byèndè kì binwènà.” Kàdi kubàlòmbela ditalala ne luse, ku nkùrusè aku, biinè bàvwà baMupoopèle pa nkùrusè abu. Nwamònu’s, Kàvwa mubàfiikile munda to. Wàkamba ne: “Nwènu lukòngò lwà nyòka.” Nwamònu anyi? Nwamònu anyi? Mu byònsò, Yéyè wàkabèèla milawu mu cyònsò civwàYe mwà kwamba, nwamònu’s, ne pashìishe kubàsambidilayè pa nkùrusè apu. Nwamònu anyi? Kì n’Yéyè uvwa muswè kwenza nàнку to; kabìvwa nàнку to, kàdi bìvwa bikèngela bàmonè cilèma civwàbo bèna.

¹⁸⁶ Ne mémè ndi ngamba cintu cimwècimwè aci leelù ewu, mu kasumbù kàà bàdi “bàtùpwilà muntu mukwàbò cilumbù” aka, anyi cintu kampànda citùdi tucibìikila mu cilwìlu ne, “kushiila muntu mukwàbò dyèpu.” Tudi tuteeta bwà kucitùpwìlangana, mwàkenzà Adàmà ne Evà amu.

Evà wàkateeta. Adàmà kwamba ne: “Mukàjì Údi mumpèèshe,” kàdi aci kacìvwakù kabingìlà bwèndè yéyè to. Nwamònu anyi? Mukàjì kwambayè ne: “Nyòka ngudi mungambìshe. Yéyè. . . Yéyè nguvwa mwenzè naanyi disangila dyà mulùme ne mukàjì adi. Mmungambìshe. Mmwenzè *cikampànda*.” Aci kì ncyàkacìpangishà to, nànsha kakesè. Bàákaya buludì ku cilumbulwidì, anu mwàbò ne kale. Èyowà’s, mukalenge. Èyo.

¹⁸⁷ Kabèèna mwà kucitùpwìlangana to; muntu. . . Kèna mwà kwamba ne: “Bu ne dingumba dyànyi divwakù diitàbùùje Cyòci eci, ndi—ndi ngiitabuujà pàanyi. Kàdi, nkàadi mu dingumba edi.” Aci kaciyènakù ne dipetangana naaci to. Beena Yudà’s bàvwa ne cintu cimwècimwè aci, s’ki munùdi pèènu naaci.

¹⁸⁸ Kàdi, nùfundè nùlamè, bààbúngì mu cyòci eci, tudi tusangana bantu bàà nkolèshìlù mulenga mu kasumbù kàà bantu aka. Mpindyewu tèèlejàayi ne ntèmà.

Nwamònu’s, citùdi tubìikila ne nkolèshìlù leelù ewu aci, s’ki civwà Sàtaanà mwenzèle Evà, ndambù wa lungènyi. Yéyè ne: “Mèsù ènù kì mmatàbàle to, mu mùshìndù wà ne kanwèna nuCyùmva cyònsò to.” Yéyè mukàjì uvwa mumanyè Dìyi, ne kì cyònsò civwàku. Úvwa mumòne Nzambì ùshìndika Dìyi adi, ne bìvwa ne cyà kwikala bìmpè. Úvwa mumulamìne mu Mwoyi wà Cyendèlèlèlè, pàvwàye ànu mushàalè ne Dìyi adi apu. Pààkatùpàye ku Dìyi adi, uvwa ne mulayi wà Nzambì wà ne uvwa mwà kufwà ditùkù divwàye mutùpeKù adi. Nènku, pààkatùpàyeKù, wàkafwà. Ncyà bushùwà.

¹⁸⁹ Tudi ne Dìyi dyà Nzambì dishìndika kaaba aka, diikàle dishìndika, dijaadikila ku Nyumà ne, Yéyè mmutwàkidile ne mutùpèèshe Dibàtiiza dyà Nyumà Mwìmpè. Tudi babàtiijibwe

mu Dìna dya Yesù Kilstò. Èvànjeeliyò umwèumwè awu, bimanyinu bimwèbimwè abi, maalu a kukèma àmwèàmwè awu, mudimu wa bwambi wùmweumwè awu, nànsha mene Dikunji dya Kapyà òmwèòmwè adi òmwèka ne mèsù kumpàlà kwètù, dìleeja bimanyinu ne maalu a kukèma. Kakwènakù kabingilà to, mwaba nànsha wùmwe.

Nènku aci's ki menemene cidi Bible mwambè ne necyènzekè mu matùkù a ndekeelu, ne dibìikila dya kùdi Maalaki 4, "bwà kwalujulula Diitabuuja dya bânà kùdi baataatù bààbò." Ne paanyimà menemene pàà cyôci aci, beena lwonji bààkendela. . . anyi baakàne bààkendela pa butù bwà beena lwonji; buloba bujimà bùwà ne cyà kwoshiibwa. Ne bómbe ya tupwishipwishi mmilembèlèle kuntu kwàka, mu cibumbu.

¹⁹⁰ Nudi bamanyè cyàkenzà Àlèmanyè pààkenzàbò ànu ne bààjandùlù ne Mfùm-. . . Mfùmù wa ditunga mmushebeya anyi? Bààkùngwija cilwila cyàbò pàmwe ne lukàsà lwònsò, bwalu aci ki cintu cimwèpelè cívwa cilamè Russie bwà kèèdi bómbe muntwamu. Nènku bóbò kutuuta. . . Kennedy kubàtùminayè mukenji, wà ne, díbà dídiò ànu bènza aci, yèyè ùwà mwà kubàkùpula pa buloba, kubùumusha buludì mu Àlèmanyè amu. Nwamònu anyi? Nènku bàwà bóbò beela meeji ne bàwà mwà kumukwàta, kadi díbà kadìwà dyanji kukùmbana to, nwamònu's. Nwamònu anyi?

¹⁹¹ Tudi tusangana bayiishi bàà meeji matwè, balongè tulaasà, batangadiki, bàteeta bwà kuCitùpwila muntu mukwàbò. Nwamònu anyi?

Mòna's, bwà cinyi Pilaatù kàakambakù ne: "Èè, anji indilaayi kakesè, Muntu ewu. . . mukàji ewu nyewù mulwè kungambila, ne ndi muumvwè majaaniki àbùngì à àKutàngila. Udi mumanye's, mèmè—mèmè mbinsànkishe. Ndi muswè kujandula. Ndi mwà kwenzakù cinyi bwa kupeta Mwoyi wà Cyendèlèlè, Mukalenge? Wèwè udi pa byanza byànyì. Ndi mwà kwenzakù cinyi?" Èè, yèyè's ùvwakù mufwànyine kwamba—s'ùvwakù mufwànyine kwamba. . . Yèyè wàkamba ne: "Wèwè udi—udi Maasiyà awu anyi? Udi—udi Mfùmù wa—wa beena Yudà anyi?"

¹⁹² Yèyè kwamba ne: "S'ki cyôci ciwàmbi aci. S'nyawù wacyàmbi."

"Anyi, twàmbilèku tǔng, cyà bushùwà ne, Wèwè udi Mfùmù wa beena Yudà anyi?"

Yèyè ne: "Mu kiipàcilà aku ki mùNdi mulediibwe."

Yèyè ne: "Ncyèna mwà kupeta cilèma nànsha cimwè mu Yèyè to." Uh-huh. "Èè, mèmè nèmMuumùshè ànu pa byanza byànyì ku dyowa dya màyi."

¹⁹³ Wàkamwandamuna, kadi yèyè kàyi mwà kuCyàkidilakù to. Bwà cinyi? Cívwa cifwànyine kupwekesha luumù lwèndè. Ki

kwelayè meeji ne ùwva mwà kutùma mukenji kùdì mukùlù mutàngidi wa ditùnga, bwà kumòna civwà yéyè awu mwà kwenza naaCi. Nwàmònu anyì?

¹⁹⁴ Cintu cimwècimwè aci mpindyewu, cilumbù ncipàtùke cyàkàbìdì. Wèwè newènzè naaDì cinyì, Dìyì adi? Cìdì cikèngela wèwè kwenza ncinyì, nkukonka mukùlù mutàngidi, anyì mwèpiskòpò, anyì muntu kampànda, ní udi mwà kushintululakù kabingilà kàà dibàtìijibwa dyèbè, ní udi mwà kwenza *cikampànda*, anyì kwenza *cikansanga*? Udi umòna mùshindù *awu*, ne: “Cyà bushùwà, kì ncyùdì wenza to.” Udi ucyàluja buludì kùdì. Wèwè mwenzè nàнку, newipaciibwè. Nwàmònu anyì?

¹⁹⁵ Ncifwànyine kupwekesha luumù lwà bantu. Èyowà's, bàdi—bàdi bèèla meeji... Ne nsangilu wa cyena-màngumba kì mmufwànyine kutwàla... Bu—bu mwàkaCìtùpwilàbo Kaayisà kùdì Pilaatù amu; kabàvwa bafwànyine kuCìtwàla to. Kaayisà kuCyàlujayè mu cyanza cyà Pilaatù. Kì mùdìbo bàteeta kuMutùpwila banènè bààbò—bààbò bàà cyena-màngumba, kàdì kabìyi bikùmbana to. Dìyelè edi kacya kaditukù dikùmbàne to, ne kadyàkukùmbanakù to. Kadyàkakùmbana bwà Pilaatù to; kadyàkukùmbanakù bwèbè wèwè to; kadyàkukùmbanakù bwà muntu mukwàbò nànsha umwe to. Mpindyewu, ciibìdì, cintu cyùdì mwà kwenza cìdì... .

¹⁹⁶ Cìisàtù, èyo, nkuMwitaba anyì kuMubènga. Kwèna mwà kuMuumusha pa byanza byèbè ku dyowa dyà màyi to. Kwèna mwà kuMutùpwila ndongolwelu mukwàbò kampànda, anyì cintu cìkwàbò kampànda to. Bikèngela ùkungamanganè ne bwalu abu. Pa nàнку cyùdì mwà kwenza ncinyì?

Bu Pilaatù, wàkiimana ne cintu cimwècimwè aci, kwambayè ne: “Mpèèshaayikù màyi apu nènCyùmùshè ku byanza byànyì, bwa kujaadika!” Pààkaalukilàye, bicivwa ànu bikèngela bwà kukòsayè cilumbù aci; kacya kamupetsha dilekela to. Kuteetayè kwamba ne: “Èè, mèmè, pìikalàbi ne ncyèna mwà kuMuumusha ku byanza byànyì to, nèmMutèèkè pa byanza byà Kaayisà.” Kì kumwalukidilaci, buludì.

¹⁹⁷ Cìdì cìkwalukidila, wèwè pèèbè, bu muntu-nkààya. Cìwikalà mwà kwenza ncinyì? Kì ncyàkenzà mààmù to, kì ncyàkenzà papa to, kì ncìdì mpaasàtà wènza to, kì ncìdì Mwanèètù Branham wènza to, anyì ní nganyì to; Cìdì pa byanza byèbè *wèwè!* Newènzè naaCi cinyì, ne Yesù udibò bàbìikila ne n'Kilistò ewu? Bwalu, nyawù udi ne Mashì pa byanza byèbè, ne Ówò awu m'Mashì a Nzambì. Mpindyewu cìwènza ncinyì? Kwìkala mupìile bwà dipoopediibwa dyà pa nkùrusè. Nwàmònu anyì?

¹⁹⁸ Udi mwà kuMupoopela pa nkùrusè, kwitaba twitabàayi wenù awu anyì cyònsò cyùdì muswè aci, anyì kwamba ne: “Èè, nèmpicishè ànu nàнку. Ncyèna muswè kubwelakana nànsha ne

cimwè cyà ku bintu byà èkèleeziyà ewu abi to.” Kwèna mwà kwenza nànkú to. Yèyè udi pa byanza byèbè apu. Ncyà bushùwà. Kwèna mwà kucyènza to. “Nèmpwe ànu cintu cyònsò aci mwoyi.” Kwèna mwà kucyènzakù to. Cìcìdi ànu pa byanza byèbè. “Èè, nèngàmbè ànu ne: ‘Mpaasàtà wanyì ùtu mundongèshe *cikampànda*.’” Cìdi cìkukùdimukila, buludì. Cìdi bwèbè wèwè. Udi mumanyè. Mpindyewu, anyì udi mwà kuMwakidila anyì udi mwà kuMubènga, ànu mùshindù wònsò wùdi muswè kucyènza awu. Cinyì? Cìdi ne cyà kulwa ku cimwè cyà ku bìbidì abi.

¹⁹⁹ Mpindyewu ncinỳì? Ànu mwàkambilà Yesù Bàfaalèsà aba, Yèyè ne: “Bu munùdì Bàfaalèsà bafòfo,” nwamònu’s, Úvwa mufwànyine kwamba cintu cimwècimwè aci leelù ewu ne, “nwènù balongeshi bafòfo bàà ntèndeleeleu, nudi mwà kujingulula cikondo cyà communisme. Nudi nucìlwisha bikolè, ne bamanyè ne Nzambi ngudi mujuulè cintu mene aci bwà kunùbùtula.” Nwamònu’s, kabàyi bamanyè Mifùndu to. Nwamònu anyì? “Nwènù, nudi mwà kujingulula ne communisme ki wìkala mwà kwangata buloba. Nudi mwà kumòna aci. Nudi mwà kujingulula aci.”

²⁰⁰ Byena-bwalu byètù byònsò bìdi ànu pa communisme. “Ipàtààyi communisme!” Ntu ngùmva bacyàmba mu mùshindù wà bìngendesha ne ku mwoyi bwà kucitèèleja. Mémè, ntu pàànyì mbèngangana naaci. Cyà bushùwà, ntu mbèngangana naaci. Kàdi ndi ntàmba kubèngangana ne mulùme anyì mukàjì udi ubènga Yesù Kilistò, Dìyì. Anyì, nànsha wèwè muyiishi anyì cyònsò cyùdì aci, wèwè’s udi mulwishì kùdì Kilistò kutàmba mùdì communiste awu. Yèyè mmupangi ne kàyi mumanyè kantu nànsha kàmwè pa Cyòci aci to. Wèwè ngudi ne cyà kwikala mumanyè. Nwamònu anyì? Wèwè udi mwà kujingulula cikondo cyà communisme, kàdi kùyi mwà kujingulula cimanyinu cyà ditùkù dyùdì ne mwoyi to.

²⁰¹ Yesù wakambila Bàfaalèsà abu, ne: “Nwènù beena lubombo aba!” Yèyè ne: “Nudi nupàtuka nutàngila maulu, nwamba ne díbà ndikúnze ne kuulu nkubwitè, mààlabà nekwikalè kubwitè bikolè. Kuulu kwòkò kutòòke,” ne, “nudi nwamba ne mààlabà neikalè ditùkù dyà kuulu kutòòke.” Yèyè ne: “Nudi mwà kujingulula bimanyinu byà cikondo, anyì bimanyinu byà maulu ne mùdì kuulu, kàdi bimanyinu byà cikondo kanùyì numanya to.” S’ki Yèyè awu, Maasiyà awu, kàdi bóbò bàCibènga.

Ne twètù tutu misangu yònsò ànu twakula bwà communisme ne bìmwè byà ku bintu ebi, kàdi, cimanyinu cyà cikondo, katùyì tuCyùmva to. Nwamònu anyì? Tudi tulèngulula aci, tushiya aci ku luseke. Biikàle bàdisanga mpindyewu mene mu bupidyà, ne bacyàkidila, kàdi kupangila mwà kuumva ne kumòna cimanyinu cyà cikondo cìdi Bible mwambe ne necyènzekè aci.

NwaCyùmva anyì? Bikèngela ngùimanyikè, ne lùkàsà lwònsò mpindyewu. Díbà dikààdi dyènda diya, nwamònu’s.

²⁰² Ànu mwàkenzà baatatwàbò, ki mùdibo bènza pààbò, cintu cìmwècìmwè aci leelù ewu. Mpindyewu, dipàngadika ndimana kwangata. Bikèngela dyàngadiibwè. Bidi bikèngela údyàngàtè, mu mùshindù kampànda. Nwamònu anyi? Dipoopediibwa dyà pa nkùrusè dyà cyàkàbìdì dyà Dìyì, anyi ciwikalà mwà kwenza ncinyi? Dipoopediibwa dyà pa nkùrusè dyà Dìyì dikaadi pabwìpì. Kupoopela pa nkùrusè ne kwimanyika Dìyì dishindika, bwà—bwà cyena-màngumba, mwàkenzà Pilaatù amu, úteeta bwà kutùpwila muntu mukwàbò. Mpindyewu wèwè, bu muntu-nkààya, ciwènza ne Dìyì dilaaba didibo bàbìikila ne n'Kilistò ncinyi?

Dimwèdìmwè adi makèèlèlè, Kilistò umwèumwè uvwa mulaabè Dìyì mu matùkù a Noà awu. Kilistò umwèumwè awu, Muci wùvwà mu budimi bwà Edènà awu—awu; wàkashiyà Evà awu, ùbènga kudyà ku Mucì wà Mwoyi ewu, bwà kwangata mucì wà lungènyi; mulùme, mukàjì kushiya Mucì wà Mwoyi, bwà kwangata mucì wà lufù. Bàà cikondo cyà Noà bààkenzà cintu cìmwècìmwè aci. Mu matùkù a baprófètà, bààkenzà cintu cìmwècìmwè aci. Mu matùkù a Kilistò, bààkenzà cintu cìmwècìmwè aci.

S'ki bôbò aba leelù ewu. Bwà muntu ne muntu mwikàle wàkula bwà cyèndè cikondo, ne, pààkuulà cintu aci, musangu wònsò bàvwà bàngata tubingilà twàbò twà cyena-màngumba, ne bikwàbò, ne lungènyi lwà pa buloba pamutù pàà Dìyì dilaaba dyà Kilistò. Newènzè cinyi, wèwè bu muntu-nkààya?

²⁰³ Pilaatù kààkaMuumushakù pa byanza byèndè to. Nkàadi—nkàadi njikija, pa nàнку shààlàayikù ànu batùùje katanci kakesè cyanààna. Pilaatù kààkaMuumushakù pa byanza byèndè to. Nànsha wèwè kwàkucyènzakù to, mu mùshindù wàkacyènzàye awu, úteeta dyònsò dyà ku màyelè aa. Kàakacyènzakù to. Nudi bamanyè cyàkenzekelà Pilaatù anyi? S'wàkajimija lungènyi. Byàkafika mu mùshindù wà ne cyònsò cikaavwàye ùmvwa cikaavwa ànu dipoopediibwa dyà pa nkùrusè adi. Cyònsò cikaavwàye ùmvwa cikaavwa ànu difuuna, ne ndekeelu wa byònsò kunyùngulukayè mutù.

²⁰⁴ Nènku bàdi ne mwanu mwela mu Norvège mwàmwa, anyi kì mwòmò amu to... Nùmfwilaayikù luse. Mu Suisse mwàmwa; mwòmò amu, mvwà muyèmu, bu mpandanjila. Bàdi bamba ne binunu byà bantu bàdi bàdisangisha, bafùmine pa buloba bujimà, mu Diitànù Dinsantu; mu disòsò dyà màyi mwàkadishebeelà Pilaatù amu. Ndekeelu wa byònsò yèyè kudìkùpamù e kufwilayè mu dijiba dyà màyi adi. Nènku bàdi bamba ne mu Diitànù Dinsantu dyònsò, pa díbà isàtù mu mapingaja, màyi awu àdi àndamuka àlwa bleu, àdi àsàbila kuumukila mwaba wùvwà mubidi wà Pilaatù wùsanganyiibwa awu. Yèyè wàkaCibènga. Kùcidi ànu Mashi pa byanza byèndè. Nè yèyè wàkadyombola, wàkabènga; màyi.

Kwèna mwà kuMuumusha pa byanza byèbè ku dyowa dya mâyi nànsha. Kakwèna mâyi, nànsha nsàbangà wa mâyi, udikù mwà kuCisukulakù to. Yéyè udi pa byanza byèbè. Newènzè Nendè cinyi?

²⁰⁵ Cintu cimwèpelè cyûdiku mwà kwenza ncyôci eci. Pawikalà kùyi mwà kuMuumusha pa byanza byèbè ku dyowa dyà mâyi; kwèna mwà kuMutùpwila cintu kampànda cikwàbò to; kwèna ànu mwà kucitùpwilangana mu mùshindù wà musokòme to. Kakwèna mùshindù nànsha wùmwè pa buloba apa to. Cintu cimwèpelè cyûdiku mwà kwenza nkuCìitaba, mu mwoyi wèbè. Mùshindù wà kuMuumusha ki wówò awu. KuMuumusha pa byanza byèbè kàdi kuMutèèka mu mwoyi wèbè, anyi kuMulekela pa byanza byèbè apu kàdi kwindila Cilumbulwidi. Ki cintu cimwèpelè cyûdi mwà kwenza ncyôci aci.

Ndekeelu wa Pilaatù's ùvwa nndekeelu wa wènza ne bwôwà.

²⁰⁶ Dìyi didi dyamba ne aba bàdi bàMulamè pa byanza byàbò . . . Nkààvwa muswè kuCìbala. Kàdi nDyambè ne: “Bààkeela mabwe ne mikùnà mbilà. Bààkasambila, kàdi masambila àbò àkalwa dîbà dimanè kupita.” Nwamònu anyi? Bààkela lubilà ne: “Tùsokòkaayikù ku mèsù kwà Ewu udi musòmbe pa Nkwasa wa butùmbi, ne ku ciji cikolè cyà Mwànà wa mùkòòkò, mbwena kwamba ne . . . kùdi Cimpàngà cyà mùkòòkò, Mwoyi wa Mwànà wa mùkòòkò wùdi mulwè awu. Bwalu, Ditùkù dinènè dyà Cilumbulwidi dyàfikì, kàdi nganyì wíkala mwà kwimana?”

²⁰⁷ Nudikù nwela meeji ne Oswald neikalè mwà kwenza cinyi pààpàtukàye kumpàlà kwa Tubàdi Tutùmbùke atu, ne ùmòna mèsù a cijji a beena—beena kasùmbù kàà bangaci bàà mapàngadika ne bònsò abu basòmbe mwaba awu? Yéyè's mmumanyè ciikalà mwà kwenzeka. Neciikalè anyi cibambalu cyà gaz, anyi mwonji wà dimwowa naawù mulembejeja mwaba awu, anyi cintu kampànda. Neikalè ne cyà kukùngamangana naaci.

²⁰⁸ Kàdi ambà tǔng bu wèwè mwà kupàtuka kuntwaku ne Mashi mu byanza byèbè, a ne wàkabènga? Nènku mwikalè mumanyè ne ifernò mmukwindile kumpàla eku, kabùtù kàà Cyendèlèlèlè; mwikalè udila mwadi bwà mabwe ne mikùnà; kàdi kusambila, ne masambila pàawù malwè dîbà dikaavwa dimanè kupita.

Mu Ebèlù 10: “Twètù twenza mpèkaatù ku bukolè.” *Mpèkaatù m’*“bupidyà.” “Twètù tubènga kwitabuuja ku bukolè paanyimà pàà bamanè kupeta Bulelèlè, dimanya dyà Bulelèlè.” Kabyèna bikèngela ànu bwà wèwè kuBùpeta to; ànu kuBùmanya cyanàànà. Kabyèna ànu bikèngela bwà wèwè kuBùpeta to, udi ànu . . . Kaa, to, to. Nwamònu anyi? Kabààkambakù ne, “paanyimà pàà twètù bamanè kupeta Bulelèlè” to.

. . . twètù twenza mpèkaatù ku bukolè paanyimà pàà twètù . . . bamanè kupeta dimanya dyà ne m’bulelèlè, kakwèna kùshààla kabìdì mulàmbù bwà mpèkaatù to,

*Kàdi... dindila didi dikwàcisha bwôwà dyà... ciiji
cidi cilàkuka kapyà, ... cyàbutulà mulwishì,*

*... Bwalu Nzambi mmwambè ne: Disombwela
nDyanyi, ne Mémè ngwáfuta, mùdi Mukalenge
wàmba—wàmba.*

²⁰⁹ Twètù tubènga kuCìitabuuja, ku bukolè, Bulelèlà bumana kutùleeja, kakwàkwikala luse nànsha lukesè to. Luse nànsha lukesè kalwàkufidiibwa to.

Wèwè mpaasàtà, udi utèeleja mukàbà wà mèyi ewu awu, udi wamba naawù bìshi? Wèwè cidimba cyà èkèleeziyà, udi utèeleja mukàbà wà mèyi ewu awu, udi wamba naawù bìshi? Newènzè cinyi, twètù babènge kuCìitabuuja ku bukolè? Kwèna mwà kuCyùmusha pa byanza byèbè ku dyowa dyà mâyi to. Kwèna mwà kuCítumpwila ciimamwèndè wa bukalenge to. NeCìkukùdimukilè, buludì kùdi aku. Wàmanyi kuCyùmwa. Kàdi bìshi wèbè wèwè? Newikalè mwà kwimana bìshi mu Ditùkù adi?

Anyi Yèyè ùdi pa byanza byèbè anyi mu mwoyi wèbè, eci anyi eci. Nzambi àtùkwàcishèku.

²¹⁰ Bu—bu wèwè ànu mwà kudìfwànyikijila dishebeyangana dyà ne cikisu, ne cidi ne cyà kwikala cìpitakana mu mwoyi wà muntu awu! Ncinyi cidiye mwenzè? Mmutàbùlùke dìbà dimanè kupita, paanyimà pàà mumanè kucyènza.

Tàngilàayi, yèyè ùvwa ne mpùngà. Ùvwa mulediibwe mwena Àmèrikè mudishikàmìne. Ùvwa mwena Àmèrikè. Kàdi ùvwa muswè kusumbisha bwanààbutè bwèndè, bwà kushàalayè mwena Russie, kàdi ncyaci cyàmwalùkididì's. Ùvwa musèle mwànà wa bakàjì mwena Russie. Patùdi twakula apa Ùkaadi ngèlààmèèjì mudishikàmìne wa kasumbù kàà communisme kàà Cuba.

Ngeelèlù wa meeji mudishikàmìne's ne: “Ndi ndyèlela meeji àanyi mémè sungasunga.” Kwèna ne meeji àdiku ne bwà nsongo to. Newènzè cinyi ne Yesù udibò bàbìikila ne n'Kilistò? kwèna ngèlààmèèjì mudishikàmìne to. Kakwènakù ngeelèlù wa mèèjì mudishikàmìne to. Meeji àvwà munda mwà Kilistò awu ikalè munda mwèbè.

Tùsambilàayi.

²¹¹ Elà meeji aa ne: “Piikalàku butùmbi kampànda, piikalàku bukolè kampànda, elàngànà meeji pa bwalu ebu.” Munkaci mwètù mu dindà emu, ne mu mukàbà wà mèyi ewu, kaàbidi, ndi ngaakula. Pawikalà kaaba aka mu dindà emu, ne mwikàle mumanyè ne kwèna mujaalàme kumpalà kwà Nzambi, ne kùyi mulediibwe kùdi Nyumà Wèndè to, ne Nzambi mwikàle ne. . .

Wèwè udi wamba ne: “Èè, mémè's ndi mwenzè ditonda.” Ki ng'aci cindi ngamba to. Nzambi mmuditàbe anyi? Wèwè udi mwà kwamba ne: “Èyowà, mémè—mémè ndi mwenzè ditonda,

ne bikwàbò. Èyowà, s'ndi ngiitabuuja.” Nànsha Pilaatù pèndè: “S'ngenji ditonda, bushùwà, ne: ‘Nèngénzè cinyi ne Muntu mwakàne ewu?’” Kwèna mwà kuMuumusha pa byanza byèbè ku dyowa dyà byanza nàнку awu to. To, to.

²¹² Newènzè Nendè cinyi? Pawikalà kùyi mwena Kilistò mulediibwe cyàkàbìdì, mwikalè ne Nyumà Mwîmpè musòmbèle munda mwèbè, ùvwija Mwoyi wèbè mubanji, dîbà adi bwà cinyi kùyikù uCyàngata mpindyewu? Kwàkuumushakù Cyôci eci ku dyowa dyà màyi ku byanza to. Kwàdyàkutèelejakù ndekeelu wa Mukenji ewu to. NeCîikalè cìdila bu ngonga too ne pawàbwejà Mukenji mu mwoyi wèbè ne, Yesù Kilistò ùdi umwèumwè awu makèlèlè, leelù, too ne kashidi.

²¹³ Mu batèeleji bàdì bàmwèka ne mèsù aba mu dindà emu, kùdikù mwà kwikala aba bàdì bajingùlùle ne, ne mbapiile anyi, ne bafwànyinekù kwela byanza muulu. Katwèna ne mwaba bwà dibìikila dyà ku cyoshelu to, mwaba mmùle patapata. Kadi ambà ànu ne: “Nsambidilèku, Mwanèètù Branham. Nzambì àngambùlwishèku.” Nzambì àkubènèshè, ndi mumònè cyanza cyèbè. “Cìdi, ndi muswè kwenza nàнку, mpindyewu. Mwab'ewu mene ndi muswè, kumpàlà kwà Nzambì, Yèyè àmanyè mpindyewu ne ndi mupiile, ne ndi njingulula ne ndi mupiile. Ndi—ndi muswè bwà Yèyè ùmukè pa byanza byànyi; ndi muswè bwà kwikalaYè mu mwoyi wànyi.” Elà cyanza muulu, wamba ne: “Nsambidilèku, Mwanèètù Branham.” Mukalenge àkubènèshè. Ndi mmòna, mu búngì bwà bantu aba, pàmwàpa byanza makùmi ànaayi, makùmi àtaanu byela muulu kaaba aka.

Ùbìikila leelù ewu, ùbìikila leelù ewu,

Elàngànàpu meeji mpindyewu, Yèyè ngudi ubìikila awu. Yesù ùdi ubìikila. Yèyè ngudi wakula neebè awu.

²¹⁴ Udi mwenzè mpèkaatù muyè kule, mu mùshindù wà ne mwoyi wèbè wùkaadi mupapàkàne, mu mùshindù wà ne, kùcyèna mene kàbìdì uCyùmvwa anyi? Musangu kampànda, paùvwà mwànà wa balùme anyi wa bakàji mutekète, wàkaCyùmvwa. Uvwa ne dijinga dyà kucyènza, kàdi wèwè kuCilààdikija, ki wèwè ànu kucipaja ne kucipaja mpùtá ayi ne maalù a bwenzàvi awu. Bikaadi biyè kule mu mùshindù wa kùciyi mwà kuCyùmvwa kàbìdì anyi? Udi mwimàne pàdì. . . udi ne byèbè. . . mwaba wùvwà bu mùdì Oswald mwimàne awu mu dindà emu, wùdì mumanyè awu anyi? Uh! Udi mwà kucyènza bishi?

Kùdikù mwà kwikala mukwàbò kumpàlà kwà twètù kujikija nènku ngènzè disambila anyi? Ànu mwaba kanà wònsò mu citanda emu, ewu udikù kàyi mwele cyanza muulu, bwà kwamba ne: “Mwanèètù Branham, ànu kacya wamba mèyi a ndekeelu awu, ndi—ndi ndyùmvwa nàнку awu.” Muntu kanà yònsò, pambèlu, mu tujila, ku nyùngulukilu wa màdidiishi, myaba yònsò, kì mbwalu to. Ànu. . .

²¹⁵ Nzambi àkubènèshè, wèwè inàbànzà mutekète. Nzambi àkubènèshè, mukalenge, wèwè. Ngààkumònu. Yèyè ùdi pa... Nzambi àkubènèshè, inàbànzà. Muntu mukwàbò anyi? Nzambi àkubènèshè, inàbànzà. Nzambi àkubènèshè, apa. Ne Nzambi àkubènèshè wèwè awu, mwànà wa balùme mukesè, mwànà wa bakàji mukesè. Èyowà, Mukalenge àkubènèshè. Paanyimà pààpa, mukalenge. Èyowà.

Mpindyewu twèlanganààyipù meeji mpindyewu. Ndi muswè nwènzè eci patùdì twimba bitùlùbitùlù eci apa ne, *Yesù Ùdi Ùbìikila*. Mpindyewu ndi muswè bwà nwàmbè ànu ne: “Mukalenge, ikàlaku naanyi luse, mèmè ngènzàmpèkààtù, anyi mudicinkidi. Mèmè ndi cidimba cyà èkèleeziyà, Mukalenge, kàdi ndi—ndi—ndi nKujinga. Ndi nKujinga. Nkwàcìshèku! Nè—nènKukwàcìlè mudimu. Ndi ndaya nàнку, mpindyewu mene. Nyewù ngèdì cyanza cyànyì muulu, bwà ne ndi nKukèba. Mpindyewu Wèwè bándishààku mwoyi wànyì, bwà nKwakidilè, nènku nènKwakidilè mu mwoyi wànyì.” Patùcidì twimbulula citùminyì eci apa, udikù muswè kucyènza anyi?

Ùbìikila leelù ewu, ùbìikila leelù ewu,

²¹⁶ Mpindyewu sambilà mu mùshindù wèbè sungasunga. Sambilaaku mpindyewu.

Yesù ùbìikila . . .

Yèyè ngudi wakula awu. Ki bwà cinyì wedì cyanza muulu.

. . . ùbìikila ne dinanga dyònsò leelù ewu.

Yesù ùdi ùbìikila leelù ewu, Éyì tèèlejà Díyì

Dyèndè,

Mutèlèlèjè Yèyè . . .

Mpindyewu mene, Mutèlèlèjè. Ambà ne: “Mukalenge, ndi mupìile. Mashi Èbè àdi pa byanza byànyì. Mèmè ndi ngènzàmpèkààtù. Ncyèna muÀswèpù kàbidì to. Ncyèna mwà kuUmusha ku dyowa dyà màyi to; ndi muciteetè, bidimu ne bidimu. NcyàkuKubèngela mwàkenzà Pilaatù amu, ne kuteeta bwà kuKutùma kùdì muntu mukwàbò to. Ndi nKukèba. Bwelàku mu mwoyi wànyì, mpindyewu mene, Mukalenge. Ndi nKwakidila. Ndi mmòna Wèwè mwimàne kumpalà kwànyì mene, byenzè bu cimfwànyì ciimàne mwaba awu; ku diitabuujja nkùndi mbwela buludì munda Mwèbè, mumanyè ne Udi umfwila luse. Ne ndi . . . NeWikalè mu mwoyi wànyì, kubangila ku cyòci eci.”

. . . leelù ewu,

Bantu bònsò bàsambilè.

Yesù ùdi ùbìikila, Ùdi ùbìikila ne dinanga dyònsò leelù ewu.

²¹⁷ Taatù wa mu Dyulu, kaadiyiisha kakesè aku nyawù kààjikì. Ne mpindyewu, mapàngadika, tubàdì ntulongolola mu dindà emu. Banjèlo mbadisangìshe mu cibambalu emu. Nyumà

Mwîmpè wa butùmbi kaaba aka ùdi munkaci mwà kufila dishindika dyà ne Yesù ùdi ne mwoyi. Yèyè nguvwa mpokolo wa Mwoyi wà Cyendèlèlè awu. Lukità kalùvwakù mwà kushààla luMukwàte, anyi ifernò kàvwakù mwà kushààla muMulamè to. Yèyè wàkabànda; mulekelela kùdi ifernò, mulekelela kùdi likità. Nènku mMwimàne munkaci mwètù, leelù ewu.

Ne twitabàayi yètù ne màngumba mbiswike bantu bèètù bààbùngì, Mukalenge. Mpèkaatù mmubàsawike, kàdi leelù ewu mbaswè kwikala badishikàmine. Mbiimàne bu Pilaatù, ne, pamutù pàà kuMutùpwila muntu kampànda mukwàbò, bóbò bèdi byanza muulu ne: “Bwelàku munda mwà mwoyi wànyì, Mukalenge Yesù. NcyàkuKuumusha kàbìdi kùndi ku dyowa dyà màyi to. Ncyèna mwà kucyènzakù to. Wèwè ucìdi ànu pa byanza byànyì. Ndi mwowè màyi misangu ne misangu, kàdi Kùyi ànu mufwànyine kuumuka to, kàdi mpindyewu nkàadi nKwakidila. Ndi nKukèba mu nsòmbelu wanyì, ne nkàadi nKwakidila mu nsòmbelu wanyì. Mukalenge, ngaakidilèku mu Bukalenge Bwèbè, ku dimfwilà dyà luse ku mpèkaatù yànyì, ne mpèèshèku diitabuuya dyà kwitabuuya ne Wèwè udi ungaakidila, Taatù.” Enzàku nànkù. Mu Dìna dyà Yesù Kilistò, mmutùdi tulòmba emu.

²¹⁸ Nènku mpindyewu, bu munùdi ne mitù miinyika, diitabuuya, ku diitabuuya: “Nènku, Nzambì, Wèwè nkwàcìshèku bwà ngiikalè ne meeji matòoke, kàdi bu mùndi mumanyè ne Wèwè udi ulaya ne ‘Ewu wàlwa Kùndi, Mèmè ncyàkumwipatakù to nànsha byà munyì. Nènku Nèmmupèèshè Mwoyi wà Cyendèlèlè, ne Nèmmubiishè ku lufù ku matùkù a ndekeelu. Ewu wàNjikula kumpalà kwà bantu awu, Mèmè nèmmujikùlè kumpalà kwà Taatù Wanyì ne Banjèlò Bèndè bàà cijila. Ewu udi umvwa,’” dyumvwija dyà cyà bushùwà, dilelèlè dyà Yone Munsantu 5.24 mwab’awu, dìdi ne, “ewu udi upeta luumvu, udi upeta Dìyì Dyànyì awu. Ewu udi upeta Dìyì Dyànyì awu, ne witaabuuya Yèyè wàkaNtùma awu, ùdi ne Mwoyi wà kashidi, ne kàakubìikidiibwa ku Cilumbulwidi to.” Kwàkulwa wèwè ku Cibàsà cyà ku Cilumbulwidi mwàlwà Oswald amu nànsha. “Kadi’s ukàadi muumùke,” mwikàle ne difwidiibwa dyà luse, “ku lufù muyè ku Mwoyi.”

²¹⁹ “Mukalenge, ncyèna mumanyè ne mmunyi, ncyèna mumanyè ne mbwà cinyì to, kàdi—kàdi ndi ngiitabuuya ne cyènzèki. Ndi ngiitabuuya ne, mu mwoyi wànyì, bupidyà bwànyì mbuyè. Ndi mwà kwamba mudilekèlèle ne ‘amen’ ku Dìyì dyònsò dyùdi Wèwè wamba, ne ndi nDìitaba mpindyewu mene. Ndi ncìitabuuya.”

²²⁰ Mpindyewu ne mitù yènù miinyika. Nwènù bàdi biitabuujà nànkù, bàdi beelè byanza muulu kùkaadi katanci kakesè abu, ne ku diitabuuya umòna cimfwànyì cyà Kilistò ciimàne mwaba awu, cìdi cikèngela bwà wèwè kwikalàmù aci, udi mpindyewu wenda ku diitabuuya, witaabuuya ne mpèkaatù yèbè mmifwidiibwe

luse. Nènku kubangila ku ditùkù edi, udi mudìlongòlòle bwà dibàtìijibwa dyà bwena Kilistò, ne mpindyewu mudìlongòlòle bwà kubwela munda mwà Kilistò. Nudikù, bu bujaadiki kùdiYe, mwà kwela byanza muulu, kwamba ne: “Ku diitabuuja ndi nCìitabuuja ne mwoyi wànyì wònsò” anyì? Nzambi ànùbènèshè. Abi mbìmpè. “Ndi mpindyewu nCìitaba. Ndi—ndi ngiitaba; ncyèna ne cìndì mwà kwenza nànsha cìmwè to.” Nzambi ànùbènèshè. Mbimwèke anu bu bantu bònsò bândi mumòne’s. “Ndi mpindyewu ngiitaba.”

²²¹ Nwamònu’s, wèwè kwèna mwìmpè mene to, kacya kùtùkù mwìmpè mene to, kwèna mwà kwikalakù mwìmpè mene to, kàdi Yesù wàkafwà mbwà bantu bàdi kabàyi bìmpè mene abu. “Bidi bikèngela ngènzè cinyì, Mwanèètù Branham?” Itàbà wèwè ànu cyanààna cyàkawkenzelàYe Yèyè aci. Nènku mpindyewu mu kuCìitabuuja ne mu kuCìitaba . . .

Mpindyewu, ngeela meeji ne, mpaasàtà, ciina cyà màyi neciikalè bwàshì. [Mwanèètù Neville ùdi wàmba ne: “Èyòwà.”—Muf.] Dibàtìiza nedìikalè mu bulongàme, pawikalà muswè bwà kubàtìijibwa.

Pawikalà mwangàte myànzu ne: “Taatu, Mwànà, Nyumà Mwìmpè,” bulelèlè ne wèwè udi . . . Ndi ngamba cyòci eci ne kaneemu ne ditwà dyà musinga, kàdi, ku wànyì mùshindù wà dicimòna, kùtu mubàtìijibwe to. To, bwalu kwèna mukùmbàje cyàkambàYe Yèyè aci to.

²²² Yèyè wàkamba ne: “Nubàbàtìizè mu Dìna dyà Taatu, Mwànà, ne Nyumà Mwìmpè.” Pìikalàbo ànu basòke myànzu ayi cyanààna pa wèwè; Yèyè kàakambakù ne: “Ndàayi nùkasòkè *myànzu* eyi; ndàayi nùkasòkè *mèna* aa” to. Kacyapù kacitukù cyenjìibwe mu Bible to. Kacya kacitukù cyenjìibwe mùshindù awu to. Bivwa ne, kubàtìiza mùshindù wàkambà Yesù awu ne: “Mu Dìna dyà Taatu, Mwànà, ne Nyumà Mwìmpè,” cidi n’Yesù Kilistò.

²²³ Peetèlò, mwikàle ne nsapì ayi, wàkamba cintu cìmwècìmwè aci, mùpostòlò mukwàbò yònsò, Èkèleeziyà mujimà, too ne ku Nsangilu wa kumpàla wa Nicée pàakavwijibwà èkèleeziyà wa Kàtòlikè wa cyena Loomo bulongolodi, mwitàbe myànzu pamutu pàa Dìna. Anyì udi mubàtìijibwe mu méyi maswikà a cyena-Loomò à dingumba aa, anyì mubàtìijibwe mu Dìna dyà Yesù Kilistò, eci anyì eci. Cidi pa byanza byèbè, kwèna mwà kuCyùmusha ku dyowa dyà byanza nànsha, Cidi ànupù.

Wèwè waCìtàbi mpindyewu. Nènnùlòmbèku, pàdi—pàdi mwimbi wa cisanji cyà orgue ne wà pyànò bàbuulula ku musambu wà kale mumanya bìmpè awu pa wà ne:

Diitabuuja dyànyì nditàngile kuulu Kùdi,
Wèwè Mwànà wa mùkòkò wa ku Kàlvariò,

Musùngidi wa kùdi Nzambi;
 Mpindyewu ngumvwilèku pândi nsambila apa,
 Ne umùshàku dipiilà dyànyì dyònsò,
 Ne anyishàku bwà kuumukila ku leelù
 Mémè yònsò ngiikalè ànu Webè!

224 Muntu nànsha umwe kùumukukù mu citanda emu to. Juukilaayi ànu kuulu ne kaneemu kònsò mpindyewu, ne twèlàayi ànu byanza muulu kùdiYe mpindyewu.

Diitabuuja dyànyì nditàngile kuulu Kùdi, (Ne Yèyè ùdi Dìyì.)
 Wèwè Mwànà wa mùkòòkò wa ku Kàlvariyò,
 Musùngidi wa kùdi Nzambi;
 Mpindyewu ngumvwilèku pândi nsambila apa,
 Umùshàku mpèkaatù wànyì yònsò,
 Éyì anyishàku bwà kuumukila ku leelù
 Ngìikalè mémè yònsò . . .

Mémè yònsò ne mu kaabujimà, Webè Wèwè! Ndi mpindyewu ndekelela nsòmbelu wanyì.

225 Mâyì neikalè malongolola mu tusunsa tukesè emu. Pawikalà kùyi mwà kwangata dibàtiiza mpindyewu to, netùbatiize cyàkàbìdi dilòlò edi.

Elàngànàpu meeji, mu mapingaja mwònsò emu ne: “Pa byanza byèbè.” Cyùmùshè. Mùshindù wùmwèpelè wùdi mwà kwenza, ngwà ne, ùsukudiibwè mu Mashi a Yesù Kilistò, Nganyì udi . . . Nwamònu anyì? Èyowà’s, mukalenge. Ikàlà mucivùlùke mpindyewu patùdi twinyika mitù yètù apa. Ikàlà mutàngile kùdiYe mpindyewu.

Pàdi nyòngòlò wa mîdimà wa mwoyi wà pànu . . .

226 Dipàngadika didi mu mwoyi wèbè mpindyewu. Yèyè ùdi ku cilumbù. Dìyì didi pabwìpì ne kupoopediibwa pa nkùrusè. Kilistò ùdi ku cilumbù. Wèwè newènzè cinyì ne Yesù udibò bàbiikila ne n’Kilistò?

Wèwè ikàlà Mulombodi wanyì;
 Tùminàku mîdimà dìyì bwà yàndamukè muunya,
 Kùpulàku tunyinganyinga, binsònji,
 Kùndekèdiku mpàmbuka
 Nya kule ne luseke Lwèbè nànsha.

Mpindyewu biinyikekù myoyi yètù. [Mwanèètù Branham ùdi wimbila mu matàma *Diitabuuja Dyànyì Nditàngile Kuulu Kùdi*—Muf.]

227 Elàngànaayi meeji mu ndòndò, nwènù balundà bàanyi. Mbifwànyine kwikala ne dyèbè dìnà ki dyà ndekeelu bwà kufundiibwa pa Mukàndà. Tudi ku cikondo cyà nshiikidilu.

Mpindyewu elàngàna meeji mu ndòndò menemene. Wêwè, kùdikù muntu kaaba aka ùdi muMubenge anyi?

²²⁸ Wavùluka ne, bìdi mwà kwenzeka ne kacìyikù mwà kulwa kàbìdi to. Pilaatù kàakapeta mukwàbò mpùngà to. Wàkateeta ne mwèndè mwònsò bwà kusùngidiibwayè, kàdi kàyi mwà kumupetakù to. Cìvwa pa byanza byèndè. Kàdi wêwè newènzè cinyi ne Dîyi dilaaba bwà ditùkù edi, didìbo bàbìikila ne n'Kilistò edi?



NENGÈNZÈ CINYI NÈ YESÙ UDIBÒ BABIİKILA NÈ N'KILISTÒ? LUA63-1124M
(What Shall I Do With Jesus Called Christ?)

Diyiisha edi dya Mwaneetu William Marrion Branham dyakayiishiibwa bwa musangu wa kumpala mu Anglais mu dyalumingu mu dindà, mu matùkù 24 a ngondo wa dikumi ne umwe, cidimu cyà 1963, mu Branham Tabernacle mu Jeffersonville, Indiana, U.S.A. Ndyumusha pa mukaba wa mêyi ne dituuta ku cyamu mu kaabujima kààdi mu Anglais. Nkudimwinu wa mu Ciluba ewu mmutuuta ku cyamu ne mwabanya kùdi Voice Of God Recordings.

CILUBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Dîyi dya bwena-cintu

Makenji ônsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwè anyi bwa kupeeshangana, kabiya bya mfranga to, bu cintu cya kutangalaja naaci Evanjeeliyo wa Yesu Kilisto. Mukanda ewu kawenaku mwa kusumbishiibwa, kuvudijiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyi wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org